





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
Cf. MAGL. 2.6.545





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.545



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.545



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.545

2. 6. 545.


2 R. 6

XXXVIII

VELS. de Act.

Mar. AFR.

HILAR. B.



CONVERSIO
ET PASSIO
SS. Martyrum


AFRAE, HILARIAE, DIGNAE,
EVNOMIAE, EVTROPIAE;

Quæ ante annos paullo minus MCCC.

AVGVSTAE VINDELICORVM
PASSAE SVNT.

Cum Commentario,

MARCI VELSERI
Matthæi F. Aug. Vind.



CVM PRIVILEGIO.
VENETIIS, CID. IO. XCI.
Apud Aldum.

Clemens Rom. Apost. Constit. lib. 5. c. 7.

De martyribus verò præcipimus vobis,
vt in omni honore sint apud vos.



LECTORI. S.



QUIS cultus sanctis tutelaribus
 debeat, optimè expressit D.
 Maximus Taurinensis Episco-
 pus: qui non multo post D. Am-
 brosium vixit, cuiusq; plurimæ lu-
 cubrationes aliquando Ambro-
 sij nomine cense sunt. Et si autem sententiam uer-
 bis non breuissimis comprehenderit, operapretium ta-
 men erit locum integrum, quatenus huc facit, ex-
 scribere. Ait itaq; Cum omnium sanctorum
 martyrum, fratres, deuotissimè natalem cele-
 brare debemus, tum præcipuè eorum solenni-
 tas tota nobis veneratione curanda est, qui in
 nostris domicilijs proprium sanguinem profu-
 derunt. Nam licet uniuersi sancti vbique sint,
 specialiter illi tamen pro nobis interueniunt,
 qui & supplicia pertulere pro nobis. Martyr
 enim cum patitur, non sibi tantum patitur, sed

*Serm. de
 nat. ss. O-
 ctauy Ad-
 uent. & So-
 lut.*

A 2 & ci-

& ciuibus. Sibi patitur ad requiem, ciuibus ad salutem. Exemplo enim eorum didicimus Christo credere: didicimus contumelijs vitam æternam quærere: didicimus mortem non timere. Videte ergo quid martyribus debeamus; in quo alter tortus est, vt alter saluaretur. Alter carnificem pertulit, vt alter Christum agnosceret. Alter morti addictus est, ut alius uita potiretur æterna. Et ad postremum, sanctus occisus est, ut peccator euaderet. Beati igitur martyres nec sibi uixerunt, nec sibi mortui. Exemplum enim nobis reliquerunt bene uiuendo, conuersationis; tolerando fortiter, passionis. Nam ideo dominus, per totum mundum, diuersis in locis, pati martyres uoluit, ut tamquàm idonei testes, nos præsentis quodam fidei exemplo suæ confessionis,urgerent: vt humana fragilitas, quæ prædicationi dominicæ, aditu longiore vix credit, uel præsentis oculorum testimonio, martyrio crederet beatorum. Cuncti igitur martyres deuotissimè percolendi sunt: sed specialiter ij uenerandi sunt à nobis, quorum reliquias possidemus. illi enim nos oratione adiuuant, isti etiam adiuuant passione. Cum his autem nobis familiaritas est. Semper enim nobiscum sunt: nobiscum morantur: hoc est, & in corpore nos uiuentes

uentes custodiunt, & de corpore recedentes excipiunt, Hic, ne peccatorum nos labes absumat: ibi, ne inferni horror inuadat. *Huic sententia*, quisquis probè erga pietatem affectus, libens subscribet. *Maiores* certè nostri, homines antiquè boni, qui rectè facere, quam contentiosè de rebus sacris disputare prius ducerent, eam præclaro exemplo consi marunt. Relatum est enim in annales, *Henricum Imp. quem IV. dicunt*, ab *Hermann*o *Augustano* episcopo partem corporis sanctæ *Asfræ* expetiisse, ecclesiæ, quam *Spiræ Nemetum* condiderat, inferendam. Nemo dubitabat, quin precibus eius, qui cogere posset, & vero etiam soleret, parendum esset; quam parcissimè tamen faciendum existimabant omnes. Accedit igitur ad sepulchrum martyris episcopus; reserat loculum; illa, qua par fuit, religione, unum ex pollice pedis aufert articulum. Hunc publicè prius ostensum, magni muneris loco imperatori transmittit. Cives interea, qui charissimo pignori timerent, basilicam insedere frequentes, fores etiam armati obseruauere, ne plus quam constitutum erat, asportaretur. Eo tunc ardore in Deum, & in sanctos, quos Dei amicos esse scirent, ferebantur, Vt res suas priuatim tanta diligentia nullus, quanta sacras reliquias publicè asseruarent uniuersi. Quod etiam priuatim, & publice bene uertit. Rideant hæc, qui omnia rident. Mihi certum est lauda-

laudatissimis vestigijs insistere . Et quando optimis
martyribus aliud obsequij genus nunc prestare non li-
cet , veterem historiam , qua potui ratione illustran-
dam sumpsi . Exemplum quod fidissimum uideba-
tur sequutus . Nam a diuersis descriptoribus aliud
atq; aliud habemus : Ut tamen verba, & hæc modi-
cè, non res dissentiant . Augusta Vind.



¹ I N C I P I T

² C O N V E R S I O

³ S A N C T A E ⁴ A F R A E , ^{3.} ⁴

⁵ & puellarum eius.



⁶ P V D prouinciam Retiam, ⁶
⁷ in ciuitatem Augustam ⁸ ^{7.} ⁸
Narcissus ⁹ episcopus ve- ⁹
niens, ¹⁰ tempore, quo per ¹⁰
secutio Diocletiani ferue-
bat, nesciens quo intraret
¹¹ profugus, ad mulierem quandam ingressus ¹¹
est, nomine Afram, ¹² cum diacono suo ¹³ Feli ^{12.} ¹³
ce. Illa autem, uidens honestos uiros, existi-
mans aduentores impudicos, parat cœnam, &
omnia, quæ solito more, cum tribus puellis, ¹⁴ ¹⁴
parare amatoribus consueuerat. Episcopus au-
tem, veniens ut cibum caperet, ¹⁵ orare cœpit, ¹⁵
& psallere. Afra autem, quia nunquam hæc
audierat, stupefacta cœpit inquirere quis esset.
Et ¹⁶ ediscens hunc esse Christianorum episco- ¹⁶
pum,

CONVERSIO ET PASSIO

17. 18 pum, ¹⁷ procidit ante pedes eius, dicens: ¹⁸
Domine indigna sum ualde, & in ista ciuita-
te nulla me turpior potest inueniri. Cui ait
19 Narcissus episcopus: Saluator noster ¹⁹ à tur-
pissimo tactu inquinari non potuit, illius enim
tactus omnes sordes diluit, atq; mundauit, &
sordes non poterant inquinare domini chari-
20 tatem. Nam & ²⁰ lux de cēlo ueniens, & splen-
dor solis, dum circa cloacas, & lutulentas pla-
teas funditur, mundus funditur de cēlo, & mun-
21. 22 dus leuatur in cēlum. Vnde & tu, ²¹ filiola, ²²
23 fuscipe in te lumen fidei: ²³ ut purificata ab om-
ni peccato, possis de meo introitu perpetua
24. 25 ²⁴ charitate gaudere. Dicit ei Afra; ²⁵ ego qui-
dem, quæ plura capillis meis peccata com-
misi, quomodo possum à tantis sordibus abluī?
26 Respondit Narcissus episcopus: ²⁶ Tantum
crede, & baptizare, & salua eris.

Post hæc Afra conuocans puellas suas, di-
xit: Ilte homo, qui ad nos intrauit, episcopus
est Christianorum: & dixit mihi, Si credideris
Christo, & baptizata fueris, ab omni poteris
27 emundari peccato. ²⁷ Quid uobis videtur?
28 Respondentes autem ²⁸ Digna, Eunomia, &
Eutropia dixerunt: Tu nostra domina es, &
si sequutæ sumus te ad inquinamenta facino-
rum, quomodo te non sequemur ad indulgen-
tiam

tiam peccatorum? Tu caput nostrum es, quocunque ierit caput, membra necesse est ut sequantur.

Interea dum hæc loquerentur, nox initium sumpsit. ²⁹ Incipiens autem hymnos Deo canere cum diacono suo episcopus, totam noctem orando, & psallendo pertransiit, ³⁰ simul habens Afram cum suis puellis consortem. Mane autem facto, episcopus Narcissus cepit inquiri. Dictumq; est Afræ: Vbi sunt qui ad te introierunt? Illa autem dixit eis. Hospites amatores mei ³¹ manserunt hic, & abierunt ad sacrificium. Illi autem audientes illos isse ad sacrificium, putabant eos ad ³² Capitolium uel ad templum abiisse. Alijs ergo discendentibus, remansit vnus ex eis, qui diceret: Ego cognoui eos sero ad te uenisse, & scio quia Christiani erant, nam ³⁴ omni hora signabant frontes suas signo crucis, in qua Christus eorum passus est. Dicit ei Afræ: ³⁵ Ad me me retricem haberent intrare, si Christiani essent? Ad me non ueniunt nisi qui mei similes sunt. Abijt ille, & nunciauit omnia quæ dixerat, quæque audierat, his qui querebant eos.

His ita gestis, ³⁶ abijt Afræ ad matrem suam Hilariam, & dixit: Episcopus Christianorum ³⁷ uenit ad me nesciens quo intraret, & per totam

B tam

CONVERSIO ET PASSIO

³⁸ tam noctem, ³⁸ expandens manus suas ad
 Deum suum, cantans quod nouit, nos fecit si-
³⁹ mul orare: ³⁹ Circa uerò pullorum cantum ex-
 tinctum est lumen candelæ: & cæpi festinare,
 ut eam accenderem, & non potui. Tunc di-
⁴⁰ xit mihi diaconus eius: Noli quærere lumen
 extinguiibile, modo tibi ⁴⁰ ostendetur lux, quæ
 extingui non potest. Et cum dixisset episco-
⁴¹ pus: ⁴¹ Veni lux mea de cælo, ostende faciem
⁴² tuam, & salui erimus, ⁴² Venit fulgor de cælo
 sicut sol, & sicut coruscatio ante tonitruum,
 & non recessit antequam aurora inciperet.
⁴³ Et ⁴³ dum orationem finisset, iussit nos sibi
 respondere, & dicere, Amen. Et lux fulgoris
 illius paulatim recessit. Post hæc misi me ad
⁴⁴ pedes eius, & dixi illi: ⁴⁴ Domine, iniuriam
 tibi grandem fecisti, quod ad me introisti,
 sum enim mulier peccatrix. Et ille dixit: quo
 me Deus meus iussit ingredi, introiui. Circa
 diei uerò horam tertiam, ostenderunt se mi-
 hi, qui eis ante lucem infidiati fuerant, ut
 exeuntes tenerent eos, & occiderent. Sed cum
⁴⁵ non exissent, conuenerunt me. Ego uerò ⁴⁵ fa-
 sces lini habeo, sub quibus abscondi eos, &
 timeo, ne scrutentur locum illum. Sed si iubes,
 domina mater, huc eos transire faciam. Quia
 promisit mihi episcopus dicens: Faciam te
 Chri-

Christianam, & omnia peccata tua diluentur. Audiens hæc ⁴⁶ mater eius, gaudio repleta ⁴⁶ dixit: Præstet Deus, ut & mihi hoc contingat. Cui dixit Afra: Ergo nocte ueniente ducam eum huc. Respondit mater eius: Etiam si noluerit, roga eum.

Vespere autem facto, rogauit sanctum Narcissum episcopum Afra, ut iret ad matrem eius. Ingresso autem eo domum, factum est gaudium magnum, Ita ut Hilaria ⁴⁷ per tres horas ⁴⁷ teneret plantas eius, & diceret. Obsecro te domine, ut & me facias mundari a peccatis meis. Tunc sanctus Narcissus episcopus dixit ei: Beata est fides tua, quæ ⁴⁸ antequam disceres ⁴⁸ uerbum ueritatis, ipsam ueritatem, quam per uerbum uix possunt homines agnoscere, in tua mente fundasti. Veruntamen quia uideo uos capaces esse uerborum Dei, ⁴⁹ hodierna ⁴⁹ die simul incipite ieiunare, & per septem dies ieiunantes audite sermonem ueritatis: Octaua autem die purificabimini ab omni peccato, & eritis ab omni pollutione immunes. Dixit ei Hilaria: Si iubes domine, ⁵⁰ dicimus quid colimus, & ita demum doce nos, quid colere debeamus. Dixit ei Narcissus episcopus: In hoc apparet quia bene poteris suscipere quid colere debeas, si quid huc usq; colueris euiden-

B 2 ter

CONVERSIO ET PASSIO

ter exponas. Dic ergo culturam tuam. Hilaria respondit: ⁵¹ Parentes mei genere Cyprij fuerunt, & ⁵² inde uenerunt cum sacris Veneris. Et ⁵³ Venus coli non potest nisi ab his fœminis, quæ fuerint fornicatæ. Ideo ego denique filiam meam sacris Veneris consecraui, quasi Deę Veneri seruituram, & de opere meretricio placituram, in prostibulo manere permisi. Credens quod mihi esset propitia Venus, si filiam meam diuinis eius imitationibus ⁵⁴ occupassem. Nam ⁵⁴ quanto plures amatores habere potuerit mulier, quę Veneri seruit, tanto plus Veneri placere posse a sacerdotibus affirmatur, Audiens hæc uir Dei Narcissus episcopus, ⁵⁵ ingemuit, & lacrymas fudit, dixitq; ad Diaconum suum: Surge frater, & demus lamentum super culturam talem. Et rogemus ⁵⁶ dominum, ut ⁵⁶ ubi abundauit iniquitas, superabundet & gratia.

Factum est autem cum orassent, ⁵⁷ apparuit ⁵⁸ egyptius quidam nigrior coruo, nudus, & ⁵⁸ uulneribus elephantia corpore toto plenus, & ⁵⁹ dare cepit mugitum, dicens: ⁵⁹ O Sancte Narcisse episcope, quid tibi cum caussa mea? ⁶⁰ Quid tibi cum ancillis meis, quas ego semper in mea familia habui? Deus tuus mundas animas, & munda corpora diligit. Istæ iam ⁶¹ meæ

meæ sunt, alius esse non possunt. ⁶² Nunquid ⁶³
 ego intro ubi castitas regnat? Nunquid locum
 inuenio, ubi est spiritus castitatis? Hic tu quid
 intrasti, ubi inquinata sunt corpora, & pollu-
 tæ sunt animæ? Tunc sanctus Narcissus epi-
 scopus dixit ei: ⁶³ Iubeo tibi immunde spiri- ⁶³
 tus, ut des mihi responsum de eo, quod te inter-
 rogauero. Dic mihi damnate, ⁶⁴ Scis Christum ⁶⁴
 Iesum dominum nostrum Nazarenum tētum;
 flagellatum, sputis in facie illitum, spinis coro-
 natum, irrisum, ligatum, felle, & aceto pota-
 tum, affixum Cruci, mortuum, & sepultum, die
 tertio resurrexisse? Scis hoc factum esse? Re-
 spondit dæmon, & dixit: Vtinam mihi hoc ne-
 scire licuisset. Nam ex ea hora, qua crucifixus
 est, ⁶⁵ princeps noster ⁶⁶ fugit a facie eius, ⁶⁵ ⁶⁶
 quia uirtutem persequentis ferre non potuit.
 Tunc saxa illa solida scindebantur, & monu-
 menta aperta sunt, & surrexerunt sancti uiri,
 qui uiderunt hoc factum, quando princeps no-
 ster, ab eo qui crucifixus est, ⁶⁷ tentus est, & ⁶⁷
 catenis religatus. Respondit sanctus Narcis-
 sus, & dixit; Quod nomen est principis uestri?
 Dicit ei dæmon: ⁶⁸ Sathan nomen est ei: Quod ⁶⁸
 interpretatur initium mortis. Dicit ei Narcis-
 sus episcopus: Dic mihi, quid peccauit domi-
 nus Iesus Christus, ut tanta pateretur? Dicit ei
 dæmon:

CONVERSIO ET PASSIO

demon : Nunquam peccauit. Dicit ei Narcissus episcopus: Et qui nunquam peccauit, quare tanta perpeffus est? Respondit demon: Non pro suis peccatis passus est, sed pro alienis. Dicit ei Narcissus episcopus: ⁶⁹ Ex ore tuo condemnaris immunde spiritus. Cum ergo scias dominum meum Iesum Christum, non pro suis, sed pro alienis peccatis occisum, discede ab his mulieribus, quia etiam pro istis passus est, quæ ad eius fidem, & gratiam confugerunt. Dicit ei demon; ⁷⁰ Quia docet lex, & iubet, ut res alienas non tollat aliquis, tu qui sanctus es, res meas quare tollis? Quid mihi tollis animas, quas lucratus sum? Dicit ei Narcissus episcopus; ⁷¹ Effractor, & fur, ⁷² ab initio damnate, ⁷³ & in malitia ⁷³ inueterate, Quia istas animas à Deo suo tu separasti, ego te modo furem teneo, & creatori creaturam suam restituo. Respondit ei demon: Et ego creatura eius sum, ⁷⁴ & me ergo creatori meo restitue. Dicit ei Narcissus: ⁷⁵ Tu ipse ex ore tuo hoc confessus es, Christum pro peccatis hominum passum esse: si, quomodo pro hominum peccatis passus est, ⁷⁶ etiam pro dæmonum ⁷⁶ impietatibus passus esset, restituerem te creatori tuo: Nunc autem, quia sic passus est pro peccatis hominum, ut uestrum principem religaret, uade tu ad principem

cipem tuum. Dicit ei dæmon: ⁷⁷ Fac pieta- ⁷⁷
 tem super me, & ⁷⁸ da mihi vel unam animam ⁷⁸
 in potestatem. Dicit ei Narcissus episcopus: Si
 dederō tibi animam in potestatem, quid de ea
 facies? Dicit ei dæmon: ⁷⁹ Interficiam eam, & ⁷⁹
 lucrabor animam ipsius. Dicit ei Narcissus epi-
 scopus; Cras prima luce, dabo tibi potestatem
 hanc, ut facias. Dicit ei dæmon: ⁸⁰ Dic mihi ⁸⁰
 ante Deum tuum, quia das mihi animam intra
 corpus inclusam, quam ego lucrer. Dicit ei
 Narcissus: Ante Deum meum, dabo tibi ⁸¹ ani- ⁸¹
 mam intra corpus inclusam, manducantis, &
 bibentis, & dormientis, & iterum uigilantis.
 Dicit ei dæmon: Modo iube me hic manere ista
 nocte. Dicit ei Narcissus: ⁸² Si potes nobiscum ⁸²
 manere, mane. Dicit ei dæmon: ⁸³ Si non ex- ⁸³
 pandis manus tuas ad cælos, & non pfallis Deo
 tuo possum hic manere. Dicit ei Narcissus:
 Nunquam sit tibi bene immunde spiritus. Nō
 solum autem ego, sed & istæ omnes mecum,
 per totam noctem Deo nostro flectent genua,
 & laudes ei nobiscum canent. Tunc dæmon
 ululatum teterrimum dirę uocis emisit, & nus-
 quam comparuit.

Sanctus autem episcopus fecit post ieiun-
 nium refici Afram cum matre sua, & cum
 puellis suis. Quæ trementes pro eo quod au-
 dic-

CONVERSIO ET PASSIO

dierant, & uiderant, eius monitis conforta-
⁸⁴ bantur. ⁸⁴ Ipse autem cum Felice diacono
 suo non refecit se, sciens se iterum mane cum
 dæmone luctamen habiturum. Transiit ita-
 que nox tota orationibus, & psalmorum cano-
 ribus plena. Die autem orto affuit dæmon
 dicens: Memor esto sancte episcope iuramen-
⁸⁵ ti tui, quod dixisti ante Deum tuum. ⁸⁵ Da mihi
 animam, cuius corpus occidam, & animam eius
 mecum habeam. Respondit sanctus Narcissus
⁸⁶ episcopus, & dixit: ⁸⁶ Et tu iura mihi in nomine
 Dei mei, quia statim interficias quem tibi de-
 dero in potestatem, & si eum non interficias
⁸⁷ ⁸⁷ iubeat te Deus ire in abyssum. Dixitq; ei
 dæmon: Per ipsum, qui nos cum principe no-
⁸⁸ stro uicit, iuro: ⁸⁸ si non, me iubeat ire in abyf-
 sum, quia statim interficiam eum, quem mihi
 dederis in potestatem. Dixitq; ei Narcissus
⁸⁹ episcopus: ⁸⁹ Vade iuxta flumen fontis al-
 pium Iuliarum, unde nemo potest aquam bibe-
 re, non homo, non pecus, non fera aliqua, quia
⁹⁰ ⁹¹ ⁹⁰ Draco ibi habitat, & ⁹¹ de flatu eius, omnes
 qui ad fontem accesserint, moriuntur: hunc
⁹² interfice, & ⁹² in tuam potestatem redige ani-
 mam eius. Tunc exclamauit dæmon, dicens:
⁹³ ⁹³ O episcopum mendacem. Insuper me liga-
⁹⁴ uit iuramento, ut ⁹⁴ amicum meum occidam:
 quem

quem si non occidero, compellet me ire in
abyssum. Tunc daemon assensit; & ⁹⁵ occi- ⁹⁵
dit draconem: & liberatus est fons, ad usum
omnium, ⁹⁶ usque in hodiernum diem. ⁹⁶


⁹⁷ Per dies autem plurimos docuit eas uer ⁹⁷
bum Dei, sanctus Narcissus episcopus. Et
baptizata est Hilaria, cum filia sua Afra, &
cum puellis suis, & ⁹⁸ cum generatione sua, ⁹⁸
& cum omnibus amicis suis. ⁹⁹ Fecitque do- ⁹⁹
mum Hilariæ ecclesiam. Et ¹⁰⁰ ordinauit ¹⁰⁰
eis presbyterum Dionysium, auunculum
Afræ.

¹⁰¹ Ipse autem episcopus Narcissus, perfe- ¹⁰¹
ctis ordine rebus, post menses nouem, ad Hi-
spaniam profectus est, ad ciuitatem ¹⁰² Ge- ¹⁰²
rundam. In qua multum populum Deo ac-
quisiuit ¹⁰³ per tres annos. Et ita demum ¹⁰³
¹⁰⁴ martyrij palmam cum diacono suo Feli- ¹⁰⁴
ce attigit.

C AD



AD CONVERSIONEM
SANCTAE AFRÆ,
& puellarum eius,
COMMENTARIUS,



AUCTOREM huius historie (quæ prima solet esse commentatorum disquisitio) ignoramus quidem; Verisimiliter tamen suspicamur, fuisse aliquem ex clero Augustano, cui publico ecclesiæ decreto id muneris iniunctum. Nam constat, inter præcipuas curas ecclesiis olim incubuisse, res à sanctissimis martyribus præclare gestas, fortiterq; passas, litteris consignare. Id est discere ex Fabiani Pontificis epistola, quam Dilectissimis ubique catholicæ ecclesiæ comministris scripsit. Cum enim Romanæ ecclesiæ diligentiam, in colligendis martyrum gestis per subdiaconos, & notarios, exposuisset, Adiungit, Quod etiam vos omnes agere monemus, ne in posterum aliqua ex his dubitatio fiat, quæstioq; oriatur, quoniam omnia, quæ scripta sunt, ad nostram doctrinam scripta sunt. Et quæ nostris temporibus ueraciter scribuntur, ad futurorum doctrinam diriguntur. Et ideo fidelissimis hæc negotia committi præcipimus, ne aliqua in eis illusio inueniatur, ex qua fidelibus scandalum (quod absit) oriatur.

Que

Quæ fidem & auctoritatem huiusmodi historiarum mirè confirmant. Hoc tamen non à Fabiano primum institutum, sed ab Apostolorum temporibus observatum, ostendit quæ adhuc extat, Passio sancti Andreæ Apostoli per presbyteros & diaconos ecclesiarum Achaie scripta. Et apud Eusebium de morte Polycarpi elegans epistola, quam scribit Ecclesia Dei, quæ Smyrnam incolit, ecclesiæ, quæ est Philomilij: Item epistola de martyribus Gallie sub Vero, inscripta, Serui Iesu Christi, qui Viennam, & Lugdunum Gallie incolunt, fratribus in Asia & Phrygia: Atque nonnullæ aliæ huius generis scriptiões. Quarum multo plures & integriores haberemus, absque Diocletiano fuisset. Hic nihilo minus in Christianorum libros, quam in corpora desuij. Vti, præter alia testimonia, argumento est hætenus celebrari solita IV. Non. Ian. Romæ commemoratio plurimorum sanctorum martyrum, qui spreto Diocletiani Imp. edicto, quo tradi sacri codices iubebantur, potius corpora carnicibus, quam sancta dare canibus maluerunt. Innumeras ista calamitas sanctorum historias afflixit. At si qui sub ipso Diocletiano passi, illorum historie, pace ecclesiis per Constantinum reddita, recenti adhuc memoria facile restitui potuere. Idæque huic, quam præ manibus habemus contigisse credendum. Cum semel atque iterum persecutionis iam præterita meminerit. Ne inferiorem Constantino Magno existimem, stylus neque purè latinus, neq; ex posteriorum temporum sece planè barbarus, memoret. Præterea, simplex & nuda rerum gestarum narratio: quæ absq; dubio primum autographum, nullis dum colorum pigmentis illitum, & priscæ pietatis ingenuos spiritus redolet. Surius miror cur mutauerit. Mihi aliqua uerba minus pura, & phrasēs paullo rudiores, tanti non videntur.

Euf. hist.
eccl. lib. 4.
c. 14.

Lib. 5. c. 1.

Ex mart.
Ro.

Prudēt. de
Hemir. &
Chæled.
Chartulas
blasphem.
olim nā sa-
rilles abstu-
lit, &c.

INCIPIT] Quæ in nonnullis exemplaribus prologi nomine præcedunt, pio studio à viro bono collecta esse non iuero inficias. At cum dubiæ famæ innitantur, imperitis coniecturis plenissima, à candore reliquæ historie aliena, non eiusdem auctoris, non ætatis sint, omittere placuit. Nullo lectorum damno.

CONVERSIO] Huius vocabuli absolute positi Christianus vsus est, de illis, qui peccatis valere iussis, ad meliorem frugem se conferunt. Ita passim ab ecclesiasticis scriptoribus vsur-

C 2 patur.

CONVERSIO S. AFRÆ

Euāg. q̄st. sc. Mat. quæst. 11. patur. Caussam reddit D. Augustinus, Illi conuertantur, qui rectè viuere incipiunt: hoc est enim ad Deum redire. Qui autem concupiscentias suas perseueranter sequuntur, dorfam quodammodo habent ad Deum.

3 S A N C T A E] Multo latius olim Sancti nomen quam hodie patuit. Episcopi vulgo Sancti, Sanctissimi, Beatissimi dicebantur; quæ iam solius summi pontificis est appellatio. Reliqui etiam Christiani, certè probatæ vitæ, Sancti: quamquam adhuc mortales. Constantinus orationem, quam ad Christianam ecclesiam scripsit, Ad Sanctorum cœtum inscripsit. Is nunc honor mortuis tantum, in apotheosim relatis habetur. Hoc loco Sanctæ nomen utraque notione rectè acceperis.

4 A F R A E] Homines antiquitus crebro sibi nomina ab uribus, & populis mutuati sunt. Quod primum videre est in seruis Getis, Syris, Syrisceis; Dein in familijs Romanis Tarquinjs, Cominjs, Gabinjs, Norbanis, Volscjs, Numicijs, Vatinijs. Ut interim cognomina huius generis præteream. Et in martyrologijs nostris sæpius occurrunt Germanus, Germana, Gallus, Galla, Sabinus, Sabina, Syrus, aliaque ad hunc modum. Quibus persuasus, nō vereor Afram ab Africa deducere. Variæ enim illi huius nominis causse esse potuerunt, sicuti & Afro patruo. Iulius Firmicus me monet, Venerem ab Assyrijs, & Afris eodem ritu cultam. Assyrius autem cultus idem cum Paphio Cyprio, Pausania teste. Atqui hac ratione Afra, non Affra, neque Aphra scribendum. Africam enim fasti Capitolini, lapides alij, nummi antiqui, & libri manuscripti præferunt. Ita etiam Afranios, gentem Romanam.

Porro alteram S. Afram martyrem reperio in martyr. Rom. IX. Cal. Iunij, Brixia sub Hadriano Imp. passam. Quæ cum nostra nihil commune habet præter nomen.

5 E T P V E L L A R V M E I V S.] Præter quod inscriptio promittit, historia Hilarie matris conuersionem complectitur.

6 A P V D P R O V I N C I A M R A E T I A M] P. de Natalibus insigniter lapsus, per omnem historiam Cretam pro Rætia habet. Etiam si Adonem Trenir. sequi profiteatur, Ado autem Rætiam distinctè præferat. Idem audio in M. Marulo peccatum esse, quem mihi videre non contigit. Vicelius non minus absurdè, Prouinciam Regenas. Antoninus in Chronico Rætiam & Cre-

Et Cretam confundit, utrumque enim nomen habet: nisi error sit à librarjjs, quod existimo.

ingerus in
theatro vo
lu. 7. lib. 3.

Ceterum Rætia (quæ sub Augusto in provinciam redacta) variè à diuersæ ætatis auctoribus describitur. Sed constat ex Ptolomæo, qui Diocletianum multo antecit, iam tunc à fontibus Rheni, et Danubij, ad Aeni ostia usque pertigisse. Hinc Tacitus, et Arrianus prodidere Aenum inter Rætos, et Noricos fluere. Quibus terminis etiam Vindelicia, cuius memoria ante Diocletianum obsoleuerat, quæque in Ræticum nomen concesserat, comprehenditur. Hodie obtinent præter Rætos, Sueni, et Boij qui cis Danubium colunt.

Li. 2. c. 12.
Lib. 3. hys.

IN CIVITATEM AVGVSTAM] Plurimæ ciuitates Augustæ per orbem Romanum: Non paucæ etiam per Rætiam extitere, si fides habenda nostræ ætatis scriptoribus. Sed Fortunatus, poeta Christianus, qui ante mille annos vixit, ascriptis fluuijs, qui eam, de qua hic sermo est alluunt, nomine ambiguo nos falli non patitur,

7
Auentino,
et qui A-
uæ sequun-
ti.

Pergis ad Augustam, quam Virido, Lycusque fluentant,
Illic ossa sacra venerabere virginis Afræ.

Fort. in vi-
ta S. Mart.
lib. 4.
Baronius
legit Virido
Lycusque.

An illi Vindelicum cognomen debeatur, ante Auentinum nemo dubitauit. Is primus de alia Augusta Vindelicorum suspicionem commouit. Non satis firmis ad eam euincendam usus argumentis. Quod commodiore loco pluribus docebimus. Neque in hoc commentario questionem non necessariam edisserendam putamus.

NARCISSVS] Quidam Hierosolymorum episcopum arbitrantur. Qui à Nicephoro Constantinop. in Chron. trigesimus primus, et trigesimus quintus, ab Epiphania trigesimus et trigesimus quartus, unus idem, eius urbis episcopus censetur. Nam auctoribus Eusebio, et Niceph. Callisto, semel in eremum secessit; Dein sedem iterum cum Alexandro collega tenuit: Denique, quod habetur in martyr. Rom. Sanctitate, patientia, ac fide laudabilis, centum & sexdecim annorum migravit ad Dominum. Martyr, ut ait Nicephorus in Chron. Verum cum neque ipse, neque collega Alexander, quin nec successores, Mazabanes, Hymenæus Zambdas, Hermon (qui singuli pluribus annis præfuerunt) Diocletiani persecutionem attigerint: ita enim refert Eusebius: fit ut à S. Afræ temporibus magnis spatijs excludatur.

8
Epiph. i. Pa-
nario her.
66.
Eusl. 6. c.
8. 9.
Nic. lib. 5.
c. 9. 10.
Mart. 29.
Ost.

Eusl. lib. 6.
c. 32.
Li. 7. c. 13.
26.

CONVERSIO S. AFRÆ

tur. Solidior Augustanæ ecclesiæ auctoritas, quæ semper diuersum hunc nostrum Narcissum interpretata est, Gerundæ Tarracensis Hispaniæ vrbe passum. Quod hæc ipsa historia inferius ad finem conuersionis comprobat, & ecclesiæ Gerundensis epistola, quam eo loco dabo, Martyr. item Rom. XV. Cal. Aprilis, Et ex Hispanis Villegasius in Flore sanctorum, Benterus, atque Vascus in Chronicis. Liber Chronicus Regum Arragoniæ absq; auctoris nomine Hispanicè editus, meminit reliquiarum Sancti Arsi, quæ Gerundæ in ecclesiâ S. Philippi conditæ, miraculis illustres sint. Vbi vernaculam Hispanorum enuntiationem agnoscas, pro S. Narciso, San Arciso, deperdita N, quæ in principio repetenda erat, reddet. Sunt enim reliquiæ Narcissi, de quo agimus.

*Beuz. lib. 1.
c. 25. Vascus post
An. 260.*

Ancyrano concilio circa hæc tempora Narcissus Neroniadis Ciliciæ episcopus subscripsit. Sed diuersus ab hoc nostro.

*Vide marty-
r. 31. Oct.
17. Sept. &
2. Ian.*

Tres alij Narcissi in sanctos relati. Primi meminit D. Paulus in epistola ad Rom. Alterius fit mentio in actis S. Laurentij. Tertium Licinius Imp. martyrij corona donauit. At de nullo Afræ conuersæ suspicio oriri potest.

9 EPISCOPVS] Notius est apud Christianos episcopi nomen quam vt hic interpretemur. Multa de illo passim obuia. Quædam non protrita reperies in Pammelij annotationibus ad D. Cyprianum.

10 TEMPORE QVO DIOCLETIANI PERSECUTIO FERUEBAT] Aliqui nonam, alij (quorum maximus est numerus) decimam, quidam duodecimam persecutionem numerant. Quæ enim retro, non ab omnibus vno eodem modo distinguuntur. Illud conuenit, hanc præ reliquis diuturnitate temporis, numero martyrum, immanitate suppliciorum, longè insignissimam fuisse. Quod Eusebius, Orosius, Sulpitius, Nicephorus, Zonaras, Cedrenus, Manasses, historici alij, denique omnia martyrologia, & innumera sanctorum vitæ copiosè docent. Super sunt in Hispania inscriptiones Diocletiano positæ, NOMINE. CHRISTIANORVM. DELETO. QVI. REMP. EVERTEBANT. Item, SUPERSTITIONE. CHRISTI. VBIQVE. DELETA. ET. CULTV. DEORVM. PROPAGATO. Hæ quamuis vti impiæ, ita vanæ, & mendaces, tamen ex illis videre est, quæ animi contentione tyrannus aduersus Christianum nomen grassatus fuerit, qui

*Vide Occi-
nis numis-
mata in
Dioclet.*

qui imperatorios inde quaesierit titulos. Sed de persecutione, re
fatis superque testata, calamum contineo.

De tempore persecutionis, quando caperit, quando desierit, au-
ctores valde diuersa sentiunt. Siue ad annos Christi, siue ad Dio-
cletiani imperium respicimus. Quamquam de annis a Christo na-
to Panninio & Sigonio, qui nostra aetate diligentissime, & aptis-
sime ad constituendam seriem temporum scripserunt, stabimus. Ibi
consentiunt Diocletianum imperium inisse Ann. Christi CCLXXXIV. Post Romam conditam MXX XVI. Parili-
bus, id est XI. Cal. Maij. Persecutionem aliqui mox ceptam pu-
tant; Alij post Maximianum collegam assumptum: Alij ab an-
nis Diocletiani siue IX. siue XI. siue XIII. siue XIV. siue XVI.
siue XIX. Et facile credam, inueniri auctores, qui ab his omni-
bus diuersa scripserint. Quorum dissensio commoda explicatio-
ne concilianda est. Neque enim plerosque falli, aut temere de re
tanta, & tam clara, scripsisse existimandum. Refert igitur in-
telligere, persecutionis nomen uarie acceptum differentiae causam
esse. Tempore D. Augustini uulgata erat opinio, decem plagis Ae-
gyptiacis, significatas fuisse decem persecutiones, quae a Nero-
ne ad Diocletianum. Eam ille ita conuellit, ut ostendat eccle-
siam ante Neronem tum in capite Christo, tum in Stephano, Iac-
cobo, Petro, fratribus reliquis persecutionis passam. Nec asser-
tores denarij istius numeri negare poterant haec uera esse. Sed
apparet explicatione uerbi vim argumenti euitasse. Ut scilicet
inter persecutiones, quae plagis Aegyptiacis praedictae, nullam an-
te Neronem censendam contenderent. Forte quod Neroniana pri-
ma imperatoris iussu indicta, aut exceptione aliqua alia, nam de
hoc non constat. Secundam numerabant Domitiani: Tertiam
Traiani: Quartam Antonini Philosophi: Quintam Seueri. Sex-
tam Maximini: Septimam Decij: Octauam Valeriani: Nonam
Aureliani: Decimam Diocletiani & Maximiani, Inter has quae-
dam a nonnullis praeteritae, Ut Maximini & Aureliani a Sulpi-
rio, quamuis inquit Maximinus nonnullarum ecclesiarum
clericos uexauit: Valeriani a permultis, quod eandem cum De-
ciana ducerent. Aliae contra insertae: Cum Impp. Hadrianus,
Antoninus Pius, Alexander, Aur. Claudius minus sanguine
Christiano nequaquam abstinerint. Et si omnis, quae Christianis
propter religionem uexatio accidit, persecutio dicenda, in dubium

est

Panninius
in fastis. Si
gen. de oc-
cid. Imp.
Quos se-
quuntur
Scaliger de
emend. tēp.
& Baron.
i. Annalibus

Aug. de ci-
uit. Dei li.
18. cap. 52.

Sac. hist. li.
br. 2.
Adi Sulpit.
loco citato.
Mart. 1. 5.
18 30. Jan.
Et ibi Ba-
ron.

CONVERSIO S. AFRAE.

est multo adhuc plures sub Imp. extitisse. Sed non æquè ab omnibus in numerum redacta, Vel quod leniores visa, Vel quod nouis edictis non usa, Vel quod a decessoribus capte, non intermisso cursu continuata, Vel denique alia quavis de causa. Et prorsus iniquus est, qui diuersos auctores propterea reprehendendos putat. Cum enim de rebus conuenit, cur in uerbis non suo quisque iudicio utatur? Similis est in constituendis persecutionum principis ratio.

Nam ut sermonem ad Diocletianum referamus, Fuit is in Christianos animo semper insensissimo. Cuius rei causse multae esse potuerunt, principi supra humanum morem superbo. Et quamuis initio tectius, & quasi per cuniculos egerit, neque Christianum nomen (quod constet) cuiquam criminis loco obiecerit, tamen multos eius nominis, falsis affectis calumnijs subuertit. Ideo nihil aberrabit, qui totum Diocletiani imperium perpetuam persecutionem dixerit. Postmodum, cum suam temeritatem aliena uellet inuidia explere (ait Eutropius) allegit Imp. Maximianum, propalam ferum natura, ardentem libidine, consilijs stolidum, ortu agrestem, asperitatem suam etiam uultus horrore significantem (his elogijs hominem exornant Eutropius & Victor) qui prima expeditione, quam in Galliam mouit, exercitum iuramento adegit, Christianos Deorum inimicos, iisdem animis, quibus Bacandas imperij hostes ulturum: Quod cum legio Thebæa detrectaret, primo decimata, post internecione deleta est. Si quis atam immani facinore persecutionem auspicatam putauit, profecto neque molliter sensisse, neque leuiter scripsisse uidetur. Ann. IX. Eusebio teste, Diocletianus adorari se ut Deum iussit. Cassiodorus duobus annis differt. Quandocumque contigerit, certissimum est Christianis per religionem non licuisse nefario edicto obedire. Hinc multos malè habitos, & lege maiestatis damnatos suspicandum. Eo sortassis referendum, quod apud Cedrenum legimus IX. anno Imp. edixisse, omnibus Christianis interfectis, Romanum imperium rebus prosperis affluxurum. Anno XI. Cedrenus prodit horribilem persecutionem excitatam, multa que millia martyrum facta. Postero, qui fuit Diocletiano VI. Constantio II. Coss. Caius Pontifex, gentilis Diocletiani, martyrij coronam consecutus est, tradente Damaso. XIII. aut XIV. (utrumque habet Cedrenus, & Eusebius) Chri-

Vide acta
Thebæorū
mart. & Si-
gon. de oc-
cid. Imp.
lib. I.

Christiani milites exautorati, per Veturium militie magistrum. Eusebius in chronicis annotauit, inceptam paulatim ex illo iam tempore persecutionem aduersum nos. Vbi non pene atrocitatem, quâ infamia irrogabatur, nullus corpori cruciatus inferebatur, respexit: sed quod illa omnes fines Romani imperij peruagata, nullam prouinciam, quæ militari custodia contineretur immunem habuit, cuiusmodi nibildum hætenus contigerat. De anno $\overline{\text{XVI}}$. nescio quem ignotum auctorem Cuspinianus citat. At $\overline{\text{XIX}}$. demum omne uirus simul in ecclesiam effusum est, ut nullo præterea incremento locus relinqueretur. Tunc impia decreta, quorum Nicephorus, Eusebius, Zonaras meminere, audita primum: Ecclesias solo æquari, libros comburi, episcopos interfici, Christianos reliquos, dignitatibus præditos in ordinem redigi, priuatos in seruitutem dari placere. Quæ postea pænæ morte ut plurimum commutate sunt. Excitati eo classico omnium prouinciarum præsides, ut Christianos quisque diligentissimè conquisiuit, inuentos immanissimè excruciauit, ita operam Imp. maximè approbavit. Et si qua est maiorum comparatio, præterita quæcumque leuia atque ferenda, hæc denique seriæ persecutionis origo uideri poterat. Ad quem modum statuere auctores plerique. Eusebius in historia ecclesiastica, & Chronicis disertè, Iterum obliquè in uita Constantini, Cum ait Diocletianum imperio se abdicasse post annum persecutionis primum, quod est utique secundo anno. Ita etiam Orosius, & multi recentiorum. Nam etsi Victor in epitome Diocletiano annos $\overline{\text{XXV}}$. Nicephorus, & Michael Glycas $\overline{\text{XXII}}$. tribuant, tamen optimi scriptores de $\overline{\text{XX}}$. annis tam frequentes consentiunt, ut eius rei nulla possit esse dubitatio. Et quæ duobus ante abdicationem annis contigere, incidunt in principium anni $\overline{\text{XIX}}$. Epiphanius priuatam sententiam tuetur, Enumerans enim imperatorum seriem, inquit, Diocletianus cum Maximiano, & Constantio annos tredecim. Quorum tempore magna persecutio fuit, quæ duodecim annis durauit. Cum autem cessasset persecutio, regnauit Diocletianus unum annum, & deposuit imperium. Hæc multis modis a fide historiarum illorum temporum recedunt. Et nisi culpam in interpretem, aut librarium reijcimus, fateamur oportet Epiphanium memoria lapsum, Ipsemet

Cusp. in
Cos.Eus. i. hist.
li. 8. c. 3. de
uita Con-
stant. li. 1.
c. 12.
Oros. lib. 7.
c. 25.Nic. lib. 7.
c. 17.Ep. de mēf.
& pond.

CONVERSIO S. AFRAE

semet in Ancorato, Diocletiano XX. annos tribuit.

Porro nihil ad priores Diocletiani annos Afræ conuersionem pertinere, ex uerbis Diocletiani persecutio feruebat, elicio. Quamquam Eusebius neque his duobus annis integris Italiam, Siciliam, Galliam, & reliquas occidentem solem uersus prouincias (qua descriptione Rætia comprehenditur) persecutionem sustinuisse dicat. Ego interpretor; Cum Impp. mense Martio sanguinarium in Christianos edictum Nicomediae proposuissent, ad reliquas inde prouincias missum, ut quæque maximè disita, ita uno vel altero mense tardius peruenisse.

Etsi uero Diocletianus post motum ecclesie publicum hoc bellum, altero anno imperio cesserit, tamen persecutio per decem continuos annos plebem Dei depopulata est. Quæ Sen. Sulpitij uerba sunt. Quibus Eusebius, Orosius, Nicephorus, historia miscella, Freculphus, alij consentiunt. Et euenit ut cum uarij Impp. succederent, à primis auctoribus Diocletiano, & Maximiano, etiam posteriore octennio persecutioni nomen hæserit. Tulere nomen imperatorium per ea tempora,

Fl. Val. Constantius Chlorus Aug.

C. Gal. Val. Maximianus Aug.

C. Aur. Valerius Licinianus Licinius Aug.

C. Gal. Val. Maximinus Aug.

Fl. Val. Seuerus Aug.

M. Aur. Val. Maxentius Aug.

Fl. Val. Aur. Constantinus Magnus Aug.

An horum quis nomini Christiano penitus parserit, nescio: Constantio, & Constantino aliqui eam palmam tribuunt, Sed Constantius tertio persecutionis anno obiit: Et dum uixit, credibile est satis habuisse proprias manus continere, collegarum, Diocletiani, & Maximiani iniurias a Christianorum corporibus repulisse, non est credibile: De Constantino Magno, quem maximè alienum ab hac culpa existimare par erat, contrarium docet

In not. ad Baronius. Ceteros plerosque teterrimos hostes extitisse, qui sub *mart. 22.* *Aug.* dolis inducys non minus quam aperto bello (hæc tunc alternis per prouincias uicisitudo) damnum intulerint, certum est. Id interim fat. bimur, in oriente multo fœdus quam in occidente scœnitum esse: Quod etiam Eusebius alicubi innuit.

Atque ita colligimus, Diocletianum imperium inijsse Anno Christi

Christi CCLXXXIV. Persecutionem multo seuiſſimam cepiſſe anno CCCII. Deſiſſe CCCXII. Quę ad mentem eorum Chronographorum, quos me ſequi profiteor, calculata ſunt. Cum ſatis cognitum habeam de annorum numeris alios aliter ſentire. Conuerſionem S. Afrę intermedio tempore contigiſſe, aſſeuerare licet. Annum proprium assignare non licet. Sed ſi quis coniecturę locus, Ego eam lubens anno CCCII. aſcripſerim. Cum exiſtimem Narciſſum mox à principio ſeuiſſimę persecutionis Auguſtam profugiſſe. Abdicato Diocletiano, perſecutio in occidente non quidem penitus ceſſauit, multum tamen remiſit, probę erga Chriſtianos affectis Conſtantio Chlora, & filio Conſtantino: Inde fit ut exiſtimem hac periphrasi Tempore quo perſecutio Diocletiani ſeruebat, Et alterā illā initio paſſionis, Cum Chriſtianorum eſſet ſæua perſecutio, & omnes pro Chriſti nomine uarijs ſupplicijs afflicti ad ſacrificia traherentur, Non niſi ultimum Diocletiani biennium ſignificari, Quod eſt a menſe Martio anni CCCII. ad Palilia uſque anni CCCIII. Et cum Afra menſe Auguſto paſſa ſit, uti ex eccleſiaſticiſ tabulis liquet, eius paſſio ad annum CCCIII. referri nō poteſt. Refero ergo ad annum CCCIII. Iam ſi a conuerſione ad paſſionem interceſſere menſes fere d. cē, quę eſt Auguſtane eccleſię traditio, plane ſequitur Conuerſionem ad annum CCCII. pertinere, Coſs. Fl. Valerio Conſtantio Nobiliſs. Cęſ. IV. C. Galerio Valerio Maximiano Nob. Cęſ. IV.

PROFVGVS] Eſt Tertullianus peculiari libello docuerit in perſecutione non fugiendum, eius tamen nulla eſt in hac ſententia auctoritas. Eleganter ait D. Cyprianus, Cum corona de Dei dignatione deſcendat, nec poſſit accipi, niſi fuerit ho-

De lapſis.

ra ſumendi: quiſquis in Chriſto manens, interim cedit, non fidem negat, ſed tempus expeſtat. Alibi, ſi quis in fuga occiderit, eum inter martyres cenſendum oſtendit, Si fugientem in ſolitudine ac montibus latro oppreſſerit, fera inuaſerit, fames, ac ſitis, aut frigus afflixerit: uel per maria præcipiti nauigatione properantem, tempeſtas ac procella ſubmerſerit: ſpectat militem ſuum Chriſtus ubique pugnantem; & perſecutionis cauſa, pro nominis ſui honore morienti, præmiũ reddit, quod datum ſe in ſurrectione promiſit. Nec minor eſt martyrij gloria, non publicę nec

Ep. 56. ed. Pam.

D 2 in-

CONVERSIO S. AFRÆ.

inter multos periisse, cum pereundi causa sit, propter Christum perire. Sufficit ad testimonium martyrii sui testis ille, qui probat martyrem & coronat. *Quæ tamen ad gregem, non ad pastorem referenda. Quando episcopis (ex quorum classe Narcissus) fugere liceat, accurate disputat Augustinus, epistola ad Honoratum episcopum, Et in hæc se uerba colligit, Prementem persecutione fugiendum esse Christi ministris, quando ibi aut plebs Christi non fuerit, cui ministraretur, aut potest impleri per alios necessarium ministerium, quibus non est eadem causa fugiendi. Idque S. Pauli, Athanasii, & Hispanorum episcoporum exemplis confirmat. Cur Narcissus fugerit expeditum non habeo. Nullam nisi probatissimam causam subsuisse, viri sanctitas persuadet. Et rectè subiunxero S. Pontij diaconi uerba, quibus similem Cypriani fugam excusat, Vultis scire secessum illum non fuisse formidinem? Ut nihil aliud excusam, ipse postmodum passus est: quam passionem utique ex more uitaret, si & ante uitasset. Narcissus enim similem uitæ finem imposuit.*

12 CUM DIACONO SVO.] Diaconos episcoporum & presbyterorum ministros esse, habetur in concilio Carthaginensi IV. Tamen crebrius episcopis quam presbyteris inseruisse, hinc apparet, quod B. Hieronymi ætate aliqui Diaconos presbyteris æquabant. Quamquam male, nam & Hieronymus refellit.

Cap. 37. Hier. ep. Clemens Rom. diaconos vocat episcopi aurem, oculum, os, cor, & animam. D. Ignatius profert exempla S. Stephani, qui beatissimo Iacobo, Timothei & Lini, qui Paulo, Anacleti & Clementis, qui Petro, diaconi episcopis ministraverint. Idcirco exclamauere Felicissimus & Agapitus diaconi, cum Pontifex Sixtus Imperatori sisti iuberetur, Et nos sine patre nostro quoniam ibimus? Atque Archidiaconus Laurentius ad eundem, Quo progredieris sine filio pater, quo sacerdos sancte sine diacono properas? Tu nunquam sacrificasti, nec offerre consueueras sine ministro. Quod Clemens exemplo confirmat, Ut enim Christus sine patre nihil agit, sic neque diaconus sine episcopo.

13 FELICE] Illustre Gerundæ Felicis martyris nomen semper fuit. Numerat Prudentius inter sanctos quos variæ urbes in sarang. nouissimo iudicio Christo oblaturæ sunt,

Parua

Parua Felicis decus exhibebit,
Artubus sacris locuples Gerunda.

Hunc mart. R. Vsuarius, & Ado, atque Vincentius confir- Mart. 1.
mant passum Gerundæ, persecutione Diocletiani, Præsede Da- Aug. Vinc.
ciano. Cum igitur nomen, locus, tempus martyrij conueniant, in spec.
permulti eundem cum nostro Felice crediderunt. Sed obstat in pri- Hist. lib.
mis ecclesiæ Gerundensis auctoritas, pro qua Berengarij episcopi 12.c. 131.
epistola, iam semel à nobis laudata, testimonium dicit. Narrat
enim perspicue, Felicem, quem suæ ecclesiæ doctorem, Aposto-
lum, & prophetam appellat, diuersum esse à S. Felice Narcissi
diacono, qui dudum à Francorum Rege Carolo translatus, Pari-
sijs quiescat. Et quamquam hæc plana aperta, accedunt tamen
alia argumenta. Ado & Vincentius, qui prioris Felicis vitam
copiose scripserunt, Reticæ peregrinationis non meminere: Im-
mo neque Narcissi episcopi, cum quo nostrum passum esse, ex hac
historia & martyrol. liquet, Quin Cucufatem illi socium Vin- Mart. 18.
centius tribuit: Demum Diaconatus honor à nullo ascribitur: Mart.
Quorum profecto nihil omittendum erat. Ipsa etiam S. Cucufa- Vaseus
tis vita, attentius perpenſa, nos facile, ab errore vendicat. Sta- post An.
tuamus ergo, quod res est, duos Felices martyres Gerundenses 306. ait
distinctos, quorum vterque sub Diocletiano occiderit. Ac ne Cucufatē
eius rei nos admiratio capiat, scire reſſert, id nomen Christia- à quibus-
nis admodum familiare fuisse. Quippe supra LX. Felices mar- dam Fei-
tyrologia exhibent, Quorum non pauci in Diocletiani tempora cis, fratres
incidere. Et constat interim, infinito plura sanctorum nomi- existi-
na excidiſſe, quam in martyrologia relata sint. Ita vt Gene- ri.
brardus, explicans illud Psalmi, Effuderunt sanguinem eo- Multi etiā
rum tanquam aquam, in circuitu Hierusalem: & non erat in marty-
qui sepeliret, obseruavit, aliquos in singulos anni dies XXX. rologijs Fe-
Millia martyrum numerare. Deo enim martyres (inquit S. Gre- licissimi,
gorius) numerabiles, nobis super arenam multiplicati Feliciani,
sunt: qui quanti sint a nobis comprehendi non possunt. Fortuna-
Apto exemplo vtitur Augustinus contra Donatistas, in re simi- ti Fausti,
li, mirum non esse inquit, si in turba Romanorum clerico- Faustini,
rum, duo vel plures Stratones aut Cassiani reperirentur, cum in Existimo
XI. Apostolis non solum duo Iudæ, sed etiam duo Iacobi le- Christia-
gerentur. Id verò sæpius contigit, quod factum admodum facile, nos vete-
res bona
mina ho-
rum nomi-
num se-
quutos.

vt

CONVERSIO S. AFRAE

*Pf. 78. ut bini, aut plures eiusdem nominis martyres confunderentur, & eo ipso alterius memoria premeretur. Sic Baronius admo-
Hom. 27. nuit, Prudentium, hominem minimè ex vulgo, tres Hippoly-
Brevic. tas, militem presbyterum & episcopum, conflasse in unum, Ut
coll. die 3. quæ singuli gesserint, vni ascriberet. Sic duobus quoque Cy-
In mart. prianis, & alijs permultis accidit. Ambr. Moralis Chronic.
30. Ian. Hispaniæ lib. 12. c. 42. Narrat Reccaredum Regem, qui vi-
xit ante annum Christi D C. obtulisse sepulchro S. Felicis mar-
tyris Gerundæ auream coronam: quam multis exinde annis Pau-
lus quidam, tyrannidem aduersus Bambam Regem moliens su-
stulit, Et cum sese illâ coronandum curasset, mox impietatis pœ-
nas luit. Sed hæc ad nostrum Felicem non refero.*

14 PARARE AMATORIBVS CONSVENERAT] Afram
ante conversionem mulierem peccatricem fuisse (ut modestè de
se ipsa paulo post, & de Maria Magdalena sacra scriptura lo-
quitur) compertum est. Ne quis autem Fortunatum errasse exi-
stimet, in eo quem adduximus versu,

Illic ossa sacræ venerabere virginis Afræ,

*Seru. in 4. Animaduertere oportet, Virginem aliquando ætatis, non in-
Virg. egl. tegræ nomen esse. Tradidere enim Grammatici Virginem à
Isid. orig. viridiori ætate dictam. Præuere optimi latinitatis auctores. Ho-
lib. 11. c. 2. ratius, — miseræque nuper Virgines nuptæ — Virgilius
Hor. Car. de Hero, Et moritura super crudeli funere virgo. Clarius de
lib. 2. od. 8. Pasiphae trium liberorum matre, Ah virgo infelix — Et si
Virg. ge- Iunius Philargyrius diuersam regulam prodidit, Apud Teren-
org. 3. & tium virgo dicitur, quæ peperit, ut in Adelph. Puer natus,
egl. 6. nihil habet virgo. Sic, Virgo quæ parit. Ideo ad secun-
Phil. in 3. dum partum virgo dicitur, postmodum mulier. His se
egl. Virg. Fortunatus satis tueri potest, maximè in carmine, Vbi credi-
bile est eum venerationem Afræ hoc nomine conciliare voluisse.
Molanus asserit, Viduas sanctimoniales, aliquando virgines di-
ctas, quod in virginum collegium cooptatæ essent. Talis est in
martyrologio ab illo postremo edito, Idib. Febr. Ermenilda uir-
go in Britannia, Et VI. Non. Iulij Mogundes uirgo Turonis.
Amb. de Prorsus alia ratio Ambrosij, Chrysostomi, Origenis, qui eccle-
Salom. c. siam gentium ex meretrice uirginem factam esse, figuratè dixe-
s. Chrys. runt. At Phil. Bergomatem, qui in historia, Hilariam Afræ
sanctis-*

sanctissimæ uirginis matrem, Dignam, Eumeniam, & Euprepiam *Ser. 26. de Pen. Orig. sup. Ios. Hom. 6. Phil. in*
 sacras uirgines nominauit, nihil reconditi sensisse, sed simpli-
 citer errasse, memorię lapsu, existimo. Nam de claris mulieri-
 bus, ipsemet aliter scripsit.

ORARE COEPIT, ET PSALLERE] Agnosce *15*
 antiquissimum institutum. De quo Tertullianus, Christianorum *suppl. lib. 8. de dar. mul. cap. 112.*
 cœnas describens, Non prius discumbitur, quam oratio ad
 Deum prægustetur. Et paucis interiectis, post aquam ma-
 nualem, & lumina, ut quisque de scripturis sanctis, vel de *Apol. c. 39. Vide in hanc sen- tentiã Cle. Alex. Pa-*
 proprio ingenio potest, prouocatur in medium Deo can-
 nere: hinc probatur quomodo biberit: Aequè oratio
 conuiuium dirimit.

EDISCENS HVNC ESSE CHRISTIANO- *16*
 RVM EPISCOPVM PROCIDIT ETC.] Ut Afra *dag. lib. 2. c. 4.*
 Narcisum & Felicem, homines peregrinos, ignotos domo acci-
 peret facile factum fuit, Amatores enim, Venere propitia mis-
 credidit. At quod episcopi nomine audito statim resipuerit, erro-
 rem, in quo nata, alta, tot annos uixerat, agnouerit, Id uero mira-
 bile. Eiusq; rei absolutè causam aliam nullam, quam sancti spiri-
 tus diuinam gratiam proferre possumus. Hęc ubi uult spirat.
 Huius afflatu Matthæum, Zachæum, Latronem puncto tempo-
 ris immutatos scimus. Quoniam autem sapientia disponit om-
 nia suauiter, Cogitare licet, Christianorum nomen non tunc pri-
 mum, inauditum antea, Afræ auribus accidisse. Multo ante sa-
 cra doctrina Romanum orbem persuaferat, & ad plerasque bar-
 baras nationes excucurrerat. Ac Christianismo tam multi om-
 nium ordinum uiri, fœminę, nomen dederant, Ut Tertullianus
 sub Sept. Seuero ad Scapulam præsidem scripserit, Carthagi-
 nem decimandam esse, si Christianos eius urbis delere uelit.
 Prolixius in apologetico, Si hostes exortes, non tantum vin-
 dices occultos agere uellemus, deesset nobis vis numero-
 rum & copiarum? Plures nimirum Mauri, & Marcoman-
 ni, ipsiq; Parthi, uel quæcumque, vnius tamen loci, &
 suorum finium gentes, quam totus orbis? Externi su-
 mus, & uestra omnia impleuimus, Vrbes, insulas, castella,
 municipia, conciliabula, castra ipsa, tribus, decurias, pa-
 latium, senatum, forum. Sola uobis relinquimus templa.
 Et paulo post, Potuimus & inermes, nec rebelles. sed tan-
 tum-

CONVERSIO S. AFRÆ.

tummodo discordes, solius diuortij inuidia aduersus uos dimicasse. Si enim tanta vis hominum, in aliquem remoti orbis sinum abruptissemus à uobis, suffudisset utique damnationem uestram, tot qualiumcunque amissio ciuium, immo & ipsa destitutione punisset. Proculdubio expauissetis ad solitudinem uestram, ad silentium rerum, & stuporem quendam quasi mortui, urbes quæsissetis, quibus imperaretis. Plures hostes quam ciues uobis remansissent. Nunc enim pauciores hostes habetis præ multitudine Christianorum, pæne omnium ciuium. *Ista sub Senero. Postea numerus etiam auctus. Adeo, ut ante Diocletiani persecutionem, Christianorum conuentus, infinita hominum turba frequentatos, multitudines in singulis ciuitatibus coactas, illustres hominum in templis concursus, nulla fere oratione explicari posse, existimarit Eusebius.* Vnde cum in antiquis illis ædificijs non satis loci haberent, ampliores ecclesias in uniuersis urbibus, fundamentis eorum ad maiorem laxitatem dilatatis, crexerunt. *Christianum igitur nomen, quæqua uersus illustre, in Rætia, prouinciâ uel Italiæ accensâ, uel certè proximâ, & quasi suburbanâ, obscurum esse non potuit.* Præsertim Augustæ, urbe metropoli.

Lib 8. c. 1.

Annal. Sigisf. Meiste. par. 4. c. 1. & alij plerique. Aët. ca. 13. ep. ad Ro. c. 16. Dor. in Syn.

Mart. 3. Dec. Dam. de Pont. Beda de sex aetat. in M. Ant. Verc. Et hist. eccl. lib. I. ca. 4. item in epit. Ado Chron. Vero. Polyd. hist. lib. 2. Iun. sat. 4

Sed hæc coniecturæ sunt. Accedit historiæ fides. Antiquis monumentis proditum est, Lucium quendam iam olim Rætos euāgelium docuisse, Eiusque professionis causa apud nos puteo demersum, seminiuum inde extractum, in interiori Rætia martyrium cõsummasse, ijs ipsis locis, quibus Curia urbs post hæc condita est. Illorum, quos Augustæ sacræ fidei adiunxit, solius Campestrij, uiri primarij nomen superat. Et quamquam ambigitur an Lucius Cyrenensis fuerit, cuius extat memoria in actis Apostolorum, & epistola Pauli ad Romanos, quemque Doratheus Laodiceæ Syriæ episcopum nominat: An (quod pluribus placuit) Britannicæ Rex, ab Eleutherio summo Pontifice, per legatos Fugatium, & Damianum Christiano nomini ascriptus, Cuius meminere martyrologia, Damasus, Beda, & Ado Viennensis: quem Polydorus Virgilius Aruiragi (Iuuenalis carmine nobilitati) pronepotem scripsit, ex filio Mario, nepote Coyllo: Tamen utrumuis accipimus, S. Afræ tempora multo antecessit; Et ex eo Christianos Augustæ fuisse non est cur dubitemus.

Obscu-

Obscurior fama est de Philippo episcopo, quem sub Antonino, aut sub Vero Augustæ Vindelicorum passum tradidere Primus Cabilunensis in topographia, & Irenicus in exegeſi Germaniæ. Nescio quam idonei testes. Me dubium habet, quod auctores, quos sequuntur non laudant; Et quod nulla huiuscemodi memoria extat apud ecclesiam Augustanam, cuius maximè intererat. Vixit sub M. Antonino, Vero, & Commodo Philippus, uita & doctrina illustris, Verum is Gortynæ in Creta fuit episcopus, Vti Eusebius, Hieronymus, & martyrologia III. Id. Aprilis produnt, Atque scribendis libris claruit, neque eum martyrio affectum constat. Nihil itaque de Philippo Augustano episcopo assenerauerim.

Satis iam habeo docuisse, ante Afræ conuersionem Christianos Augustæ fuisse, eosque ad rationem ceterarum prouinciarum, nō paucos. Quo etiam illa in principio uerba pertinent, Persecutio Diocletiani feruebat, Neque enim de nullis, aut per paucis numero possunt accipi. Christianis uerò etsi gentiles fœdissima quæque affingerent, fieri nihilominus non poterat, quin se ueritas exereret, & innocentia uitæ in uulgus celebraretur. Nam apologiarum scriptores frequentes erant in eo argumento. Et appositè ad hunc locum Tertullianus de osoribus Christiani nominis inquit, Quid quod ita plerique clausis oculis in odium Christiani nominis impingunt, ut bonum alicui testimonium ferentes, admisceant nominis exprobrationem. Bonus uir Caius Seius, sed malus tantum quod Christianus. Item alius. Ego Lucium sapientem virum repente factum Christianum defero. Nemo retractat, non ideo bonus Caius, & prudens Lucius, quia Christianus: aut ideo Christianus, quia prudens, & bonus. Et deinde, Alij quos retro, ante hoc nomen uagos, viles, improbos nouerant, ex ipso denotant quo laudant, cæcitate odij in suffragium impingunt. Quæ mulier, quàm lasciuia, quam festiua? Qui iuuenis, qui Lucius, quam amalius, facti sunt Christiani? Ita nomen emendationi imputatur. Vbi multis ostendit, nihil Christianis uerè obijci præter nomen, & religionem. Quod antea S. Iustinus, & Athenagoras dixerant. Porro nominis nullum crimen esse; in religione, neglectum inanium decrum etiam laudem mereri. Quæ cum ita sint (ut eo redeamus unde digressi sumus,

Apel. c. 3.

E mus,

CONVERSIO S. AFRAE.

mus, utque ostendamus quam suauiter hanc conuersionem sapientia disposuerit) nihil profecto magis rationi consentaneum erat, quam ut dimoto Dei benignitate idololatriæ uelo, & perspecta feditate illecebrosi cultus, Afra se illorum fidei crederet, quos reliquis mortalibus integritate ac pietate præstare crebro audiisset.

17 PROCIDIT ANTE PEDES EIVS] humanæ uenerationis, & extremæ demissionis actus. Ita in euangelio, mulier sanguinis profluum patiens, cum se non latere animaduerneret, ad Christum tremens uenit, & procidit ante pedes eius. Itē
Luc. 8.Mar. 5. Syrophœnissa gentilis, procidit ad pedes eius. Et mulier peccatrix, quam Afræ comparauimus, lacrymis cœpit rigare pedes eius. Id explicans S. Ambrosius ait, Peccator ad pedes, iustus ad caput. Paulo post, Vbi cumque audieris Christi nomen, occurre. In cuiuscumque interiorem domum Iesum intrasse cognoueris, & tu ipse festina. Cum repereris sapientiam, cum repereris iustitiam in alicuius penetralibus recumbentem, accurre ad pedes, hoc est uel extremam partem quære sapientiæ. Atque iterum, Si ad caput Christi accedere non potes, tangat pedibus suis caput tuum Christus. Et fimbria eius curat, & pedes curant. Quæ non aliena hoc loco existimanda, cum Narcissum Christo, seruam domino, quâ eius uices agit, conferre nihil prohibeat. Et certum est hanc humilitatis speciem spectasse Christianos antiquitus, cū sacerdotum, & episcoporum pedibus acciderent, etiam uestigia lāberent: ne mirentur quidam id hætenus in summo pontifice obtinere.

18 DOMINE INDIGNA SVM VALDE ETC.]
In Ioan. arach. 12. Augustinus ait, Qui confitetur peccata sua, & accusat peccata sua, iam cum Deo facit. Et mox, Initium operum bonorum est confessio, operum malorum. Chrysostomus, Penitentem irasci non oportet, neque sauire, sed conteri tamquam condemnatum, tamquam non habentem fiduciam, tamquam iudicatum reum, tamquam ex sola saluari misericordia debentem, tamquam ingratum erga, benefactorem redargutum, tamquam iniucundum & reprobum, tamquam innumeris dignum supplicijs. Confer Afræ uerba, & omnes hos affectus inuenies.

19 A TURPISSIMO TACTV INQUINARI
NON

NON POTUIT] Hæc ad peccatores omnes quibuscum Christus, calumniantibus Phariseis, conuersatus est, recte referimus, nihil enim peccatore inquinatus; tamen de Maria Magdalena, in effusione unguenti domini corpus tangente, potissimum intelligenda. Similitudine perquam accommodata.

LVX DE COELO VENIENS ET SPLENDOR¹⁰
SOLIS ET C.] Elegans similitudo, qua Athanasius de in-

carnatione uerbi usus, Nam si sol ab eo creatus, & nostris oculis subiectus, circumambulans in cælo, non sordescit attactu terrenorum corporum, neque à tenebris obscuratur, sed potius eas illustrat, & purificat: multo magis sacrosanctum illud Dei uerbum (quod solis est conditor, & dominus) cum in corpore innotesceret; non maculas in se corruabat, sed incorruptibile erat, corpusque mortale, quod assumpserat, uiuificabat, & à sordibus defecabat. Qui peccatum (inquit) non fecit, neque dolus inuentus est in ore eius. Peccata autem sordium & luti nomine denotare frequens est. Vnde Ambrosius Ioannis illud, de cæco curato per Christum, tulit lutum, & liniuit super oculos eius, lutum illitum, datam cognitionem peccatorum explicat, Et Gregorius inter uarias luti significationes inquit, Per lutum quoque desiderium sordidæ voluptatis exprimitur, sicut psalmista deprecans ait, Eripe me de luto, ut non inhæream. Luto quippe inhærere, est sordidis desiderijs concupiscentiæ carnalis inquinari.

De sacr. 7.
lib. 3. c. 2.

In Iob lib.
34. cap. 8.

FILIO LA] Blandientis uerbum. Ita Ioannes Euangelista discipulos filiolos appellare solitus, Multo intensiorem animi affectum, quam filiorum nomine exprimens, Ut annotauit P. Damianus.

²¹
Dam. Ser.
1. de Ioan.
Euang.
Amb. in

SUSCIPE IN TE LVMEN FIDEI] Fides principium Christiani, ait Ambrosius. Hinc prima ad gentilem conuertendum uox, CREDE. Quod irridet apud Gregorium Nazianzenum Iulianus Imp. Vnum CREDE summam Christianæ sapientiæ dictitans. Nomina etiam Christianis hinc hæserunt, CREDENTES & FIDELIS. Fides uerò cur lumen dicatur, ostendit Ambrosius, Lucerna fides est, iuxta quod scriptum est, Lucerna pedibus meis uerbum tuum domine, Verbum enim Dei fides nostra est: uerbum Dei lux

²²
Ps. 118.
Serm. 21.
Greg. orat.
1. in Iul.

In Luc. li.
11. ca. 52.

E 2 est,

CONVERSIO S. AFRAE

est, lucerna fides. Erat lux uera, quæ illuminat omnem hominem uenientem in hunc mundum. Lucerna enim lucere non potest, nisi aliunde lumen acceperit.

23 **VT PURIFICATA AB OMNI PECCATO]** An per solam fidem, excluso etiam baptismo, cuius hactenus non meministi? Nequaquam. Ait enim paulo post, Crede, & baptizare. Sed sensus est, Purificandam suscepta fide, per ea, quæ à fide præscribentur.

24 **CLARITATE]** Obseruandum, similitudini lucis celestis, & splendoris solaris, metaphoram luminis, & claritatis optime conuenire.

25 **EGO QUIDEM QVAE ETC. QVOMODO POSSVM ETC.]** Vide ut uerè penitens timori spem coniungat. Multum peccauit, ideo timet multum. Sed mox ac remissionis spes ostensa, oculos in eam conijcit, & purificationis modum inquit, Verbis quæ cupiditatem simul, & admirationem exprimant, Quomodo possum à tantis fordibus abluì. Gregorius Magnus quatuor alas homini datas esse ait, quibus ad cælum feratur. Bina præteritis conueniunt, scilicet timor, & penitentia: bina ad futura respiciunt, Spes, & amor.

26 **TANTVM CREDE ET BAPTIZARE ET SALVVS ERIS]** Quid fides, quid baptismus in homine operentur, figurata loquutione D. Pacianus pulchrè ostendit, Christi semen, id est Dei spiritus, nouum hominem alio matris agitatum, & partu fontis exceptum, manibus sacerdotis effundit, fide tamen pronuba. Neque enim aut insertus uidetur in ecclesiam, qui non credidit, aut genitus à Christo, qui spiritum ipsius non recepit. At ne quis Tantum crede, perperam accipiat, sciendum est, hic fidem non operibus, sed infidelitati opponi. Ac si explicatius dixisset, Adiunge te tantum Christianæ fidei. Præterquam quod iam monui, fidei nomine quandoque comprehendi quidquid per fidem iubetur.

27 **QVID VOBIS VIDETVR]** Non consilium Afra. sed assensum quærit. Constitutum enim habebat quid factura esset, Quod ex puellarum responso apparet, Cum illam ad amplectendam indulgentiam non hortentur, sed se in ea amplectendam comites futuras spondeant, Si sequutæ sumus te &c. Atque hoc loco iterum agnosce digitum Dei. Quid mirabilius quam puellas

Sup. Ezech.
li. 1. hom. 4

Pac. de
bapt.
Vide Vegā
de iustif.
li. 11. c. 23.
Quo sensu
doctores ec-
clesiastici
aliquando
dixerint fi-
de nos sola
iustificari,
& salua-
ri.

puellas peccatorum sordibus hæcenus demersas, ad primum salutis nuntium animos tam alacriter erigere.

DIGNA EUNOMIA ET EUTROPIA] Mar- 28
tyrol. R. habet, Digna & Euprepia & Eunomia. Beda, Di- Mart. 12.
gna & Eumenia & Euprepia, Ita quoque Vsuardus, Ado, Aug.
Maurolycus, Antoninus in Chron. & Phil. Bergomas. P. de
Natalibus, Digna, Eumenia, & Eutropia. Ecclesia Augu- Vsf. Ado
stana dignam, Eunomiam, Eutropiam agnoscit. Consentiente Maur. in
Vincentio in Spec. hist. & quicumque Vincentium sequuti. Mart.
Quod proprie & priuata res cuique notissima, ideo Augustana Berg. hist.
ecclesie libens fidem adhibeo. Et fieri potuit, ut inuentis olim san- lib. 8. Pet.
ctarum martyrum corporibus, inscriptiones, quæ scrupulum exi- lib. 7. cap.
merent, fuerint adiunctæ. 28. 54.
Vinc. li 12.
c. 147. 150

De Digna constat, Embricone episcopo repertam in loculo laminam plumbeam, sic inscriptam, CORPVS SANCTAE DIGNAE MARTYRIS.

Diuersa sunt ab his nostris, Digna virgo, quæ Tuderti colitur. Marty. 17.
Digna uirgo passa Romæ sub Valeriano. Et Digna uirgo passa Aug. 22.
Cordubæ Anno Christi DCCCLIII. Sept. 14.
Ian.

Item Eutropia puella martyr Palmira. Eutropia martyr Ale- Mart. 15.
xandriæ. Eutropia uidua in Gallia. At Eutropia uirgo martyr, Iun. 30.
forer S. Nicasii episcopi Rhemis. Oct. 15. Sept. 14 Dec.

Denique Euprepis passa Romæ cum Castulo. Atque Euprepia Mart. 30.
cuius S. Pius Pontif. meminit, quod domum suam Romæ in ti- Nou. Pius
tulum pauperibus assignauerit. ep. ad Inft.

INCIPIENS AVTEM HYMNOS DEO CA- 29
NERE ETC.] S. Augustinus, Hymni laudes sunt Dei
cum cantico, Hymni cantus sunt continentes laudes Dei.
Si sit laus, & non sit Dei, non sunt Hymni. Si sit & laus, &
Dei laus, & non cantetur, non est hymnus. Oportet ergo
ut si sit hymnus, habeat hæc tria, Et laudem, & Dei, & can- In ps. 72.
ticum. Nocturnarum orationum, & cantionum antiquæ eccle- Ammian.
siæ, meminere multoties cum sancti patres, tum auctores profani, Marcel. li.
si qui res Christianas attigere. Harum in commune duplex erat 28. sub fi-
ratio. Singulis noctibus, horis certis, surgebant homines pî, præ nem Festo
sertim ecclesiastici semel, aut eo amplius, ad orandum, & canen- die Chri-
dum: Statis præterea temporibus, excubabat in ecclesia solidas stiani ritus
noctes plebs uniuersa, his ipsis studiis intenta. Idque vigiliarum in ecclesia
nomine pnoctabat.

CONVERSIO S. AFRAE

*Ad Eusto-
ch. de cuf.
uirg.*

nomine significabatur. Priuatim deinde, ut quisque Deum præci-
pua contentione, uel ob patrata crimina placandum, uel in poste-
rum exorandum sumpserat, ita peruigilio præ ceteris studebat. Il-
lustris locus est apud Hieronymum, Memini me clamantem
diem crebro iunxisse cum nocte, nec prius à pectoris cessas-
se uerberibus, quam rediret domino increpante tranquil-
litas. Et in patrum, reliquorumque sanctorum uitis, nihil frequen-
tius occurrit. Cum igitur inter primaria Dei opera hominis pecca-
toris conuersio numeretur, eam Narcissus merito tanto conatu ex-
petendam putauit.

*In ep. ad
Cor. 2. c. 1.
hom. 2.*

30 SIMVL HABENS AFRA M CVM SVIS PVEL-
LIS CONSORTIEM] Quid Narcissus, & Felix, quid
rursus Afra, & puellæ orauerint, docebunt Chrysostomi uerba,
Episcopum scilicet, & diaconum orasse pro catechumenis, Vt mi-
sericordissimus, & miserationum Deus, ipse exaudiat pre-
ces illorum. Et deinde, Vt Deus aperiat aures cordium
illorum. Quibus precibus hodie quoque ecclesia utitur. Ve-
rum Catechumenorum deprecatio quænam potest esse,
nisi ne maneant catechumeni. Ita Chrysostomus.

31 MANSERVNT HIC, ET ABIERVNT AD
SACRIFICIUM] Manserunt hic per noctem, deinde abie-
runt. Num Afra hospites falsa excusatione celandos putauit?
An potius episcopus cum diacono uerè secesserat in aliquam do-
mus partem, ad faciendum sacrificium Christiano ritu? Vt quæ-
sitores non mendacio, sed ambiguitate sermonis decepti sint. Et si
fortasse prius illud probabilius, nam postea matri narrat, Ego
uero fasces lini habeo, sub quibus abscondi eos.

*Var. de lig.
libr. 4. c. 7.
Liu. li. 1. 6.
Dion. li. 4.
Arnob. li. 6
Vid. d. reg.
urb. Tert.
de spect.*

32 CAPITOLIVM] Vnus ex septem montibus Romæ, pri-
mo Saturnius, deinde Tarpeius, postremo Capitolium appellatus
est: Quod heic cum fundamenta foderentur ædis Iouis,
caput humanum inuentum dicitur, inquit Varro. Accidit
Tarquinio Superbo rege, uti Linius, & copiosius Dionys. Hali-
carnasæus narrat. Caput Toli Vulcentini fuisse Arnobius ex
Sammonico, Granio Valeriano, & Fabio docet. In hoc monte
præcipue arx, & templum Iouis. In templo tria delubra, Iouis In-
nonis Mineræ. Postea etiam simulacra omnium deorum, au-
ctore P. Victore. Cui astipulatur Tertullianus, Capitolium
omnium demonum templum est. Et rhetor ille, qui oratio-
nem

nem Ciceronis nomine, ad equites antequam iret in exilium scripsit, primum Iouem lunonem, & Palladem, deinde reliquos Deos, Deasque qui Capitolium colunt, inuocat. Comprehendebatur regione urbis VII. quæ Forum Romanum. Aliud erat Capitolium uetus in regione VI. alta semita. Cuius item meminit Victor & Varro, Capitolium uetus, quod ibi sacellum Iouis, lunonis, Mineræ: & id antiquius quam ædis, quæ in Capitolio facta. Sed nudo Capitolij nomine primum illud intelligitur. Ut uerò occulta naturæ uis impellit homines, liberis parentum nomina imponere, Ita etiam cogere solet colonias, relictarum urbium memoriam reddere, efficitis ad harum speciem locis, & nominibus quam proximè fieri potest. Quod scitè expresse Virgilius in Heleno, & Aceste. Hac ratione crebra per Romanas colonias Capitolia instituta. Quibus nullum inuentum caput, sed præiudicium dominæ urbis nomen fecit. Obseruauit in Italia Capitolium habuisse Capuam, & Beneuentum ex Suetonio, Florentiam, & Mediolanum ex Vinc. Borgino, Raucennam ex Hier. Rubeo, Nolam ex Adone; In Africa Carthaginem ex Cypriano: In Thracia Constantinopolim ex illius urbis descriptione: In Gallia Narbonem ex Sidonio, Tolosam ex martyrologio R. Treueros ex uita S. Tyrsi, Xanctones ex P. Pithæo, Augustodunenses ex Eumenio; Agrippinæ Vbiorum Capitolij cognomen templo cuidam hodie quoque adhæret. Atque diligens inuestigator fortassis plura inueniet. Multo enim frequentissimum Capitoliorum usum, ostendunt testimonia, quæ statim sequuntur. Tertullianus. Ecce annua uotorum nuncupatio, quid uidetur? Prima in principijs, secunda in Capitolijs. Quamquam Fulu. Ursinus, In Capitolio corrigit, Sed ego causam necessariam huius correctionis nullam video. Arnobius. Nonne uides in Capitolijs omnibus uirginales esse species Mineruarum? Concilium Elibertinum, Prohibendum ne quis Christianus aut gentilis ad Idolum Capitolij sacrificandi causa ascendat. Hoc in Hispania decretum, ne quis ad Romanum Capitolium pertinere existimet. S. Zeno sermone de spirit. ædif. domus Dei, de Iudæis, & gentibus verba faciens, Si liceat, uel si uelint, fortassis cultius synagogas ædificent; cultius erigant capitolia. Annotauit præterea Baronius S. Hieronymum de locis Hebraicis, & Comment. in Isaiam, Arcem Babyloniam.

Li. 4. c. 32.

Æn. li. 3. 5.

Suet. Tib.

c. 40. Caio

cap. 57. de

gram. Orbi

lio.

Berg. orig.

Flor. Rub.

hist. Rau.

li. 1.

Ado mar.

14. Ian.

Cyp. ep. 55.

et de lapsis

Descript.

Const. reg.

8. & Gyl-

lius Topog.

li. 3. c. 7.

Sidon. de

Laud.

Narb.

Mar. R.

29. Nou. et

ibi Baron.

Vita S. Tyr

si apud

Sur. t. 7. Pi-

th. Aduers.

li. 2. ca. 18.

Ter. de co-

rona. Vrs.

in notis ad

7. frag. in-

script. fra-

tr. arual.

Arnob. li. 4

Conc. Elib.

Can. 59.

CONVERSIO S. AFRAE.

næ tamquam per Synonymiam, Capitolium explicare. Quæ eo à me collecta sunt, ne ad Capitolij nomen, in splendidissima Rætiae provincie colonia, Augustâ Vindellicorum, hesitemus. Quaparte urbis steterit, ægre quisquam definiet. Mihi quidem nihil huius liquet. Ceterum ad Romanum exemplum, ubique Iouem Iunonem Mineruam in Capitolijs consueuisse coli, opinari licet. De Minerva planum fecit Arnobius. De reliquis par persuadet ratio.

33 VEL AD TEMPLVM ALIISSE] In Capitolio sanè templum: Sed templa etiam extra Capitolium. Mercurij, Siluani, aliorum, inscriptiones hæcenus Augustæ extant. Sensus est itaque, Vel ad Capitolium, uel ad aliquod aliud templum abiisse.

34 OMNI HORA SIGNABANT FRONTE SVAS SIGNO CRVCIS] De signo crucis multa ex Christiana antiquitate in unum collegere, cum alij, tum Alanus Capus, quæ hic repetere supersedeo. Sed addo D. Martialis locum, quo doceam eius usum ab Apostolicis temporibus originem ducere, Crucem domini, in quem credidistis, Deum verum, & Dei filium, semper in mente, in ore, in signo tene. Crux enim domini armatura uestra inuicta contra Satanam, galea custodiens caput, lorica protegens pectus, clypeus tela maligni repellens, gladius iniquitatem, & angelicas insidias peruersæ potestatis sibi propinquare nullo modo sinens. Crucem in primis Iulianus Imp. Christianis obiecit, Crucis signum adoratis, imagines illius in fronte, & ante domos pingentes. A quibus nobis hæc ipsa nunc obijciantur, nemini obscurum est. B. Hippolytus episcopus, & martyr, cum se Antichristi peculiaria facinora prædicturum promississet, Verba illa Apocalypsis, Faciet omnes pusillos, & magnos, & diuites & pauperes, & liberos & seruos, habere characterem in dextera manu sua, aut in frontibus suis: Hac interpretatione imitatus est, Dabit characterem in dextera manu & fronte, ne quis dextera sua pretiosam illam crucem pingat in fronte.

Apud Cyril. lib. 6. cōtra Iul. Hippol. de cōsum. mūdi. Apoc. cap. 13.

35 AD ME MERETRICEM HABERENT INTRARE SI CHRISTIANI ESSENT.] Antea dixi uitæ Christianæ innocētiam, apud gentiles inimicos illustrem fuisse. Proinde hospitium meretricis satis ab opinione Christianitatis

nitatis vindicare uidebatur: Cum Christiani obtutum quoque ab huiusmodi domibus renocarent. Tertullianus, quem toties laudando, inter commoda carceris numerat, Non in loca libidinum publicarum oculi tui impingunt. Et alibi, cum iussisset lectorem (ut argumento, quod præ manibus erat seruiret) meretricium cultum inspicere, mox se castigans ait, Etsi prætat oculos abducere ab eiusmodi propudijs occisa in publico castitatis.

Ad martyras.

De Pallio.

ABIIT AFRA AD MATREM SVAM] Maio- 36
res nostri credidere Afram haud procul à templo, quod nunc illi & D. Valerico sacrum est, habitasse: Matris domum in ecclesiam S. Martini postmodum abiisse.

HILARIAM] Diuersa ab hac est, Hilaria, quæ cum Claudio marito III. Non. Decembr. colitur. Diuersa quoque quæ Prid. Cal. Ian. Vtraque Romæ passa. An nostra veneri hoc nomine gratificari voluerit, aliquando dubito. Certè quæ VIII. Cal. April. Hilaria festa Deum matri agebantur, ad Venerem etiam respiciebant. Macrobius enim ubi de Atti & Adoni, qui annuè Veneris nomine plangebantur, sic ait, simulatione luctus peracta, celebratur lætitiæ exordium ad octauum Cal. Aprilis, quem diem Hilaria appellant.

37
Adi martyrol.Saturn. lib.
I. cap. 21.

EXPANDENS MANVS SVAS AD DEVM 38
SVVM] Vt manus orando leuemus atque expandamus, naturæ instinctu facere videmur. Ita David, Expandi manus meas ad te. Atque innumera sunt huius moris exempla. In Christianis accedit crucis mysterium. Quod minuit Tertullianus, Nos vero non attollimus tantum, sed etiam expandimus, & dominica passione, modulantes & orantes, confitemur Christum.

Ps. 142.

De orat.

CIRCA VERO PULLORVM CANTVM] Om- 39
nibus animalibus pullorum nomen conuenit, sed animum generi præcipuè. Gallicinium itaque denotat. Antiquitus, inquit Censorinus, tum noctem in quatuor vigilias diuidebant, tum etiam plura noctis tempora proprijs discernebant nominibus. Puta, post crepusculum, sequitur tempus, quod dicebant luminibus accensis, siue antiquius prima face: Deinde concubium, cum itum est cubitum: Exinde intempesta, id est multa nox: Tum ad mediam noctem; Media nox: De media nocte: sequitur gallicinium, cum

De die
nat. c. 10.

F galli

CONVERSIO S. AFRAE

galli canere incipiunt: Deinde conticinium, cum conticuere. Tunc ante lucem: Et sic diluculum. Paulo igitur post mediam noctem lumen candelæ extinctum. Atque hæc omnis narratio, consulto in hunc locum à scriptore historiæ dilata est. Nam si eam antea, illis verbis subiecisset, episcopus totam noctem orando, & psallendo pertransijt, simul habens Afram cum suis puellis consortem, ubi rei gestæ series illam uidetur requirere, hæc omnino repetenda fuisset.

40 OSTENDETUR LVX, QVÆ EXTINGVI NON POTEST] Lux quæ ad preces episcopi mox de cælo venit, ad auroram tantum, nec ultra luxit. Verum diaconus aliam præterea veram lucem, quæ illuminat omnem hominem venientem in hunc mundum, & quæ hac oculis perspicua luce significatur, intelligebat. Eadem feneratione Christus de aqua disputans, mulierem Samaritanam ad veri cognitionem pertraxit.

Ioan. 4.

VENI LVX MEA DE COELO, OSTENDE FACIEM TVAM, ET SALVI ERIMVS] Respexit ad ea, quæ in psalmis leguntur, Emitte lucem tuam & ueritatem tuam, Item, Ostende faciem tuam, & salvi erimus. Vel quid aliud simile, etiamsi totidem uerbis non reddiderit.

Psf. 42.
Psf. 79. 117.

VENIT FVLGOR DE COELO] Cum ea, quæ fides Christiana proponit, omnem humanæ rationis captum excedant, & tamen adipiscendæ æternæ felicitati omnino credenda, sint: Ideo noluit Deus homines ad credendum cogere, nisi per miracula prius credibilia reddidisset. Christi verba sunt, Si opera non fecissem in eis, quæ alius nemo fecit, peccatum non haberent. Quæ caussa est cur primitiua ecclesia miraculorum dono tam largiter fuerit dotata. Hinc ait Ioan. Chrysostomus,

Ioan. 15.

Chrys. ep. 1. ad Cor. 1. 2. hom. 6. Aug. de uir. Dei li. 22. cap. 8. tunc utile fuisse, ut signa fierent, nunc uero minime, Quin Augustinus, Necessariâ fuisse priusquam crederet mundus, ad hoc ut crederet mundus. Ceterum cogita quam apte opera Dei cohæreant. Consolatus est Narcissus Afram similitudine splendoris solaris: Dein promisit, si lumen fidei susciperet, eam perpetua claritate gauisuram: Iam nunc ostendit lucem in medijs tenebris, præter naturæ vires emicantem: Postremo internam illuminationem perficit, cui exterior ista arrhæ loco fuit. Et in plurimis sanctorum uitis licet hoc miraculi genus obseruare, quamquam non semper eodem modo contigerit. In S. Sebastia-

no simile quid Zoe matrona uiderat, & turpe putauit tam eui- Ex eius a-
denti assertioni fidem non adiungere. dis.

DVM ORATIONEM FINISSET ETC. DI- 43
CERE, AMEN] D. Taulus ad Corinthios Ceterum si bene Ep. 1. c. 14.
dixeris spiritu, qui supplet locum idiotæ, quomodo di-
cet AMEN supra tuam benedictionem? quoniam quid
dicas nescit. Chrysostomus idiotam promiscuam plebem, uel lai Chryf. ho-
cum explicat. Et significat post secula seculorum, qui finis pre- mi. 35.
cum sit, Amen subiici solere. Iustinus, Præpositus quantum Apol. 1.
potest preces offert, & gratiarum actiones, plebs uero. A-
men accinit. Quæ tamen hæreticis nihil patrocinari ad asser-
tionem, uulgaris linguæ, in diuinis officijs, & publicis precibus,
discere potes ex Ledesma, Hosio, & Bellarmino, qui hoc argu-
mentum explicant. Verbum ipsum AMEN Hebraicum est, de
quo Hieronymus ad Marcellam, Amen uero Aquila πεπισω-
µένως exprimit, quod nos Fideliter possumus dicere, du-
ctum aduerbium ex nomine fidei. Amen Septuaginta γέ-
νοιτο, id est Fiat.

DOMINE ETC. SVM ENIM MULIER PEC- 44
CATRIX] Ita Petrus, Procidit ad genua Iesu, dicens: Luc. 5.
Exi à me domine, quia homo peccator sum. Stupor enim
circumdederat eum. Ut uerò Iesus respondit, Noli timere,
Sic Narcissus, Quo me Deus meus iussit ingredi, introi-
ui. Nam hæc uerba penitus considerata, omnem timorem ab-
stergere apta sunt; Cum utique Deus temerè ingredi non iusserit.
Porro ad illud Petri Ambrosius, Dic & tu, Exi à me domine, In Luc. lib.
quia homo peccator sum: Ut respondeat tibi dominus, 4. c. 5.
Noli timere. Indulgenti domino peccatum fateri &c. Est
etiam animaduertendum, quod hic Afra narrat, se ad pedes Nar-
cissi proiecitam, hæc uerba protulisse, nihil pertinere ad prius il-
lud, procidit ante pedes eius, dicens: Domine indigna
sum ualde &c. Id enim uespere, ut primum intellexit Narcis-
sum Christianorum episcopum esse, hoc uerò mane contigit, cum
nouo miraculo iterum consternata esset.

FASCES LINI HABEO, SVB QVIBVS AB- 45
SCONDI EOS] Vtri Afra legatos ueri Iesu, ita Rahab me Ios. c. 2.
retrix Hierichuntis, olim exploratores Iosue sub lino abscondit.
Facile utrimque plura conferes.

CONVERSIO S. AFRAE

46 **MATER EIVS GAUDIO REPLETA DIXIT ETC.]** *Cum Deus Afræ domum semel benignis oculis aspexisset, matrem Hilariam exortem diuinę gratiæ relinquere noluit, nam Dei perfecta sunt opera. Et probè iterum accommodari potest, Rahab meretrix uiuat, cum uniuerfis, qui cum ea in domo sunt; abscondit enim nuntios, quos direximus. Obiter non est transmittendum, Hilariam, quamquam Idolorum vanitati adhuc deditam, tamen prestationem uoti ab vno Deo petere. Quod cum Tertullianus in alijs ethnicis obseruasset. testimonium animę naturaliter Christianæ esse existimauit. Lactantius idem argumentum multis prosequitur.*

47 **PER TRES HORAS TENERET PLANTAS EIVS]** *Quam anxie, & quam ardentem Hilaria animæ salutem concupierit, hinc cognoscimus. Quæ enim sequuntur ab ea prolata uerba, pium animi affectum proculdubio significant: Verum igneum illud desiderium, nulla vnquam lingua tam expresse eloquetur, quam per tres horas iacens corpus ad pedes episcopi. Merito responsum tulit, Beata est fides tua. Afferamus exemplum Pelagię pœnitentis sub Imp. Theodosio iuniore. Cuius historiam à Iacobo diacono Heliopoleos, qui conuersioni interfuit, grauitè conscriptam habemus. Et quoniam pleraque eorum explicat, quæ per trihorium inter Hilariam, & Narcissum disputata, hîc breuitatis gratia omiſsa uideri possunt, Ideo non graua- bor plura ex illa uerba describere. Venit illa (Pelagia nimirum) ubi sedebant episcopi, seseque in pauimentum prono uultu prosternens, apprehendit pedes beati Nonni, aitque ad eum: Rogo te, mi domine, imitare magistrum tuum, Dominum Iesum Christum, & impertire mihi humanitatem, meque Christianam effice. Ego enim sum pelagus flagitiorum, & quædam iniquitatis abyssus. Peto autem sanctum mihi conferri baptismum. Cumque uix ei persuasisset episcopus, ut a pedibus surgeret, sic illi locutus est: Sacri episcoporum canones uetant baptizari meretricem, nisi fidei iussores adhibeat, qui fidem dent eam non redituram ad anteaçtę uitæ turpitudinem. Hac episcopi sententia audita, rursus in pauimentum se abijcit, comprehensusque sancti uiri pedes rigat lacrymis, & capillis suis detergit, dicitque illi: Tu itaque rationem reddes iusto iudici Deo.*

pro

pro anima mea, & tibi imputabo omnia scelera, & flagitia mea, si distuleris mihi impure, & turpissimæ, salutaris lauari beneficium impertire. Non sit tibi portio apud Deum inter sanctos eius, nisi me feceris alienam à maleficijs, & peccatis meis. Negasse Deum, & idola coluisse censearis, nisi me hodie in Christi sponsam renasci feceris, & obtuleris Deo puram, & immaculatam. *Episcopi, qui in Nonni confessione erant, pronunciauere. Nunquam se talem uidisse fidem, tantumque obtinendæ salutis desiderium. Itaque Pelagia post confessionem, & exorcismum, baptizata est. Ad spatium trium horarum, quibus Afra, Narcissi pedibus pronoluta iacuit, quod spectat, prodit Hieronymus, Antonium ante speluncam Pauli eremitæ, sex & amplius horas aditum precantem iacuisse.*

*In uita
Pauli.*

ANTEQVAM DISCERES ETC.] *Similis est apud Tertullianum locus, Laudò fidem, quæ ante credidit obseruandum esse quam didicit.*

*48.
De Cor.
mil.*

HODIERNA DIE SIMVL INCIPITE IEIUNARE ETC.] *Ex antiqua ecclesiæ disciplina. Tertulliani uerba sunt, Ingressuros baptismum orationibus crebris, ieiunijs, & geniculationibus, & peruigilijs orare oportet, & cum confessione omnium retro delictorum. Nostra comparationes Confessionem: Orationes, quibus geniculationes comprehenduntur; Vigilijs: & ieiunia. Præterea, Catechismum, Audite sermonem ueritatis: & exorcismum, cum se demon paulo post exclusum fateatur. Quæ baptizaturi partes sunt; nam Tertullianus de baptizandis tantum agit.*

*49
De bap.*

DICIMVS QVID COLIMVS ET ITA DE MVVM DOCE NOS ETC.] *Narcissus sciuit proculdubio has mulieres gentiles esse; sed cū Deorū cultus uarijs esset, & multiplex, multū intererat cognoscere, quā rationem istæ sequerentur, Ut intellecta vi ueneni, antidota maximè necessaria adhiberentur.*

PARENTES MEI GENERE CYPRII FVERVNT, ET INDE VENERVNT] *Paucis uerbis, quibus Hilaria non se ipsam, sed parentes suos ex Cypro uenisse asserit, illa pæne omnia conualluntur, quæ incerto rumore, prologo a nobis omisso sunt prodita. Quamquam eorum uanitas etiam aliunde certis rationibus demonstrari potest. Nam Afram Reginam, patre Cypri Rege, matre item Reginā natam esse, ut cetero-*

quin

CONVERSIO S. AFRAE.

quin nihil obstat, temporum ratio minimè patitur. Cum conslet, Cyprum à M. Catone, lege P. Clodij, in prouinciam redactam esse: Vltimum Regem Ptolemæum, fratrem Ptolomæi Auletis Alexãdrini Regis, hausto ueneno sibi mortem consciuisse: Idque ante annum urbis septingentesimum, multo prius quam Christus ex uirgine nasceretur, contigisse. Cui rei frequentissimi testes Cicero, Liuij epitome, Plutarchus, Velleius, Appianus, Dio, Strabo, Valerius, Florus, Rufus, Ammianus, Lucanus. Singulorum locis immorari nihil est necesse, Cum uix sit Romanas historias attingere, quin in ea incurramus. Posthæc M. Antonius insulam quidẽ Cleopatrz donauit, sed eius acta statim à morte rescissa sunt, quod tradit Plutarchus; Neq; deinde ullus in Cypro Rex, quam diu Romanum imperium stetit. Nam prouincia uniuersam insulam complectebatur, Ne quis Britanniam in exemplum trahat, quæ post constitutam prouinciã aliquos adhuc Reges habuit. Quod de Rege Atticæ insulæ, & de pugna cum Cyprio subiungitur, multo est nugacius. Sed uideor intelligere, quid auctores fabulæ sequuti sint. Constabat illis ex historia, Hilariam, & Afram Cyprias origine fuisse, Imaginem utriusque ex antiqua traditione coronam aspiciebant, Quod ergo proximum, Matrem uxorem Regis, filiam Rege natam existimauere: Et ut aliqua exilij causa apparet, reliqua illa de patre pugna uicta, & caso, quæque consequentia uidebantur, affinxere. Nam qui omnium rerum, quæ in antiquis historijs leguntur, causas reddere constitutum habent, in eptias aliquando pene aniles sequantur necesse est.

Plut. M.
Ant.

Inde Prudentij
peri-
steph.

Quamquam de coronis multæ causæ, præter unam, quam commenti sunt, & quam varijs parergis exornarunt, afferri poterant. Quanto probabilius ecclesiæ antiquam consuetudinem appellassent, quæ martyrium Coronam nominare solita; Certa nimirum iustum iudicem, pro passionibus huius seculi immarcescibilem coronam suis retribuere. Hinc factum, ut sancti omnes radijs insignirentur. Quid si regiam cognationem prætexissent? Nihil uetat mortuo Ptolemæo, plerosque, qui eum sanguine attingerent superuixisse; Inter eos qui istarum mulierum maiores ponat, temerè fortassis pronunciet; mendacij tamen non conuincatur. Propius etiam ad ueri speciem, Hilariam ex Cinara posteris deduxissent. Vt coronæ insigni regiam originem testatam facere uoluisse crederetur. Certè Tacitus Cinara familiam sua ætate superfuisse,

Hist. lib. 2.

persuasse, & procuracionem sacrorum Veneris in Cypro habuisse ostendit. Neque est cur opinemur à Tacito ad Diocletianum intercidisse. Quin & de sacris initijs cogitare poterant. Nam Veneris myst. rijs hasce mulieres initiatas mox intelligemus. Initiatum autem quandoque auro coronabantur. Decretum Atheniensium inter epistolas Hippocratis, Visum est populo ipsum publice magnis mysterijs initiare, quemadmodum Herculem F. Iouis, & coronare ipsum corona aurea mille aureorum.

Sed quidquid huius sit, illud non dubijs coniecturis perspicuum est, Hilariam & Afram Veneris Cypriae sacerdotes fuisse. Nam peregrino ritu Venerem ab ijs cultam significant Hilariae uerba, cum ait, parentes ex Cypro cum sacris Veneris uenisse. Peculiaribus ergo sacerdotibus opus erat. Ex quin ipsamet fuerint, nihil attinet dubitare, Hilaria de filia disertè explicat, Ego denique filiam meam sacris Veneris consecraui, quasi Deæ veneri seruituram. Alioquin etiam veneris sacerdotes famulas obseruare licet. Apud Plautum anum, quæ Ampeliscam & Palestram suscipit; Nummiam Variam in antiqua inscriptione, quam Fulv. Ursinus emisit, & alias alibi. Sacerdotes autem coronari consueisse quam multi testes; Tertullianus, Ipse denique fores, ipsæ hostiæ, & aræ, ipsi ministri, & sacerdotes eorum coronantur. Habes omnium collegiorum sacerdotilium coronas apud Claudium. De Veneris sacerdote est exemplum apud D. Hieronymum. Cum S. Hilarion peruenisset. Elusam, eo fortè die, quo anniuersaria solennitas omnem oppidi populum in templum Veneris congregauerat, Virum sanctum non prius abire passi sunt, quam futuræ ecclesiæ lineam mitteret, & sacerdos eorum, ut erat coronatus, Christi signo denotaretur. Sed hæc coronæ fere ex floribus, ideo inquit Tertullianus Cl. Saturninum libro de coronis nullam gratiam floris, nullam lætitiæ frondis, nullum cespitem aut palmitem, non alicui capiti consecrassè. Et pleraque huius generis hauries ex Clemente Alexandrino, & Athenæi Deipnosophistis. Illud interim me idem Tertullianus monet, sacerdotibus in provincijs aureas coronas fuisse. Loquitur ut de re vulgo nota, Purpura illa & aurum, cervicis ornamentum, eodem more apud Aegyptios & Babylonios insi-

Plau. Rud.
Urs. in leg.
& S. Conf.
ant. n. 26.

De Cor.
mil.

In vita
Hilar.

Clem. p. ad.
lib. 2. ca. 8.
Ath. li. 15
De Idol.

CONVERSIO S. AFRAE

Hist. li. 29. insignia erant dignitatis, quo more nunc prætextæ, uel trabæ uel palmatæ, Et coronæ aureæ sacerdotum prouincialium. Meminit Ammianus Marcellinus coronæ sacerdotalis, quam sub Valente Imp. Firmus Maurus Romanis restituit, cum militaribus signis, & ceteris, quæ capto Icosio oppido intercepterat. Eam auream potius quam floridam fuisse, restitutio satis arguit. Atque hanc ego potissimam, & verissimam causam censeo cur imagines auro coronatæ. Ut tamen si quis probabilius differat, non inuitus sim auscultaturus. Scire etiam refert, Insignia crucibus, & leonibus distincta, quæ imagini S. Afræ appingi solent, nihil ad eius familiam, nihil item ad æuū, quo illa uixit pertinere: sunt enim insignia Lusinianorum, qui post excisum Francicum in Palestina imperium, in Cypro rerum potiti sunt, atque Ierusalem & Cypri Reges dici uoluere. Id tantum significant, Afram ex Cyprio Regno originem ducere. Quæ indicanda non existimassem, nisi animaduertērem hac quoque in re nonnullos, omnis antiquitatis imperitia deceptos, errare.

Cap. lib. 1. Aug. de ci. lib. 7. ca. 2. **52** INDE VENERUNT CVM SACRIS VENERIS] Venus Aeneadum genitrix, ut poetis appellatur, inter præcipuos Deos Romæ, & per omnem Romanum orbem semper est habita, Consentibus annumerat Mart. Capella, Selectis Augustinus. Neque ferri potest, Hilarie parentes sacra Veneris in uniuersum ex Cypro primum attulisse: Verum cum Veneri diuersis locis alijs atque alijs institutis sacra fierent, Cyprium cultum tunc primum Augustam appulisse, intelligendum est. Quo is ritu constaret, mox aperietur. Huc fortasse pertinet, cognoscere ex Tacito, qua figura Veneris *Ἡρώδης* Paphi in Cypro extiterit. Simulachrum Deæ non effigie humana. Continuus orbis, latiore initio, tenuem in ambitum, metę modo exurgens. Et ratio in obscuro. Quæ uerba, cum conum, Augustæ symbolum, tam aptè describant, ut iam expressius non possint, fateor me commouisse aliquando, ut cogitarem an ea antiquitus symboli occasio. Nam permultas urbes symbolis suis, religionem alicuius numinis expressisse, discimus ex nummis. Et erant alia quoque, quæ coniecturam commendarent. Sed certis de causis, illam omnino abdicauī; Indicatam tamen uolui.

53 VENVS COLI NON POTEST NISI AB HIS FOEMINIS, QUAE FVERINT FORNICATAE]

De

De multipici Venerem mythologi adeundi. Nos consuetudinem, cuius hic fit mentio tantum explicabimus.

Fuere qui Venerem castitate colerent. Narrat enim Pausanias de Veneris templo apud Sicyonios, in quod solæ ingrediebantur æditua mulier, cui uiri consuetudine interdictum, & uirgo, quæ annuoungebatur sacerdotio. Et Augustinus irridet gentilium uanitatē, qui Vestam, cui uirgines seruiant, dicant Venerem esse. Verum qui contra Venerem meretricatu colerent, multo plures extitere, quam qui pudicitia. Strabo de Anaitide, quo nomine Armenis Venus, Illustrissimi eius nationis filias suas Virgines ei dedicant, Ac lex est, ut longo tempore apud Deam constuprata, deinde nuptum dentur: nemine talis mulieris coniugium dedignante. Tale quippiam etiam Herodotus de Lydijs mulieribus scribit. Extat locus in primo Herodoti. De Phænissis auctores habemus Augustinum, Athanasium, & Val. Maximum. De Babylonys rursus Herodotum, & Strabonem. Item Herodotum de Nasamonibus, & Adyrmachidis. Nam ubicumque hi ritus, ad Venerem pertinebant. De Augilis Melam & Solinum. De Locrensibus & Epixephyrys Athenæum. Qui præterea prodit, Veneris meretriciæ delubrum Abydi fuisse: Meretrices in Samo & Ephesi Veneri templa ædificasse: Corinthias meretrices salutem Græciæ à Venerē exorasse: & Corinthiorum plebem uouere solitam, si quod precibus flagitaret impetrasset, Deæ certas se meretrices adducturam. Inde est, quod Strabo lib. 8. scribit, fanum Veneris Corinthi ita fuit locuples, ut plures quam CIO habuerit sacrorum famulas meretrices, quas Deæ uiri, mulieresque dedicarunt. Innumera sunt, quæ apud poetas græcos & latinos in hanc sententiam habentur. Pileterus apud Athenæum, docet Venerem nullo nomine frequentius quam meretricio coli solitam. Versus ita reddidit interpres,

———— Vbique Veneri
Amicæ templum dicatum uidemus,
At Maritæ nusquam in tota Græcia.

Quæ etsi rectæ rationi adeo refragentur, ut uix credibile uideatur cuiquam unquam tam crassas tenebras ab humani generis hoste potuisse obijci, tamen in ethnicis hominibus minus mirum est,

G Quia

Paus. Corinth.

Lib. 11.

Aug. de ciu. lib. 4. c. 10. Ath. contra Idola. Val. li. 2. c. 7. Herod. lib. 1. 4. Strabo lib. 16. Mel. lib. 1. Solin. c. 35. Athen. lib. 12. 13.

CONVERSIO S. AFRÆ

salu. de Quia has idolorum suorum delitias esse credebant, ait *Sal*
prou. li. 5. *uianus: & Athanasius*, Cum uiderent suos Deos istiusmo-
Ath. con- di rebus oblectari, statim eos iisdem delictis emulati sunt.
tra Idol. Egregium facinus arbitrati, si exempla eorum, quos sum-
 mos censebant, imitarentur. Atque inde factum est, ut sce-
 leribus homicidiorum, parricidiorum, omniumque libi-
 dinum succubuerint. Nam propemodum omnes ciuitates
 omnibus libidinibus scatent, ob immanitatem morum,
 quā in suis dijs conspiciunt. *An non multo scdiora in hoc ipso*
libidinum genere designarunt homines nomine tenus Christo dedi-
ti; Horrenda sunt, quæ de Euchitarum sacris Psellus, & de Gnosti-
corum colluue Epiphanius scribit. Sed ad Venerem redeamus.

Psel. de e- Cyprij cum insulam maximè fertilem, nulli præstantiā ced-
nerg. dem. tem, eaque de causa aliquando Macariam dictam, ut Plinius in-
c. 5. Epiph. dex est, colerent, luxui ad miraculum usque dediti fuere. In pri-
bar. 26. mis omnem fidem superant, quæ Athenæus de Regibus, de Regi-
Plin. lib. 5. nis Valerius prodidit. Ea mollities cum in reliquum uul-
cap. 31. gus pro-
Ath. lib. 6. modulo fluxisset, meretriciæ religioni facillimè aditus patuit.
Val. lib. 9. Nam Lactantius, Athenæus, & Iustinus Trogi abbreviator, in-
cap. 2. dicant Venerem à Cyprijs mulieribus eadem ratione, qua à reli-

Lact. de fal- quis, quos enumerauimus populis cultam esse. Accedebat, quod
sa rel. c. 17 Dea origine Cypria, illique tota insula sacra censebatur. Sive
Athe. li. 2. quod de Venere, quæ olim inter homines uixit, ita uerum sit, siue
Iust. li. 18. quod Voluptatis Dea uoluptaria insula conuenire crederetur. In
 testimonium persæpe Cypriæ nomine, uti etiam cognominibus
 Paphiæ, Idaliæ, Golgiæ (Cypri loca sunt) appellabatur. Et
 Lactantius eam primam meretricium in Cypro instituisse ex sa-
 cra historia scribit, Autor mulieribus in Cypro fuit, uti uul-
 go corpore quæstum facerent. Quod idcirco imperauit,
 ne sola præter alias mulieres impudica, & uirorum appe-
 tens uideretur. Idem Athanasius, Ex Venere meretricatum
 didicerunt. Neque alio respicit Hilaria inquit se filiam di-
 uinis Veneris imitationibus occupasse. Si tamen hæc scriptura
 probatur, nam si libri adiument, lubens legam initiationibus.

At quoniam certorum Deorum sacra, quo sanctiora creden-
 tur, arcanis ritibus, mysteriorum nomine constabant: Atque ini-
 tiandi solemnibus ceremonijs allegebantur: Visum est ea quoque
 quæ circa Venerem impudicè fiebant, hoc uelo oculis uulgi subdu-
 cere.

cere. Quod ex nullo gentilium tam distinctè, quam ex Christianis scriptoribus haurimus. Hi ceteroquin tacenda propalare uoluerent, quo infamium Deorum affectis pudorem intenterent. Iulius Firmicus Maternus, is qui de mysterijs, & erroribus profanarum religionum ad Constantinum, & Constantem Augg. scripsit, sic inquit, Audio, Cinyram Cyprium templum amicæ meretrici donasse, ei erat Venus nomen: initiasse etiam Cypriæ Veneri plurimos, & nouis consecrationibus deputasse. Statuisse etiam quicumque initiari uellet; secreto Veneris sibi traditò asse, manum mercedis nomine Deæ daret. Quòd secretum quale sit, omnes taciti intelligere debemus. Quia hoc ipsum propter turpitudinem manifestius explicare non possumus. Bene amator Cyniras meretricijs legibus seruit, consecratæ Veneri à sacerdotibus suis stipem dari iussit ut scorto. Clemens Alexandrinus, Apertè autem dico quæ sunt occulta, non erubescens dicere ea, quæ non pudet uos adorare. Quæ ergo ex spuma, & in Cypro est genita, Cinyræ amica, Venerem dico, quæ φιλομενδῆς dicitur, quòd exorta sit ἐκ μηδέν, hoc est ex genitalibus, ex salacibus illis inquam genitalibus, quæ Cælo abscissa sunt, quæ post abscissionem fluctui uim attulerunt, tamquam libidinosi uestris partibus dignus, fructus sit Venus in sacris mysticis. Marine huius uoluptatis generationis indicium, salis pugillus, & phallus traditur, ijs qui in hac mœchandi arte sunt initiati. Nummum autem ei offerunt ij qui initiantur, ut amicæ amatores. Arnobius, Nec non & Cypriæ Veneris abstrusa illa initia prætereamus: quorum conditor indicatur Cinyras Rex fuisse: in quibus fumentes ea, certas stipēs inferunt ut meretrici, & referunt phallos propitij numinis signa donatos. Gregorius Nazianzenus, Nec meretricia Veneris mylteria, turpiter, ut ipsimet asserunt, & procreatæ, & cultæ: nec Phalli quidam, & Ithyphalli, tum forma, tum rebus ipsis sædi, atque obsceni. Ad quem locum Nicetas, Ipsa turpiter progenita est, rursusque turpiter honoratur per flagitiosos concubitus, atque execranda mysteria. Hæc ergo mysteria Cypria fuere, quæ Hilaria uerbis significantur, quibusque Afra initiata inseruiuit, hæc sacra ex Cypro

Cap. 5.

In prorep.

Lib. 5.

Orat. 39. in
S. Lumina.

CONVERSIO S. AFRAE

Augustam allata, ex quorum praescripto. Venus coli non potest, nisi ab his feminis, quæ fuerint fornicatæ.

Subiungam quid hæc commentanti in mentem uenit. Afra, Veneri se totam dicauerat, uti vidimus: Venerem græci Aphroditem appellarunt παρὰ τὸν ἀφρόν, quod spumam significat: Hinc Afra nomen traxisse uideri possit: Aut ab ἀφρῆς, quod myrtus est, nam Veneri myrtus sacra. Sed etymologia, quam antea attulimus, ut multo simplicior, ita mihi magis probatur.

54 QUANTO PLURES AMATORES HABERE POTVERIT ETC.] *Consentaneum est illis quæ hætenus dicta. Nam si supra Dea accepta, profecto quo numerosiora, eo gratiora interpretanda erant. Minutij Felicis uerba huc faciunt, Alia sacra coronat uniuira, alia multiuira, & magna religione conquiritur, quæ plura possit adulteria numerare, In felices tenebræ?*

In octau.

Tantum religio potuit suadere malorum.

Ex Lucr. lib. 1.

Sive verius superstitio, & impietas.

55

In uita Ambr.

INGEMUIT, ET LACRYMAS FVDIT] *Ita consuevere uiri sancti, quibus Dei honor cordi est. De S. Ambrosio Paulinus, Quotiescumque illi aliquis ob percipiendam pænitentiam lapsus suos confessus esset, ita flebat, ut & illum flere compelleret.*

56

Ad Rom. 5. Or. Com. li. 5. c. 5.

VBI ABVNDAVIT INIQVITAS, SUPERABVNDET ET GRATIA] *Pauli Apostoli uerba sunt, Vbi autem abundauit delictum, superabundabit, & gratia. Origenes gratiam superabundare explicat, cum homo à præteritis peccatis non solum absoluitur, uerum etiam à futuris communitur. Vtrumque his mulieribus plenè contigit.*

57

APPARUIT AEGYPTIVS] *Vti conspecta uirtus miros sui amores, ita vitium maximum odium in se concitaret. At cum eiusmodi habitus oculis usurpari nequeant, fit tamen Dei benignitate, ut spiritus, qui nos utrimque alliciunt, ea quandoque specie appareant, quæ siue erga bonos amorem, & admirationem, siue erga malos odium, & contemptum commouere apta sit. Neque id mihi exemplis, quæ creberrima sunt, confirmandum existimo. Certè, quæ demonis inexpressibilis superbia, & impostura est, nullam ille aliam quam præstantissimam formam indueret unquam, nisi Dei imperio cogeretur. Sed Deus, qui formauit dra-*

draconem ad illudendum ei, exhibet ipsum nonnunquam, etiam corporeis hominum oculis, tam turpem, & fœdum, ut illi despiciatui habeant, & summopere detestentur semel uisum, qui incognitum ueneratione, & cultu prosequerentur. Quod hic accidit. Aegypti nomen ad atrum colorem, qui infaustis spiritibus, uti beatis albus, proprius creditur, referendum est. Adde quod per Aegyptios peculiari figura demones in sacris litteris exprimuntur. Gaudentius Erixianus episcopus, Erasmus, & nos aliquando in Aegypto, nescientes Deum, ac luminis, & ueritatis ignari: quos urgebant immundi spiritus, ueri Aegyptij, laterem facere, terrenis uidelicet inseruire figmentis: At ubi conuersi ad Deum sumus, reclamantes ab operibus duris, uerberati sunt Aegyptij multiplicibus plagis, & primitiua eorum percussa sunt, Salus enim nostra demonum pœna est.

Albi Dec-
rian filij.
Apud Pla-
tonem S.
de Regno.
Tract. 1. in
Exod.

VVLNERIBVS ELEPHANTIAE TOTO 58
CORPORE PLENVS] *Elephantiam* Corn. Celsus sic de-
scribit, Totum corpus afficitur, ita ut ossa quoque uitiari
dicantur. Summa pars corporis crebras maculas, crebros-
que tumores habet. Rubor harum paulatim in atrum co-
lorem conuertitur, Summa cutis inaequaliter crassa, te-
nuis, dura, mollisque, quasi squamis quibusdam exaspera-
tur, corpus emacrescit, os, suræ, pedes intumescunt. Vbi ue-
tus morbus est, digiti in manibus, pedibusque sub tumore
condantur, febricula oritur, quæ facile tot malis obrutū
hominem consummit. Verbatim exscripsi, quo fœdissimi mor-
bi speciem eleganter expressam, ob oculos ponerem. Eadem pau-
cis complectitur Serenus Sammonicus,

Li. 3. c. 25.

Est elephas morbus, tristi quoque nomine dirus,
Non solum turpans infandis ora papillis,
Sed cita præcipitans funesto fata ueneno.

Nonnulli medicorum eundem cum morbo gallico existimaue-
runt. Quos erroris arguit Fracastorius, docens elephantiam
conuenire cum ea, quæ Arabibus, & vulgo lepra est? Nam an-
tiqui lepræ nomine diuersum quid intellexerunt. Plinius Aegypto
peculiare malum dicit. Lucretius asserit nullibi præterea gigni,

De morb.
cont. li. 2. c.
13.
Plin. libr.
26. cap. 1.
Lucret. li. 6.

est

CONVERSIO S. AFRAE

Est elephas morbus, qui propter flumina Nili
Gignitur Aegypti in medio, neque præterea vsquam.

Sed fallit. Illud obseruatu dignum, quod cum nullo fere morbo totum hominis corpus adeo miserè afficiatur, meritò demon impudicitie suasor hac specie ostensus est, Ait enim D. Paulus, Fugite fornicationem, omne enim peccatum, quodcumque fecerit homo, extra corpus est: qui autem fornicatur, in corpus suum peccat.

Cor. 1. c. 6.

59 O SANCTE NARCISSE EPISCOPE, QUID
TIBI] Demon, qui mulieribus tot annos sub Veneris persona
illuserat, se aperit. Eiusmodi exemplis uite sanctorum scatent.
Similia sunt, quæ grauissimi auctores Athanasius de Antonio,
Sulpitius de Martino, Iacobus diaconus de Pelagia, de alijs alijs
prodidere. Quin sanctum sanctorum, dominum nostrum Iesum
Christum, eadem petulantia demones adoriri ausi, Quid nobis,
& tibi Iesu Nazarene? Venisti perdere nos? Scio quod sis
sanctus Dei. Ceterum ne quis miretur à demone contra se ipsum
testimonium dici, & propriam causam prodi, Dum se castitatis ho-
stem, inquinatum corporum, & pollutarum animarum dominum
profitetur: id non sua uoluntate, sed Dei nutu factum sciat. Con-
sulens enim hominum saluti misericors parens, hac ratione uaser-
rimus hostem hodie quoque aliquando detegit. Sed opinor frequen-
tius in primitiua ecclesia. Vt nimirum homines ab Idolorum cultu
reuocaret. Id quod rectius ex D. Cypriano, alloquente Demetria-
num audiemus. O si audire eos (Deos tuos) velles, & uidere,
quando à nobis adinrantur, & torquentur spiritualibus
flagris, & uerborum tormētis de obsessis corporibus eijciū-
tur, quando eiulantes, & gementes, uoce humana, & pote-
state diuina, flagella, & uerbera sentientes, venturum iudi-
cium cōfitentur. Veni, & cognosce esse uera, quæ dicimus.
Et quia sic Deos colere te dicis, uel ipsis quos colis crede.
Aut si nolueris, & tibi credere, de te ipso loquetur, audien-
te te, qui nunc tuum pectus obsedit, qui nunc mentem tuā
ignorantiæ nocte cæcauit. Non quod Demetrianus energu-
menus, sed quod item ut Afra, per idololatricum cultum animā
tenus à demone possideretur. Videbis nos rogari ab eis, quos
tuogas; timeri ab eis, quos tu adoras: videbis sub manus
no-

Mat. 8.

Mar. 1. 5.

Luc. 4. 8.

nostras stare uinctos, & tremere captiuos, quos tu suspicis, & ueneraris ut dominos. *At quid tandem hæc demonum confessio proderit?* Certè vel sic confundi in istis erroribus tuis poteris, cum conspexeris, & audieris Deos tuos quid sint, ad interrogationes nostras statim prodere: & præsentibus licet uobis, præstigias illas, & fallacias suas, non posse celare. *Ante Cyprianum Tertullianus in apologetico*, Edatur hic aliquis sub tribunalibus uestris, quem damone agi cõstet. Iussus à quolibet Christiano loqui spiritus ille, tam se demonem confitebitur de uero, quam alibi Deum de falso. *Ausim dicere, hoc in primis argumento plurimos ad Christianismum animum appulisse.* Disertè enim Tertullianus, Hæc deniq; testimonia Deorum uestrorum Christianos facere consueuerunt, quia plurimum illis credentes, Christo domino credimus.

CVM ANCILLIS MEIS ETC. IN MEA FAM- 60
MILIA ETC.] *Mēdacij pater, se pro patre familias in Hilariæ domo gessit. Familie autē nō una est apud Iuriconsultos significatio: Huc illa quadrat, iure proprio familiam dicimus plures personas, quæ sunt sub unius potestate, aut natura, aut iure subiectæ. Et si hæc mulieres neque naturā, neque iure, sed dolo, & fraude in demonis potestatem concesserant.* *Dig. de uerbo. sign. l. 195.*

MEAE SVNT, ALIVS ESSE NON POS- 61
SVNT] *Veritati mendacium aspergit. Verum erat suas fuisse, Quia omnis qui facit peccatum, seruus est peccati: Sed liberæ fieri, & cum Deo in gratiam redire poterant. At hic idem ille calumniator est, qui S. Martino obganniebat, Non pertinere ad ueniam criminosos, & semel lapsis, nullam à domino præstari posse clementiam.* *Ioan. 8. Sulp. in uita S. Mart.*

NUMQUID EGO INTRO, VBI CASTITAS 62
REGNAT ETC.] *Probata est theologorum sententia, distincta demonum munia esse: Vt alijs prouinciæ, alijs certo homini, alijs alicui uitio præsit. Quod loquendi etiam consuetudine confirmant. Dicimus enim spiritum superbiæ, spiritum luxuriæ, spiritum auaritiæ, & pleraque ad hunc modum. Hinc Origenes, quem sequitur Cæsarius Arelatensis, existimauit quot uitijs homo deditus sit, tot uitiorum præsidibus demonibus illum agitari. Idque Cæsarius per plura peccata ostendit; Vnum subscribam, Nam* *62. Vnde mag. sent. lib. 2. dist. 6. Cæsarian. Collat 7. c. 17. Orig. sup. Ios. hom. 15. Cæsar. hom. 16.*

Nam

CONVERSIO S. AFRAE

Nam quod, & ille qui fornicatur à diabolo possidetur, canonica nihilo minus scriptura testatur. Sicut enim dicit propheta, Spiritu fornicationis decepti estis. *Huius ordinis Aegyptium istum fuisse, tum effectus rerum, ad quas cultrices suas impulit, tum uerba, quæ de se ipso protulit confirmant. Quod meretriciam domum tamquam propriam possessionem sibi uendicat, Tertullianum in memoriam reuocat, Exemplum accidit, domino teste, eius mulieris, quæ theatrum adiit, & inde cum dæmonio redijt: Itaque in exorcismo, cum oneraretur immundus spiritus, quod ausus esset fidelem adgredi: Constāter, & iustissimè (inquit) feci, in meo eam inueni.*

Da specta.

63 I V B E O T I R I I M M V N D E S P I R I T V S] *Christus semel Apostolis, & per Apostolos successoribus, dedit uirtutem, & potestatem super omnia dæmonia. Quæ potestas hæcenus in ecclesia uiguit, & in posterum uigebit. Idcirco uiri sancti non precario (quod impostorum est, de pacto agentium) sed imperio, ad id quod placitum est adigunt dæmones. Eo recidit, quod theologi definiunt, nullam ab hominibus cum dæmone licitā communicationem haberi posse, nisi expellendo tantum, & compellendo uirtute diuina. Quod utrumque uno compulsionis nomine fortassis rectè enunciatur. Atque huius potestatis nullum est euidentius argumentum, quam quod dæmon, Christiano menti ri non audens, inquit Tertullianus in apologia, ea coactus profert, quæ alioquin quauis arte tegere nititur. Quid isto opere manifestius, quid hac probatione fidelius? Exclamat Tertullianus. Illis, qui nullo unquam pacto auditum dæmonis uerbis accommodandum existimant, siue vera, siue falsa, siue sponte siue coactè loquatur, respondet S. Ambrosius, Non accipio à diabolo testimonium, sed confessionem, Inuitus dixit diabolus & exactus, & tortus. Quod nequitia suppressit, extorquet iniuria.*

*De SS. Ger-
m. & Pro-
ph.*

64 S C I S C H R I S T V M I E S V M D O M I N V M N O -
S T R V M E T C.] *Epitome rerum a Christo Iesu in extremo uite actu, pro salute humani generis perpeffarum. Quæ cum gentilibus Dei maiestate ualde indigna uiderētur, & Christus crucifixus illis stultitia esset, sapienter Narcissus, ab insensissimo hoste, de sacratissime passionis fructu confessionem extorsit. Neq; dubitandū, quin mulierum fides mirè hac auditione confirmata fuerit.*

P R I N -

PRINCEPS NOSTER] *Hoc etiam ex theologorum* 65
scitis planum fit, Sicut inter bonos angelos alij alijs præ- Mag. sec.
sunt, ita & inter malos alij alijs prælati sunt, & alii alijs sent. dist. 6.
subiecti: quam diu durat mundus angeli angelis, dæmo-
nes dæmonibus, homines hominibus præsunt. Sed in futu-
ro omnis euacuabitur prælatio, vt docet Apostolus. Ideo re- Mat. 12.
gni Sathanæ meminit dominus, Et principis dæmoniorum sæpe Mar. 3.
meminere sacræ litteræ. Luc. 11.
 Ioan. 12.

FUGIT A FACIE EIUS ETC.] Prædixerat Chri- 66
 stus, Princeps huius mundi eijcietur foras. Nam per Christi
 crucem, & mortem omnis dæmonis potestas fugata est. Nonnul-
 la exemplaria verba, quæ mox sequuntur interiecta habent.
 Princeps noster fugiens à facie eius, in templum Dei se mi-
 sit, & ideo velum templi scissum est, quia virtutem perse-
 quentis ferre non potuit. Quæ non satis uideo quomodo con-
 sent. Ego à fide exemplaris, quod ceteroquin sequutus sum, di-
 scedere nolui.

TENTVS EST ET CATENATVS] *Dæmonis ui-* 67
res constrictæ fuere, Quomodo, aut ubi (inquit Chrysostomus) In Mat. ho.
nec hominis est posse exponere nec intelligere. Quam mi. 29.
quam opinantur nonnulli Luciferum in inferno religatum esse, ex
illo tempore, quo tentauit Christum in deserto, vel in passione, &
uictus fuit ab eo: neque soluendum ante tempora Antichristi,
iuxta Apocalypsis illud, Cum consummati fuerint mille an- Apo. 20.
ni, soluetur Sathanas de carcere suo.

SATHAN NOMEN EST EI, QVOD IN- 68
 TERPRETATUR INITIVM MORTIS] Sathanā Orig. sup.
 aduersarium interpretatur Origenes, Theophylactus, Athanasius, 1cf. homi.
 Cōtrariū, idē Origenes, & Hieronymus. Rursus Origenes Resisten- 15. i Mat.
 tem, uel Rebellem, aut etiam Contumacem. Irenæus Apostatam. homil. 1.
 Anastasius Nicenus Apostatā, id est qui defecit. Tertullianus Ho- & in Iob.
 stem. Eucherius Aduersarium siue Trāsgressorē. Beda Trāsgresso Theophyl.
 rem uel Pręuaricatore, seu contrarium facturæ, aut Aduersa- in Mat. c.
 rium psalmationis. Moses Bar—Cepha inquit, Sathanas qui 16. Mar. c.
 dem, & quia ipse à Deo recessit, & quia mortales à Deo 8. Ath. in
 abducit. Vbi interpres And. Masius notat, Verbum Sot Sy- 2. ad Cor.
 ris, & Chaldæis significat recedere, defletere: Vnde hic Hier. quæf.
 deducit Sathanæ nomen, quod uerius ab Hebræo Sathan 1 gen. Iren.
 lib. 5. c. 21.
 Anas. qua
 sit. 61.
 Tert. con.

H venit.

CONVERSIO S. AFRÆ

Marc. 3.
Euch. qua
stio. nou. 12
flam. ca. 9.
Beda de no
mi. H. br.
Moses de
par. par. 1.
c. 28. Iust.
Coll. cum
Tryphone.
Sap. 2.
In ep. ad
Hcb. c. 2.
Ad Autol.
lib. 3.

venit. Iustinus martyr, Sathan Iudæorum Syrorumque lingua desertorem significat: hæc autem uox Nas, quod interpretatur serpens, Hebræis idem quod Sathan ualet, ita ex utroque unum uocabulum componitur Sathanas. Tot huius nominis interpretationes reperio; quæ omnes ad duplicem etymologiam referri possunt. Qui uerò Sathanam initium mortis explicet, nullus est. Ergo non vim uerbi, sed ipsius Sathanæ condicionem hac periphrasi describi credendum. Quia inuidia diaboli mors intrauit in orbem terrarum. Causam reddit Theophylactus, Quia enim peccare faciebat homines, ex prima illa inobedientia, ipse fuit qui mortem condidit. Paulo aliter Theophilus, Diabolus uidens non solum Adamum, & Euam uitæ frui uerum, & liberos procreare, quos cum non posset perimere, inuidia stimulatus, instigauit Cain, ut fratrem suum Abel, qui gratus, & acceptus erat domino, crudeliter enecaret. Hoc pacto diabolus principium, & origo fuit mortis. Nisi malumus suspicari explanationem, Quod interpretatur initium mortis, totam ex orâ irrepsisse.

69 EX ORE TVO CONDEMNARIS] En cur disputatio à sancto viro instituta. Ad reuincendum scilicet inimicum propria confessione, & confirmandas in fide mulieres, quemadmodum diximus. Hoc est quod D. Thomas inquit, licere aliquid inquirere à demone sponte occurrente, propter utilitatem aliorum, maxime quando diuina uirtute potest compelli ad uera dicenda.

70 QVIA DOCET LEX ET IUBET ETC.] Hæcenus demon coactus uerum respondit interroganti episcopo. Nunc ad ingenium & calumnias redit. Furtum, quod est, dolo malo rei alienæ contrectatio (ut Iurisperiti definiunt) Narcisso obiecit. Sed Narcissus crimen in auctorem re-torquet. Et se rem furto prius ablatam repetere ostendit. Quam conditionem furtiuam appellant.

71 EFFRACTOR ET FVR] Effractores sunt, qui fores & parietes furandi causa ui effringunt. Qua ratione diabolus fur dicatur, & quomodo domos nostras perfodiat, pulchre explicat Chrysostomus. Ipse enim furatur uestimenta iustitiarum, aurum intellectus, diuinorum eloquiorum argentum, linteamina gratiarum, ceterasque spirituales diuitias, dormientibus nobis.

A B

AB INITIO DAMNATE] Verè, nam ille homicida erat ab initio, & in ueritate non stetit: Cum ergo ab initio peccauerit, & pœna peccatum mox sequuta sit, utique ab initio damnatus est. Initium uerò (ut Augustinus admonet) non ad principium creationis, sed ad principium peccati referendum est.

73
Ioan. 3.

IN VETERATE] Ita bis in Apocalypsi, Serpens antiquus, qui uocatur diabolus, & Sathanas.

De ciu. lib.
11. c. 15.

73
Apo. 12. 20

ET ME ERGO CREATORI MEO RESTITUE] Non hæc eo accipienda, quod daemones restitutionem petant aut sperent, nam uermis eorum non morietur, & ignis eorum non extinguetur, quod ipsi optime norunt: Ideoque proditum est, S. Bernardo daemonicam exorcisanti, & à damone querenti num in gloriam redire, & in pristinum gradum restitui uellet, demonem effuso cachinno respondisse, Hoc tardum est. Verum hic calumniator episcopi verba, quibus se creatori creaturam restitutum professus fuerat, per irrisionem cauillatur.

74
Is. 66.

Ex Vil-
mo Abb. in
uita S. Ber-
nar.

TV IPSE EX ORE TVO ET C.] In priori daem- nis confessione hominum nulla fit mentio, sed verba sic habent, Non pro suis peccatis passus est, sed pro alienis. Itaque aut ibi uox hominum excidit, aut Narcissus pro alienis strictè & eo sensu, quem rei ueritas requirit, accipit.

75

IMPIETATIBVS] Grauiori uerbo daemones, qui scientes uolentes, quam homines, qui decepti descuerunt, notare uoluit. Peccatum enim est quiduis in quaque re à recta ratione aberrat: impietas non nisi in Deum, & in parentes, aut qui parentum loco.

76

FAC PIETATEM] Fit tandem supplex, Cyprianus, Hi tamen adiurati per Deum uerum à nobis, statim cedunt, & fatentur, & de obsessis corporibus exire coguntur. Videas illos nostra uoce, & oratione occultè flagellis cadi, igni torrerì, incremento pœnæ propagantis extendi, ciulare, gemere, deprecari: unde ueniant, & quando discedant, ipsis etiam, qui se colunt audientibus, confiteri: Et uel exiliunt statim, uel euanescent gradatim, prout fides patientis adiuuat, aut gratia curantis aspirat.

77
De Idol.
uan.

DA MIHI VEL VNAM ANIMAM IN POSTESTATEM] Animæ nomine corpus animatum, hoc est animal, intelligo. Nam animam pro corpore etiam probati auctores dixere. Exemplum habes ex Virgilio apud Nonium. Cur

78

H 2 damo-

CONVERSIO S. AFRÆ

dæmones ab energumenis depellendi, corpora tum hominum, tum animalium reliquorum ingredi expetant, uariæ causæ afferri possunt. Nobis in uniuersum satis sit incredibilem malitiam, & perpetuum nocendi desiderium eius rei causam statuere. Experimentum certè exorcistæ quotidie capiunt. Apud Gregorium Magnum de uirgine sanctimoniali legimus, quæ dæmonem, obsidentē uillicum, his uerbis aggressa est, Exi ab eo miser, exi ab eo miser. Ad cuius uocem mox per os uexati diabolus respondit, dicens: Et si de isto exeo, in quem intrabo? Casu autem iuxta porcus paruulus pascebatur, tunc sanctimonialis fæmina præcepit dicens: Exi ab eo, & in hunc porcum ingredere. Qui itatim de homine exiuit, porcum quem iulus fuerat, inuasit, occidit, & recessit. Et ne longius abeamus, ex euangelio exemplum suppetit, Dæmones autem rogabant eum, dicentes: Si eijs nos hinc, mitte nos in gregem porcorum.

Dial. lib. 3
cap. 21.

Mat. 8.
Mar. 5.
Luc. 8.

79 INTERFICIAM EAM, ET LUCRABOR ANIMAM IPSIVS] *Interficiam animal, quod mihi dederis, & lucro deputabo animam, siue uitam, quam ei auferam. Anima enim uitam sæpe significat. Sic accipit D. Augustinus illud ex genesi, Non feriamus eum in anima: Hoc loco nomine animæ uitam corporis animati significat, per efficientem id quod efficitur. Secundum hoc uideri potest etiam ad diabolum dictum esse de Iob, Animam eius ne tangas, id est, ne occidas eum. Quod uerò exitium interminatur dæmon, pertinet ad peruersitatem, quam antea indicauius. Ita in euangelio, exeuntes abierunt in porcos. Et ecce magno impetu abiit totus grex per præceptum in mare: & mortui sunt in aquis.*

Locus. de
gen. lib. 1.

80 DIC MIHI ANTE DEVM TVVM] *Ante Deum dicere, est Deum testem dictis adhibere, & tamquam Deo præsentem loqui.*

81 ANIMAM INTRA CORPVS INCLVSAM, MANDVCANTIS ETC.] *Circumscriptione multorum verborum animal exprimitur. Nam quod ait, Animam intra corpus inclusam, Aristoteles definit, Animal corpus animatum est. Quod subiungit, Manducantis & bibentis, certum est utique animal absque nutrimento non subsistere. Dormien-*

De An. lib.
3. tex. 63.

mientis & iterum uigilantis, *Aristoteles etiam docet, omnia De som. & animalia somno communicare, quæcumque autem dormiant, uig. cap. 1. uigilare quoque, cum somnus uigiliæ sit quedam priuatio.*

SI POTES NOBISCVM MANERE, MANE] 82
Hæc non ideo ab episcopo dicta, quod liberam manendi electionem demoni relinquere, sed quod imbecillitatem illi exprobrare, & mulieribus ostendere uoluerit. Sic Hilarion apud Hieronymum demoni respondit, Si Deus meus tibi concedit ut maneas *In uita Hilar. lar.* mane. Sin autem ille te eijcit, quid mihi inuidiam facis, homini peccatori atque mendico.

SI NON EXPANDIS MANVS TVAS ETC.] 83
Audientium utilitati consulitur, & intense orationis efficacia, demonstratur, Quæ ieiunio coniuncta, uti Narcissus coniunxit, mirum quam validè demones expugnet, ipsius domini nostri Iesu Christi testimonio, de lunatico assueuerantis. Hoc autem genus non eijcitur, nisi per orationem & ieiunium. Vbi Chrysostomus Iesum vniuersum demonum genus, non lunaticorum solummodo intellexisse ait. At quod demon præter orationem, se manus expansas episcopi non laturum ostendit, in mentem renocat Exodi verba, Cumque leuasset Moyses manus, uincebat Israel: sin autem paululum remisisset, superabat Amalec. *Mat. 17. Chrysost. hom. 58. Ex. 17.*

IPSE AVTEM CVM FELICE DIACONO 84
SVO NON REFECIT SE ETC.] *Aptè dixit Leo pontifex, Semper uirtuti cibus ieiunium fuit. Et Cyprianus, siue quis alius de cardinalibus operibus Christi ad Cornelium Papam scripsit, Quotquot uiros uirtutum uidimus, siue ieiunio non legimus ascendisse: nec aliquid magnum moliti sunt, nisi prius abstinentia præcessisset. Quoties aliquid à Deo obtinere conati sunt, ieiunijs incubuere, & lacrymis, & pernoctantes in orationibus, cilicijs carni hærentibus, supplices beneficia postularunt. Nec defuit prouentus, ubi ad pedes Dei sacrificium contriti cordis offerens, se prostrauit humilitas: sed prope fuit inuocantibus se Deus, & porrexit manum naufragis, & subuenit afflictis. Atque Athanasius ad euangelij verba quæ paulo ante produximus, Quisquis igitur ab immundo spiritu uexatur, certum habere debet, hoc pharmaco, ieiunio inquam, statim* *S. Leo Ser. 2. de ieiun. 10. mens. De ieiun. & tent. De Virg.*

CONVERSIO S. AFRAE

statim spiritus malos afflictos abscedere, uim ieiunij metuentes. Valde enim daemones oblectantur crapula. *Paucis interiectis*, Ieiunium enim angelorum cibus est, & qui eo utitur ordinis angelici censendus est. *Sed nimius sim si ieiunij laudes ex sanctis patribus uelim pertexere: Sunt enim creberrimi in hoc argumento.*

85 *DA MIHI ANIMAM ETC.]* Commoda explanatione hæc accipe. Non putandum est daemonem expectasse, ut illi episcopus hominem quempiam addiceret, cuius corpus occidere animam aternis tormentis cruciari posset. Non ita consueuere uiri sancti. Quamuis enim nonnunquam tradiderint homines Sathanae in interitum carnis, id tamen factum est (ut Paulus de fornicatore Corinthio loquitur) Ut spiritus saluus sit in die domini nostri Iesu Christi. Hic ergo sensus uidetur: Da mihi promissum animal, cuius corpus interficiam, & cui animam, siue spiritum (quod in idem recidit) auferam. Sin daemonem humanam animam intellexisse omnino uolumus, non magnopere eius admiranda uidebitur impudentia, qui etiam Christo præcipitium, & quod tetrius est, adorationem sui suadere ausus.

1. Cor. 5.

86 *ET TV IVRA MIHI ETC.]* Daemones hodie quoque ad iusiurandum in nomine Dei, solent ab exorcistis adigi. Quod est uidere apud energumenos. Et extant ei rei præscriptæ formulæ, Quibus item ut hic, pœnâ perfidis inferenda exprimitur.

Val. Poli-

87 *IVBEAT TE DEVS IRE IN ABYSSVM]* Quantopere daemones infernum timeant, discimus ex euangelio, Rogauerunt illum ne imperaret illis, ut in abyssum irent.

dori.

Luc. 8.

Quamuis enim constat eorum pœnam statim à damnatione initium sumpsisse, damnationem autem peccatum mox sequutam esse, uti diximus, id tamen non impedit, quin tormenta, quæ nunc sustinent adhuc augeri possint. Nam locus pœnalis illis uel aer caliginosus est, uel infernus. Hic ratione culpæ, ille ad exercitium hominum. Et cum hominum exercitium usque ad diem iudicii sit duraturum, eoque nonnulli daemonum hunc aerem incolent. Licet aliqui etiam nunc in inferno sint, ad torquendum eos, quos in peccata induxere, secundum quod inter se habent deputata maledictionis officia, inquit S. Bonauentura. Sed in iudicio omnes ad dicentur inferno, idque erit pœnarum complementum. Interim mitius agi credendum est cum his, qui in aere uersantur, quantum

De loco ui
de S. Th.
par. 1. 9.

64. arti. 4.

tum ad accidentalia quædam supplicia. Vnde uidetur quod cupiant extra infernum consistere, non solum ut hominibus noceant, sed item ut per hoc eorum releuetur tormentum. Eaque de causa fere omnes exorcismi comminatione inferni concluduntur. Nomen *Abyssi* græcis aquam significat immensæ altitudinis. Sive ut *Augustinus* explicat, *Abyssus* est aquarum inæstimabilis profunditas. Quo sensu sæpe in sacris litteris usurpatur, *Tenebræ* erant super faciem *abyssi*. Et alibi. Præterea adiectiuè significat profundus, in immensum patens. Vnde *Augustinus* alio loco, *Abyssus* est profunditas quædam impenetrabilis, in comprehensibilis, Et post pauca, Quodam loco dictum est, *Iudicia tua abyssus multa*, hoc uolens scriptura commendare, quia iudicia Dei non comprehenduntur. Quoniam autem ut *Isaias* loquitur, Dilatauit infernus animam suam, & aperuit os suum absque ullo termino, Rursus, Præparata est enim ab heri *Tophet*, à Rege præparata, profunda & dilatata, Ideo *Abyssi* nomine infernus designatur à *S. Luca* in euangelio, & sæpius à *Ioanne* in *Apocalypsi*.

Verba ex
Dion. Car-
th. in ser.
sent. d. 6.
q. 3.

Cōr. 1. Fau-
stus. li. 22
Gen. 1.

In Ps. 41.

Is. cap. 5.

Is. ca. 30.

Aboc. 9.

bis. 17. bis.

20.

SI NON] Oratio est abrupta. Subauditur, Si quod iuro non præstitero: Si iuramento non satisfecero: Aut aliquid simile. Quod si uerba paululum transponantur, sensus efficietur dilucidior. Per ipsum qui nos cum principe nostro iungit, iuro, quia statim interficiam eum, quem mihi dederis in potestatem. Si non: me iubeat ire in abyssum.

VADE IUXTA FLUMEN FONTIS ALPIVM] An legendam Iuxta fontem fluminis. *Alpes* *Julie*, à *Iulio* nomen sortita, triplices sunt, ex *Simlero*, qui diligentissimè de *alpi*bus disseruit. Vna apud *Taurinos*: Altera in *Rætia*: Tertia apud *Venetos*: Quamuis *Simlerus* postremis *Venetis* *Iulium* nomen propriè conuenire existimat. De quibus *Narcisso* sermo fuit dubitare licet. Me certè coniectura ad *Réticas* trahunt. Quæ à *Septimo* usque ad *Braulium* montem late patent, & in quibus *Oenus* fluuius oritur. Hæ etenim reliquis propinquiores: neque absurdum est fluminis, uel fontis nomine *Oenum* designari. Aut si *Réticas* *alpes* usque ad *Lyci* fontem extendi placet, nihil displicebit eum ipsum hîc intelligi. Proditum est *D. Magnum* *CCCC.* post annis. *Arbore felice* (ubi in *SS. Columbani*

In cōmeat.
de Alpib.

In uita S.
Magni.

CONVERSIO S. AFRAE

lumbani & Galli contubernio uixerat) ad alpes in quibus Narcissi iussu Draco occisus, profectum, priusquam Abusiaci in alpium faucibus monasterium conderet. Iam profecto multo probabilius de Reticis, quam de Taurinis, aut Ventis accipitur.

90 DRACO INHABITAT] Cum in Draconum historia multa fabulosa sibi indulserit antiquitas, rectè sit quod homines cordati, omnibus rumoribus, qui de illis feruntur, temerè, atque indiscriminatim fidem non adhibent. Verum si quæ narrationes grauibz auctoribus nituntur, & pleraque ad conciliandam ueri speciem indicia concurrunt, obfirmatis in contrarium præiudicijs tantum tribuendum non est, ut quod ipsi nunquam conspeximus, & quod raro, neque nostra ætate, præterque consuetum rerum cursum accidit, fieri non potuisse existimemus. Multa enim in omni historia huius generis existunt, quæ nisi præfractè ineptire malumus, nobis necessario persuaderi patiamur. Id præfatum uolui.

Draconum nomen uarie accipitur. Complectitur aliquando omnes omnium serpentum species. Aliquando sacros tantum, & hos uniuersos. Nonnumquam inter sacros, cures illos solummodo, qui Aesculapio alebantur. Interdum proprium quoddam, & valde discretum à reliquis serpentibus genus. In quo describendo auctores non consentiunt: At consentiunt in Africa, & India spectari potissimum, Multasque eius differentias produnt. Ut sint alij montani, palustres alij: Pedibus incedant quidam, nonnulli serpant absque pedibus: Alati sint quidam, alii quidam careant: Nec non magnitudine, colore, crista, hiatu oris inter se differant. Atque de his nuge plurimæ confectæ sunt. Postremo Dracones etiam appellantur serpentes quilibet, immani, vastaque magnitudine præditi. Qua notione Draconis nomen hîc intelligo. Neque peregrinum aliquod monstrum, quod alpes obsederit animo concipio, Sed simpliciter existimo serpentem fuisse inusitata corporis mole, qui maximam circumquaque vastitatem faceret.

Id neque incredibile, neque admirandum adeo uideri debet, si ea, quæ alijs locis, & temporibus contingere conferamus. Nam ut non persequar quidquid ex serpentum genere ubiuis terrarum imensum extitit, ne in fabulas, quas fugio incidam: Sanè fidem aliquam meretur, quod Tubero in noctibus Atticis narrat, Bel-

lo

In primo Punico, Attilium Regulum consulem, in Africa *Lil. 6.c. 3.*
 castris apud Bagradam flumen positus, praelium grande, at-
 que acre fecisse, aduersus unum serpentem in illis locis sta-
 bulantem, inusitatae immanitatis: eumque magna totius
 exercitus conflictatione, ballistis, atque catapultis diu op-
 pugnatum: eiusque interfecti longum corium pedes *l.* &
XX. Romam misisse. *Quae auctoritate Val. Maximi, Liuij, Flo- Val. lib. 1.*
ri, Siliij Italici, Orosii, Plinij, Arnobij, Senecae firmantur. Adijcit cap. 8. Lin.
Plinius, pellem eius, maxillasque usque ad bellum Numantinum Flor. li. 2.c.
Romae in templo durauisse. Sed si cui haec in Africa, monstro- 2. Sol. lib. 6.
rum altrice, uerisimilia videntur, in alpibus Iulij non item: Is sal- Oros. li. 4.c.
tem Italiam alius à nobis caeli non constituet. At Romae in Italia, 8. Plin. lib.
spectatus est sub Augusto pro comitio, anguis l. cubitorum. Pe- 8.c. 14. Ar-
regrè scilicet aduectus. Videamus in Italia natos. Plinius cum nob. lib. 7.
ex Megasthene de Indicis, ex Metrodoro de Ponticis serpentibus Sen. pist. ul-
mira rettulisset, subiungit, Faciunt his fidem in Italia appel- ti. li. 11.
late bog: in tantam magnitudinem exeuntes, ut diuo Clau- Suet. i. Oct.
 dio principe, occisæ in Vaticano solidus in aluo spectatus *c. 43.*
 sit infans. Neque displicet Albertus Magnus, qui Reguli ser- *De an. ma.*
 pentem Boam fuisse conijcit. Audienim de immani bellua So- *lib. 25.*
 linum. Calabria chelydri frequentissima est, & Boam gi- *Sol. c. 8.*
 gnit: quem anguem ad immensam molem ferunt conuale-
 scere. Captat primo greges bubulos: & quæ plurimo la-
 cte rigua bos est, eius se uberibus innectit, suctuque con-
 tinuo saginata, longo seculo ita fellebri satietate ultimo
 extuberatur, ut obfistere magnitudini eius nulla uis queat:
 postremo depopulatis animantibus, regiones, quas obse-
 federit ad uastitatem cogit. Addit de infante eadem quæ Pli-
 nius. Neque uanus credendus Plinius, in re, quæ sua ætate Romæ
 omnium oculis patuit. Quin de ipsis alpibus idoneus auctor Gesue *Hist. anim.*
 rus erit. Hic certum esse ait, in Helueticis montibus maximos à *lib. 5. de ser-*
 venatoribus serpentes conspici, de quibus mira referant legati, *pt. in gen.*
 qui Badenam ad comitia conueniunt. Apud Stumfium duas eius
 generis historias legere memini. Vtroque loco Draconis nomine *Chron. lib.*
 utitur. Neque uenatorum fidem, sed certos annales sequi profi- *7.c. 2. & 7.*
 tetur: Et triginta annis antequam scriberet (elapsi sunt anni
 non toti *l.* ex quo scripsit) plures horrendas ex serpentum
 specie belluas in alpibus extitisse ait. Quod hisce temporibus mi-

CONVERSIO S. AFRAE

nus conspiciantur, frequentiam hominum in causa esse: quae ualde aucta, omnia alpinum loca assiduo cultu repurgari, & ad frugem redigi. Rationes quoque probabiles adhibet. Etiam si (inquit) alpes perpetuis niuib. humectentur, habent tamen in multis locis saxa, & specus solis splendori in meridiem obuersas: in quibus caernis, solis calori expositis, pleraque Draconum sunt domicilia, qui apricatione sepius calefcere consueuerunt. Atque ut Stumpfii ductoritas in rerum gestarum narratione aliquando dubia sit (nam de pietate minus rectè sensit) tamen non sit uerisimile, hominem in his regionibus ortum, in descriptione rerum naturalium mentiri uoluisse, cum praesertim ad populares suos scriberet, quos mendacio fallere non posset. Idem de Gesnero dictum sit. Coronidis vicem explebit narratio, quam à uiro amico, cui ista legenda tradideram, his ipsis uerbis accepi. In arce Ulmerfelden, quae Frisingensis episcopi est, in Austria sita, superiori etate saepe uisus est immensa magnitudine serpens, pondere uerò, ut captiuum, in turris inferiorem partem, ubi ille stabulari solebat, coniectum, supernè incumbens, & in spiras conuolutus, ualde premeret, alioqui innoxius. Stolidum vulgus gaudebat illo hospite, & fausta sibi ab eo omnia pollicebatur. Porro iam plures sunt anni ex quo uideri desiit. Fama uerò haec constantissima est. Et mihi de eo multa narrauit probatae fidei, quantum ego quidem indicare potui, senex, qui sibi uisum aiebat, quales etiam plures arbitror superesse testes.

Diod. Sic.
lib. 3.

Quod maximi quique serpentes ad aquas habitant, Ut hic noster, & ille ad Bagradam, item insignis alter, Ptolomæo secundo Rege Alexandriam captiuus adductus, nequaquam siti causa tribuenda est: Cum probati auctores scriptum reliquerint, exiguum illis bibendi desiderium esse, & absque potu uiuere posse, immo nullum omnino uenenatum animal fame, aut siti interire: sed potius exhalationibus aqueis, quae reflexione solarium radiorum magis magisque corruptæ, aerem ita inficiunt, ut ex putredine huius generis monstra oriantur, & in immensum excrescant.

91 DE FLATU EIVS] Creditur certos serpentes aerem circumfusus adeo uenenare, ut uel halitu, uel visu, uel sibilo occidant. Estque, ea fama in primis basilisci, aut Reguli, Orosius serpentem ad Bagradam quoque habitu pestifero multos exanimasse

masse scribit. De nostro, aut idem uerum sit: aut flatum (quo propendeo) accipiemus pro illo anhelitu, qui mordendo redditur. Sic Virgilius — uenenum Moribus inspirant — Nisi ^{Geor. 4.} malum celeritatem, & acrimoniam ueneni hac ratione designari. Moyses cum enumeraret beneficia Dei erga Iudaeos, inquit, Ductor tuus fuit in solitudine magna, atque terribili, in qua erat serpens flatu adurens, & scorpio, ac dipsas. ^{Deut. 8.} At ubi historia narratur, plagarum fit mentio, quas mors consequuta, de flatu nullum uerbum. Misit dominus in populum ^{Num. 21.} ignitos serpentes, ad quorum plagas, & mortes plurimorum &c. Vbi Lirani ostendit, aliquos in ea esse sententia, serpentes ignitos dici, quod eorum morsu caro calefieret, ac si ignesceret.

IN TVAM POTESTATEM REDIGE ANI- ⁹²
MAM EIVS] Quis horum uerborum sensus, antea aperui. Irridere autem uidetur episcopus, quoniam sibi demon fere hac ipsa formula cauerat. Porro multa sunt immensa Dei bonitatis indicia, quae cum alibi, tum hic obseruamus. Maxima illa, Quod nulla est tam perditam, cuiusquam peruersitas, quin Deus aliquid boni ex ea ipsa eliciat: Quod daemones uiris sanctis subiecti, instrumenti loco seruiunt, aliquando errore ducti, aliquando coacti, hic utrumque concurret: Quod per uiros sanctos, illis quorum animos ad uirtutem instruunt, saepe etiam externa bona, quae ad corporis usus, & uitam commodè transmittendam spectant, conferuntur. Narcissum cum per alpes euangelium praedicaret, credibile est de Dracone inauduisse, eum ergo, occasionem nactus, sublatum uoluit.

O EPISCOPVM MENDACEM] Mendacium ⁹³ Augustinus definit, Ille mentitur, qui aliud habet in animo, & aliud uerbis, uel quibuscumque significationibus enuntiat. ^{De mend. ad Cōsens.} Quod à Narcisso nequaquam factum est. Sed demon, qui episcopum calumniatur, ipse semet in laqueos induit. Id enim, dum sanctos astu circumuenire nititur, illi crebro accidit, ex quo semel a sancto sanctorum proprio gladio ingulatus est. Verba sunt Ioan. Chrysostomi. Tu uero mihi considera ubique, ^{Hom. 4. ad Ant.} quomodo diabolus per quae Dei seruos impugnat, per haec propria uim destruit, non uolens quidem, sed Dei sapientia, & prouidentia, illius armis, & artibus in ipsius caput utente.

I 2 A M I-

CONVERSIO S. AFRAE

94 **AMICUM MEUM]** Notum est serpentes pro dijs cultos à gentilibus. Quos penes omne sacrum est quidquid formido tremendum suaserit — *Vt Prudentius ait. Habetur eius generis narratio in sacris litteris, de Dracone à Babylo- nijs culto, per Daniele disrupto. Certum est præterea (quod monuimus) sacros serpentes peculiari significatione Dracones dictos. Vnde Seruius. Angues aquarum sunt, serpentes terrarum, dracones templorum. Leuiter ergo suspicari possumus, hunc in Iulij alpibus à rudibus populis pro Deo habitum. Et eam causam esse cur demon Amicum dicat. Quod si hæc causa non est (neque enim contendo) sunt pleraque alia inter demones, & serpentes symbola, à primo illo Eue deceptore serpente: neque non amicum aliqua ratione demoni esse potest, quidquid inimicum, & noxium hominibus.*

95 **OCCIDIT DRACONEM]** Hæc ministerio demonis, iussu, & imperio Narcissi acta. D. Chrysostomus inquit, Præui, & immundi demones, etsi proposito defecerunt, iugo tamen seruitutis subiacent: atque ut carnifices quidam iubentur mandata perficere. Et miraris Deum præcipere demonijs? Apostoli velut carnifice utuntur demonio: dicit enim Paulus: Quoniam ergo aliqui circa fidem naufragauerunt, hos tradidi Sathanæ, ut discant non blasphemare. Et iterum de quodam qui fuerat fornicatus &c. Visum est duas subiungere historias ex probata fidei auctoribus, de occisis per sanctos viros Draconibus. Prior relata est à S. Hieronymo in uita Hilarionis. Quæ etsi se Hieronymi auctoritate satis tuetur, accedit tamen Gelasii Pontificis testimonium, profitentis uitas patrum, quas Hieronymus conscripsit, cum omni honore ab ecclesia suscipi. Narratio sic habet. Duxerat itaque illum (Hilarionem) ad Epidaurum Dalmatiæ oppidum, ubi paucis diebus in vicino agello mansitans, non potuit abscondi. Siquidem Draco miræ magnitudinis (quos gentili sermone boas uocant, ab eo quod tam grandes sint, ut boves glutire soleant) omnem latè uastabat prouinciã, & non solum armenta, & pecudes, sed agricolas quoque & pastores, tractos ad se ui spiritus absorbebat. Cui cum pyram iussisset præparari, & oratione ad Christum missa, euocato populo, præcepisset struem lignorum scandere, ignem

sup-

supposuit. Tum itaque cuncta spectante plebe, immanem bestiam concremavit. *Altera apud Sozomenum extat. Hac memoria. (Theodosio Imp.) multi multis in locis per orbem terrarum, inter episcopos preclari extiterunt. Ut Donatus Euoreæ Epiri, quem & alia multa mirabilia fecisse testantur indigenæ, & illud maximè quod in Draconis interfectione prestitit, qui in Chamegephyris, quas uocant, ad uiam regiam lustrum habebat, & oues, & capras, & boues, & equos, nec non & homines, & alia raptabat. Neque enim ille uel gladium, uel hastam ferens, vel aliud aliquod telum habens, hanc belluam adortus est. Sed cum illa eum aduentantem sensisset, & caput uelut impetum factura exeruisset, signum crucis aduersus ipsam aeri digito inscripsit, & illi in faciem expuit. Illa sputo in os accepto, statim concidit, ac mortua iacens, amplitudine non minor apparuit ijs serpentibus, qui uisuntur apud Indos. Siquidem, ut ego quidem accepi, octo iugis in proximum campum extractam indigenæ combusserunt, ne putrefacta aerem inquinaret, & morbos pestilentes gigneret. Hic idem Sozomenus etiam à S. Arsacio Draconem disruptum narrat. Sed ego plura non colligo. Et totum de Draconibus sermonem B. Theodoretì uerbis concludo, atque definio, Cum multa alia sciam, quæ possim narrare, ea nolo scribere, ne imbecillioribus eorum multitudo causa sit incredulitatis.*

*Hist. li. 7.
c. 25. Vide
etiam de
Donato.
Nic. li. 12.
c. 45.*

VSQVE IN HODIERNVM DIEM] Hinc quoque apparet historiam in re presenti non esse scriptam. Nisi hæc uerba post modum addita dicamus.

*Hist. ss.
Patr. lac.
Pest. 96*

PER DIES AVTEM PLVRIMOS DOCVIT ETC.] Per dies septem ante baptismum; dixit enim, octaua autem die purificabimini. Sed post baptismum per multos adhuc dies uerbum Dei neophytis prædicauit.

CVM GENERATIONE SVA, ET CVM OMNIBVS AMICIS SVIS] Horum nomina interiere; præterquam Afri, qui patruus Afræ, & Dionisii, qui auunculus. Eadē quidem die qua Hilaria, & puellæ, affecti sunt martyrio cum uiri tum mulieres XXV. sed an ex Afræ generatione, & amicis fuerint, non liquet.

Porro neque illud prætereundum, conuersionem S. Afræ ab ecclesia

CONVERSIO S. AFRAE

clesia Augustana celebrari VII. Cal. Nouembr.

99 FECITQUE DOMVM HILARIAE ECCLESIAM] Cum persecutionum temporibus Christianis publicæ ecclesiæ non permitterentur, Assignabantur à pijs hominibus sacris usibus domus priuatæ, siue integræ, siue partes earum præcipuæ. De hac ipsa Diocletiani persecutione, S. Augustinus contra Donatistas, Nam & domum priuatam Christianis congregandis præstitam constitit tempore persecutionis, sicut in quibusdam gestis martyrum loquebatur. Et multo uetustior Pius I. Pontifex ad Iustum episcopum, Antequam Roma exijsses, soror nostra Euprepia, sicut bene recordaris, titulum domus suæ pauperibus assignauit, ubi nunc cum pauperibus nostris, commorantes, missas agimus. Quin diligentes rerum ecclesiasticarum obseruatores, huius instituti principium ab Apostolicis temporibus usque repetunt. Quid enim nisi ecclesia canaculum illud, in quod conuenerunt post ascensionem Christi XI. discipuli, perseuerantes unanimiter in oratione, & obsecratione, cum mulieribus, & Maria matre Iesu, & fratribus eius. Quo urbis loco Hilariæ domus steterit, me in tanta antiquitate nescire profiteor. Quæ obtineat opinio iam indicauit. Ea quamquam certis testibus destituta, ueram tamen esse nihil impedit. Ut neque illud abiudico, Narcissum ecclesiam SS. Philip-po, & Iacobo dicasse, quæ postea S. Martini nomen acceperit. Antiquiorem aliam Augustæ ecclesiam fuisse, constanti maiorum fama proditum, & illis quæ de Lucio scripsimus consentiens est. Hæc multis post annis S. Gallo sacra, proximè instaurata, inscriptionem habet huiuscemodi,

*Breui. col
lat. 3. diei.*

Ad. I.

CHRI-

CVM COMMENT. M. VELSERI. 36

CHRISTO. DEO. OMN. SAECVL.
SACRAM. AEDICVLAM.
QVAE. ANTE. ANNOS. AMPL. MCCC.
PRIMA. IN. H. VRBE.
CHRISTIANO. CVLTVI. DICATA. CREDITVR.
QVAM. AN. CHR. MLI. RESTITVTAM.
LEO. IX. PONT. MAX.
DEO. OPT. MAX. ET. S. GALLO. ABBATI.
SAGRAVIT.
VETVSTATE. ITERVM. COLLABENTEM.
ET. AD. PROPH. VSVS. DVDVM. REDACTAM.
INSTAVRANDAM. C.
EVPHROSYNA. A. KREYT. COLLEGII. NOBILIVM.
VIRGINVM. AD. D. STEPH. ABBATISSA.
ANNO. P. CHR. N. MDLXXXIX.

ORDINAVIT EIS PRESBYTERVM DIO- 100
NYSIVM] *Sunt qui tradant Dionysium primum Augu- Bruschius
stia a Narcisso constitutum episcopum: Eumque Sozimum ante de episc.
baptismum dictum fuisse. Vtraque in re mihi falli videntur. Aug. & a-
ly.*
*Cauerunt Apostoli, Episcopus a duobus, aut tribus episco- Can. 1.
pis ordinetur. Id latius habetur apud Clementem Rom. Ego Apost. Con
Simon Cananeus, constituo à quot episcopis debeat ordi- Hist. li. 8. c.
nari episcopus, scilicet à duobus, aut tribus episcopis. 27.*
Sin uero aliquis ab uno episcopo ordinatus fuerit, tum is
qui ordinatus est, tum is qui ordinavit, deponatur. Quod
si necessitas coegerit ab uno ordinari, quod propter perse-
cutionem, aut aliam causam, plures adesse non possint, af-
feratur decretum commissionis plurium episcoporum.
Confirmarunt postea Anacletus, & Anicetus Pontifices, ut
*nullatenus minus quam à tribus. Immo Damascus (qui ta- Dist. 68.
men post hæc tēpora uixit) ait episcopos non esse, qui minus quā Chor. epi-
à tribus ordinati sint: Prohibitum enim esse a Sanctis Patribus, scopi.*
ut qui ab uno, uel à duobus sunt ordinati episcopi, non nominen-
tur episcopi. Quæ Narcissus nec ignorare, nec negligere potuit.
Quod si exceptionem persecutionis ex Clemente producimus, de-
cretum plurium episcoporum ostendendum erit, cuius nullum ue-
stigium. Sed multo me magis mouet, quod Dionysius hic diser-
tis

CONVERSIO S. AFRÆ

tis uerbis presbyter à Narcisso episcopo ordinatus fuisse dicitur. Neque est cur presbyteri nomine episcopum intelligamus, quod apostolus Paulus nonnunquam ita loquatur, & quod Dionysius Areopagita Athenarum episcopus, Timotheum Ephesinum episcopum compresbyterum compellet; multo enim ante Narcissum nostrum hæc loquendi ratio obsoleuit, quæ in prima solum ecclesia locum inuenit, quantum obseruare potui. Simpliciter ergo, à Narcisso Dionysius presbyter ordinatus. Non tamen negauerim, eundem postea canonicè in episcopum promotum. Nam ecclesiæ Augustanæ traditio, quæ illum episcopi nomine ueneratur, nequaquam eleuanda est. An primus in ea sede sederit, non puto constare; Verum primus dicitur, quod nullius anterioris memoria supersit. Certè Narcissi temporibus proprium Augustæ episcopum non fuisse colligimus: siue quod cathedra ob persecutionem uacaret, siue quauis alia de causa: Nam per Anacleti constitutionem presbyter a proprio episcopo ordinandus fuisset.

De Sozimo, siue Sosimo, siue Zosimo, siue Zoximo (unum idem nomen uariè scribitur) in Dionysium mutato, coniecturis non facile sum aliquid concessurus, nisi testes uidero. Non sum nescius barbariem, aut impietatem nominum quandoque in baptismo correctam. Exemplum, præter alia, apud Eusebium, quinque Aegyptiorum martyrum, qui pro nominibus idolorum à parentibus impositis, ascuerunt nomina prophetarum Eliæ, Hieremiæ, Esaïæ, Samuelis, & Danielis: Sed Sozimian, cuius nomen tum aptam interpretationem haberet, tum apud Christianos usitatum esset, nihil tale impellere potuit. Ζωσιμος græcis uitalis est: Et plerique viri sancti huius nominis extitere. In primis ille quem D. Polycarpus imitandum proponit, beatissimis Ignatio, & Rufo coniungens, Quique ex ijs discipulis fuit per quos primitiua ecclesia in Iudæis, & Græcis fundata est. Quare ergo mutandum suasisset Narcissus? Aut quid est cur Afræ, Hilariæ, & reliquarum nomina non mutauerit, Sozimi mutauerit? Ego sic sentio, si Sozimus aliquis Augustæ episcopus fuit, uel circa hæc tempora, uel multis post seculis, sub Francorum Regibus, ut nonnulli scripserunt, eum omnino diuersum a Dionysio fuisse, neque causam esse cur confundamus. Antoninus in chronico de nomine mutato nihil prodidit, Vtroque tamen, Dionysii, & Sozimi promiscuè utitur, quod errore factum opinor. Nimis ineptè Romana in-

Lib. 3. c. 21

Ad Philip.
Mar. R 18
Dec.

inscriptio, quæ Sozimi primi meminerit, à quibusdam profertur hoc loco.

IPSE AVTEM] A filo reliquæ historiæ hæc separata sunt, quod alterius auctoris, & ætatis videantur. Neque tamen cuiusquam opinionem præindico. 101

GERUNDAM] Meminit Gerundæ, Ptolemæus in *Authentanis Tarraconensibus*: & Plinius, qui Gerundenses inter *XLIV. Tarraconensis Hispaniæ* populos numerat. Hodie Girona est, quæ episcopatus dignitatem adhuc tuetur. 102
Pl. li. 2. c. 6
Pl. li. 3. c. 3

PER TRES ANNOS] Consentit de tribus annis *Villegasius*. Vidi sancti viri historiam, sed quæ sere ex hac *B. Afræ* conuersione concinnata sit. Nam genuina passionis descriptio dudum periit, uti ex *Berengarii Gerundensis* episcopi litteris constat. Quas ante annos amplius quingentos perscriptas, integras huc inseram, Cum antiquitatis studio, tum ne memoria legationis, cuius in ijs mentio fit, & quæ cum commendatione præcipue tatis coniuncta est, intercitat. 103

Charissimo patri, domino Sighardo Abbati, & vniuersæ *S. Vdalrici*, & *S. Afræ* martyris congregationi, *Berengarius* sanctæ sedis Gerundensis episcopus, cum omni clero, & fidei populo, perfrui bonis omnibus semper in Christo.

Nouerit, dilectissimi, venerandus uestræ fraternitatis affectus, nos, & uestrum nuntium uidisse, & delegatas nobis a uestra fraternitate litteras pio respectu perlegisse: & uestris precibus (licet id quod nobis post dominum charius est expeteretis) nimia uestri deuictos deuotione, libenter annuisse. Tanta est equidem à Christo commendatæ dilectionis integritas, ut quod sibi quis auidius retinendum elegerit, crimen esse perhorrescat, nisi petenti celeriter obtulerit. Quapropter, charissimi fratres, hinc charitatis iura seruantes, hinc (si dicendum est) præsumptionem facientes, beatitudini uestræ, de sacrosanctis salutis nostræ thesauris, munificum munus dirigimus. Videlicet ex ossibus, & carne, & cruore terra mixtis, ac uestimentis sanctissimi doctoris nostri *Felicis* martyris Christi, scilicet illius, quem ut Apostolum, & prophetam habemus. Nō illius, qui beatissimi *Narcissi* episcopi diaconus est dictus: quoniam ipse translatus à pijsimo Rege Franco-

K rum

CONVERSIO S. AFRAE

rum Carolo, apud Parisiorum ciuitatem honorificè requie
scit. Item de gloriosissimi patris nostri Narcissi, pontifi-
cis, & martyris Christi, uestimento, & stola, cum quibus
conditus est in sepulchro. De corpore autem eius vobis
ideo mittere nequimus, quoniā ita hactenus, Dei gratia
seruatur incorruptum, sicut ea die, qua spiritus eius de hoc
seculo nequā trāsuectus est ad dominum. Mittimus etiam
vobis de ossibus capitis atque manus S. Romani pretiosissi-
mi martyris Christi, socij uidelicet prætaxati Felicis ue-
nerandi martyris Gerundensis, Hispaniæque doctoris. San-
ctarum uero reliquiarum, quas destinamus oculos, adiun-
ctis breuiculis (ne quis inscius error perturbaret) ita si-
gnando distinximus, ut quorum quisque gerat pignora, in
dubitanter notificet ignorantibus. Letamini igitur in do-
mino, dilectissimi, & exultate, & tantorum trium patrum
pignora, sub trinitatis nomine vos promeruisse gaudete.
Et ut parcè eloquamur, si non honorificentius, non tamen
irreligiosius quam à nobis custodiuntur, munera fidei
uestre credita conseruate: quatenus patrocinantibus ip-
sis, quorum pretiosissimum pignus in manibus habetis,
& præsentis uitæ tranquillitate perfrui, & futuræ beatitu-
dinis requiem consequi ualeatis. Passionem præterea
Sancti Felicis uobis transmittimus, in qua natalis eius
diem, Cal. uidelicet Aug. prænotauimus. De gestis au-
tem S. Afræ, nihil amplius quam uos, nos habere cognos-
cite. De S. vero Narcisso, dirigimus quod habemus:
passionis enim illius librum, & obitus sui diem, irruenti-
bus paganis, & ecclesiis nostras uastantibus, ac loca de-
populantibus, irreuerabiliter amissimus. Transitus ue-
ro eius festiuitas à nobis annualiter solenni studio ce-
lebratur *IV. Cal. Nouembr.* Translationis autem *V. Cal. Octobr.* Valete. Et pro nobis omnibus omnipoten-
tem Deum exorate.

*Sacræ reliquie Augustam illatæ sunt Anno Christi
M L XXXVII. XII. Cal. Aug.*

104 MARTIRII PALMAM ETC. *Narcissum martyrio
occubuisse nemo in dubium renocat. At in ratione temporis au-
ctores dissentiunt. Beuterus, quem Vassus sequitur, ait passum
impe-*

imperante Valeriano, Quamquam Vascus monet aliquos de Diocletiano sentire. Ferdinandus Castellius, in historia ordinis prædicatorij, quæ ante non multos annos Hispana, & Itala lingua edita, Decium cum Valeriano coniungit. Villegasius, & priores editiones martyrologij Rom. restituti ad nouam Calendarij rationem, Aureliani persecutionem præferunt. Sed in Plantiniana posteriori editione, monuit Baronius inter errata, Aureliani nomen expungendum: Et rerum gestarum series satis ostendit Diocletianum substituendum esse. Quod etiam confirmant chronica Hispanica, singulari diligentia conscripta, iussu Regis Alfonso Sapientis. Quomodo enim qui Afram Augustæ sub Diocletiano, insituit, postea in Hispaniam profectus occubuit, sub Valeriano, aut Aureliano occidi potuit? Erroris causse existimanda, Velea, quam de S. Felice attigimus, Vt scilicet diuersi Narcissi sub Valeriano, Aureliano, & Diocletiano passi sint, quos posteri, cum obscurior eorum esset memoria, confuderint: Vel nominum similitudo in Impp. Nam IVI. Impp. qui tempore persecutionis Diocletiani extitere, quosque superius enumeravi, ad unum omnes VALENTINI, tres eorum AVRELII, nomen tulere. Et Victor in historia abbreviata (quo nomine Schotti editionem designo) Diocletianum nix aliter quam Valerium appellat: Vel denique præsidis nomen pro Imp. nomine acceptum, quod facile factum, & quod crebro contigisse, mihi credibile. Reperio sub Diocletiano Aurelium præfectum, qui Basilidem, Cyrinum, Naborem, & Nazarium, ob Christianæ fidei confessionem morte affecit; Sed is in Italia ius dixit. In Hispania alium quempiam Aurelium, uel Aurelianum in pios debacchatum, conijcere licet, certo statuere non licet. Et mihi ratio, quam secundo loco posui, potissimum arridet.

S. Narcissi memoria colitur Augustæ, sub titulo Episcopi, & Augustanorum Apostoli IV. Cal. Nouembr. puto ex auctoritate ecclesiæ Gerundensis. In Rom. Martyrologio XV. Cal. Aprilis. Vbi Baronius appositè notauit, mirum non esse si alio die in martyrol. Rom. alio alibi de eodem sancto agatur: si quidem alicubi translatio, uel eius ecclesiæ dedicatio, uel quod de episcopis accidit, ordinatio celebratur.

Refert ibidem, eius tumulum multis miraculis illustrari, quorum illud sit celeberrimum; sub Petro Aragonum Rege, captâ

K 2 Gerun-

Bent. li. 1.
c. 24. Vascus P. An.
260. &
306.
C. astel. lib.
1. c. 1.
In flore
Sanc. Mart.
13. Martij


Mart. 12.
Iunij.

Gerundā per Carolū Siciliæ, & Philippum Francorum Reges,
ex sepulchro S. Narcissi, quod milites uiolare attentarunt, mu-
scarum examen egressum, in exercitum infesto agmine irruens,
ingentem cladem intulit, & in fugam egit, atque ab incapto coe-
git desistere, Anno domini M CCLXXXVI. VIII. Se-
ptemb. Ex quo muscæ S. Narcissi apud eos in prouerbiū abie-
runt. Hæc etiam ex Hispanorum annalibus fidem merentur.

INCI-



IN CIPIT
P A S S I O
S A N C T A E A F R A E²
Martyris.

 ³P V D³ prouinciam Re³tiam,
in ciuitate Augusta, cum
Christianorum esset saeva⁴
persecutio, & omnes pro
Christi nomine varijs sup-
plicijs afflicti ad sacrificia
traherentur, Contigit Afram, quam notam
habebat fama publica, quod esset⁵ lupanaria,⁵
à persecutoribus comprehendi. Quæ cum
fuiſſet⁶ iudici oblata, dum interrogasset iu-⁶
dex, & ⁷cognouiſſet, quæ esset, dixit ei: ⁸Sa-⁷
crifica dijs, quia expedit tibi magis uiuere,
quam⁹ inter tormenta deficere. Afra respon-⁹
dit: ¹⁰Sufficiunt mihi peccata mea, quæ igno-¹⁰
rans Deum, gessi, Hoc autem ¹¹quod me iu-¹¹
bes

¹² bes facere nunquam factura sum. ¹² Gaius iudex dixit; Accedens ad Capitolium sacrifici-
¹³ ca. Afra respondit: ¹³ Capitolium meum
 Christus est, quem habeo ante oculos meos,
¹⁴ ipsi ¹⁴ quotidie crimina mea, & peccata mea
¹⁵ confiteor. Et quia ¹⁵ indigna sum ipsi sacrifi-
¹⁶ cium offerre, ¹⁶ me ipsam pro nomine eius cu-
¹⁷ pio sacrificare, ¹⁷ Ut corpus, in quo peccaui,
 dum pœnas pertulerit, abluatur. Iudex Gaius
¹⁸ dixit: Ut audio meretrix es, Sacrifica, ¹⁸ quia
 aliena es à Deo Christianorum. Afra respon-
¹⁹ dit: Dominus meus Iesus ¹⁹ Christus dixit se
 pro peccatoribus descendisse de cœlo. Nam
²⁰ ²⁰ & euangelia eius testantur, quod meretrix
²¹ rigauerit lacrymis pedes eius, & ²¹ indulgen-
²² tiam acceperit: ²² Et meretrices, & publica-
 nos nunquam despexerit, quos etiam secum
 manducare permisit. Iudex dixit: Sacrifica,
²³ ²³ Ut diligaris ab amatoribus tuis, sicut sem-
 per dilecta eras ab ipsis, ut inferantur tibi pe-
²⁴ cuniæ multæ ab eis. Afra respondit; ²⁴ Pe-
 cunias execrabiles iam nunquam accipiam,
²⁵ Nam & quas habui quasi sordes abieci, ²⁵
²⁶ quia non erant de bona conscientia: Nam ²⁶
 nolentes accipere aliquos fratres meos pau-
 peres, etiam precibus rogaui, ut à me digna-
 rentur accipere, & pro peccatis meis orarent.

Si

Si ergo quæ habui à me abiecti, quomodo potest fieri, ut quæram accipere, quæ etiam quasi sordes abiecti. Iudex Gaius dixit: ²⁷ Iam te ²⁷ Christus dignam non habet, sine causa uis eum Deum tuum dicere, qui te suam esse non cognoscit. Meretrix enim quæ est, dici Christiana non potest. Afra respondit: ²⁸ Christiana ²⁸ ego quidem dici non mereor, nec vocari, Sed misericordia Dei, qui non de merito, sed de sua pietate iudicat, ipsa me ad hoc nomen admisit. Iudex Gaius dixit: Vnde nosti quia te admisit ad hoc nomen? Afra respondit: ²⁹ In hoc ²⁹ me cognosco à facie Dei non esse proiectam, quia ad gloriosam confessionem sui sancti nominis permittor accedere, ³⁰ per quam me credo ³⁰ omnium scelerum meorum indulgentiam accepturam. Iudex dixit: Hoc fabulæ sunt: Magis sacrificia dijs, per quos ³¹ salutem con- ³¹ queris. Afra respondit: ³² Salus mea Chri- ³² stus est, Qui pendens in cruce, latroni confidenti bona paradisi pollicitus est. Iudex Gaius dixit: Porro sacrificia, ne in conspectu amatorum tuorum, ³³ qui tecum turpiter uixe- ³³ runt, ³⁴ cathomis ³⁵ te cædi iubeam, Afra re- ^{34 35} spondit: ³⁶ Confusio mihi nulla est, nisi de pec- ³⁶ catis meis. Iudex dixit: Sacrifica dijs, Quoniàm iniuria mihi est tot horas tecum certare:

³⁷ re: Si uero nolueris, occideris. Afra dixit: ³⁷
 Hoc est quod opto, si tamen merear, ut per
 hanc confessionem digna efficiar requiem in
³⁸ uenire. Iudex Gaius dixit: Sacrifica, Nam ³⁸
 torqueri te faciam, & postea uiuam incendi
³⁹ præcipiam. Afra respondit: ³⁹ Corpus, in quo
 peccaui accipiat diuersa tormenta, nam ani-
 mam meam sacrificijs dæmonum non coin-
⁴⁰ quinabo. Tunc iudex nequissimus ⁴⁰ dictauit
⁴¹ sententiam, dicens: ⁴¹ Afram publicam me-
 retricem, quæ se Christianam professa est, &
⁴² noluit sacrificijs participare, ⁴² uiuam incen-
⁴³ di præcipimus. Statim igitur ⁴³ rapta est à mi-
⁴⁴ ⁴⁵ nistris, & ducta ⁴⁴ in insulam ⁴⁵ Lyci fluminis,
⁴⁶ ⁴⁷ ibique ⁴⁶ eam expoliantes, ⁴⁷ ad stipitem li-
 gauerunt. Atque illa leuans ad cælos oculos
 suos, orauit cum lacrymis, dicens:
⁴⁸ ⁴⁸ Domine Deus omnipotens Iesu Christe,
 Qui non iustos uenisti vocare, sed peccatores
 ad pœnitentiam: Cuius promissio uera, & ma-
⁴⁹ nifesta est, quia dignatus es dicere, ⁴⁹ qua ho-
 ra conuersus fuerit peccator à suis iniquitati-
 bus, eadem hora te non rememoraturum pec-
 catorum eius: Accipe in hac hora passionis mee
 pœnitentiam, Et per hunc ignem temporalem,
 qui corpori meo paratus est ab illo igne eterno
 me libera, qui animam, & corpus simul exurit.

Et

Et ijs dictis expletis, ⁵⁰ circumdata sar-⁵⁰
mentis, igne supposito, vox audita est, dicens:

⁵¹ Gratias tibi ago domine Iesu Christe, qui ⁵¹
me dignatus es hostiam habere pro nomine
tuo, ⁵² qui pro toto mundo solus hostia obla-⁵²
tus es in cruce, ⁵³ iustus pro iniustis, bonus pro ⁵³
malis, benedictus pro maledictis, ⁵⁴ mundus à ⁵⁴
peccato pro peccatoribus vniuersis: Tibi offe-
ro sacrificium meum: Qui cum patre & spiritu
sancto viuis & regnas Deus in ⁵⁵ secula seculo-⁵⁵
rum, Amen. Et hæc dicens ⁵⁶ emisit spiritum. ⁵⁶

PASSIO SANCTARVM

Hilaria, Digna, Eunomia, Eutropia,

⁵⁷ *Et sociorum.* ⁵⁷



VM autem beata Christi mar-
tyr Afra cœli gaudia sic per ⁵⁸ ⁵⁸
martyrij palmam intrasset, ⁵⁹ ⁵⁹
stabant iuxta ripam fluminis Di-
gna, Eunomia, & Eutropia, quæ
fuerunt eius ancillæ, simulq; fuerunt in pecca-
to, & simul à sancto Narcisso episcopo bapti-
zatæ. Quæ ⁶⁰ rogauerunt descendentes de bar-⁶⁰
ca vt se transferrent. Cumque eas transtu-
lissent, ⁶¹ inuenerunt sanctæ Afræ integrum ⁶¹
corpus. Puer autem, qui cum ipsis erat, trans-

L nata-

P A S S I O S. A F R A E.

62 natauit, & nuntiauit matri eius Hilariæ. Et 62
 63 uenit nocte 63 cum sacerdotibus Dei, & tu-
 64 lit corpus eius, & 64 posuit secundo millia-
 65 rio de ciuitate Augusta, 65 in memoriam,
 66 quam sibi, suisque construxerat. 66 Nuntia-
 tum autem est Gaio iudici. Qui misit ad ip-
 67 sam memoriam, dicens: 67 Ite & tenete eas,
 68 & si consenserint ad sacrificandum, 68 cum ho-
 nore eas adducite ad me, ut remunerem illas
 censu dignissimo. Si autem uideritis eas ani-
 69 mo pertinaci obistere, & nulla ratione ad sa-
 70 crificandum præbere consensum, 69 implete
 70 memoriam cremijs, & siccis spinis, & 70 clau-
 dite super eas ipsam memoriam, & ita demum
 71 ignem supponite, ut nulla ex eis euadat. 71 Eun-
 72 tes autem ad eas 72 milites, prius blando ser-
 mone eas prouocabant, post hæc terroribus
 73 impellebant. At 73 ubi uidebant omnes si-
 mul contemnere sacrificia, repleuerunt me-
 moriam sarmentis, & siccis spinis, & clause-
 74 runt super eas, & 74 supposito igne abierunt.
 Sicque factum est, ut 75 eadem die quando se-
 pulta est Afra, simul etiam mater eius Hilaria,
 necnon & famulæ eius secundum carnem, sed
 etiam sorores in Christo, Digna, Eunomia, &
 Eutropia, simul martyrij coronam accipe-
 rent, Et quæ simul unanimes in Christum Ie-
 sum

sum crediderunt, ad eum cum ⁷⁶ palma mar- ⁷⁶
tyrij pariter peruenirent.

⁷⁷ Beatus autem Afer, patruus sanctæ Afræ ⁷⁷
(cuius dies passionis ⁷⁸ pridie quam ipsius ⁷⁸
martyris Afræ colitur) credendus est ad exem-
plum terroris ei alijsque, præpunitus esse. Sed
quo genere martyrij non legitur.

De sancto vero Dionysio ipsius auuncu-
lo, quem nouellæ plantationis fidei beatus
Narcissus ordinavit presbiterum, & ple-
nius instruxit, ⁷⁹ Quamuis specialiter scriptis ⁷⁹
non exprimat, tamen non est dubitandum,
quin ipsius gloriosæ Christi martyris Afræ exe-
quijs, tamquam sacerdos, & pontifex inter-
fuerit, Et pariter cum sorore sua Hilaria, alijs-
que martyribus, per ignem passionis palmam
victoriæ suscepit.

⁸⁰ Ipsa quoque die ⁸¹ apud eandem urbem ^{82 80 81 82}
passi sunt alij xxv. pro nomine Christi capi-
tis obtruncatione. Id est ⁸³ Quiriacus, Largio, ⁸³
Crescentianus, Eutychianus, Charito, Phila-
delphus, Petrus: Et fœminæ istæ, Nimmia, ⁸⁴ Iu- ⁸⁴
liana, Diomeda, Leonide, & Agape: ⁸⁵ Et alij ⁸⁵
xiii. quorum nomina Deus scit, Per bonam
confessionem benedicentes dominum, qui
glorificat suos. Cui est honor & gloria in secu-
lorum, Amen.

L 2 A D



AD PASSIONES
S. AFRAE MARTYRIS,
& SS. Hilariae,
DIGNAE, EVNOMIAE,
Eutropie, & sociorum martyrum,
COMMENTARIIS.



*Not. ad
martyr. S.
Aug.*



FRÆ passionem ex actis publicis
concinnatam esse, res loquitur. Et con-
firmat Cæs. Baronius, cui in dijudican-
dis Christianorum historijs uni omnium
plurimum tribuo. Hic præterea an-
notavit, eam, quæ à Vicelio in Hagiolo-
gio edita, sinceriores videri alterâ,
quam Surius emisit, Puto ob immuta-
tum à Surio stylum, sententia enim est utrobique eadem.
Me quoque exemplaria uetera hac de causâ sequi, semel sum-
professus.

*Dig. quib.
caus. mai.
in int. rest.
l. 33.*

Ad acta quod attinet, Certum est uti Romæ, ita in provincijs
confici consuevisse. Meminit Modestinus scribarum, qui illo mu-
nere apud præsides fungebantur. Ea nomine, & usu publica e-
rant.

rant. Ideo Suetonius in Cæſſ. vitis ſæpe actorum teſtimonio utitur, quod apud alios etiam hitoriarum ſcriptores inuenire eſt. Ex noſtris apud Pontium diaconum in S. Cypriani uita, & ſæpius apud Auguſtinum contra Donatiſtas. Chriſtiani, quod diligentifſimi eſſent in conſeruanda martyrum memoria, exſcribebant inde quæ ad ſuos pertinerent. Habes exemplum in S. Suſanna uita, de Thraſone uiro Chriſtiano, qui occultè aſſidebat in publico, Qui etiam geſta ſanctorum martyrum colligens, ornabat ea. Et iudicialium actorum formas in plerisque martyrum hitorijs agnoſcimus. At uerò, hæc ſiue acta ſiue geſta (utrumque nomen paſſim confunditur, præcipuè ab Auguſtino, & credibile eſt martyrum hitorias ex hac origine geſta dici cepiſſe) ab actuarijs copioſius multo quam hodie extant, ſcripta fuere. Nam actuarij iudicum interrogationes, & reorum conſeſſiones uerbatim excipiebant, cum notis ſcriberent, ut Modèſtinus ait. Neque quiſquam dubitare poteſt, in iudicio, quo Afra, exempli cauſſæ, damnata eſt; plura utrimque prolata fuiſſe, quam paſſio præ ſe ferat, Cum præſertim iudex dicat, Iniuria mihi eſt tot horas tecum certare: Sed Chriſtiani breuitatis ſtudio in compendium cogeant, ſummam ſectantes. Et quantum huius generis hitoriole à legitimis actis differant, argumento eſſe poſſit codex ſatis magnus quæſtionis de S. Sebaſtiano habitæ, quem in monaſterio Caſſinenſi adhuc ſupereſſe, legere memini. Dein neque illud obſcurum, aliqua in iſta paſſione contineri, quæ ex actis non ſint ſumpta. Quomodo enim ſcriba ſeuam perſecutionem, quomodo nequiſſimum iudicem in tabulas rettuliſſet, aut cui ſini orationes ab Afra in rogo poſita prolatas, excepiſſet? Orationes proſecto à Chriſtianis, qui ſupplicio interfuere obſeruata, reliqua illa à ſcriptore paſſionis interiecta ſunt. Ego itaque actis publicis ea ſolum tribuo, quæ à comprehensione Afra, uſque ad prolatam ſententiam in iudicio contigere. In his iſſis, auctorem nulla religione ad ipſiſſima pura puta actorum uerba aſtrictum fuiſſe exiſtimo.

PASSIO] Quidquid patimur paſſio, uel perpeſſio eſt. Vnde animi affectiones, & perturbationes à Philoſophis paſſiones dicte: a medicis animi, & corporis morbi. Sed quoniam omnium patibilium, quæcumque homines ante adeptam immortalitatem, ſufferre poſſunt, mors ſummum, & extremum eſt, Idcirco eccleſia

mar-

Suet. Oſ.
c. 5. Tib. c.
5. Caio. c. 8
Tacit. An.
13. Vopif.
Tacito. &
Probo. Am
mian. libr.
22. Aug. cō
tra Creſc.
lib. 3. c. 29.
in breui.
coll. die 3.
& alibi.

martyrum neces, per durissimos cruciatus procuratas, rectè per excellentiam passionis nuncupavit. Ante omnes sacratissimam Christi mortem, ab euangelistis descriptam, sub hoc nomine neneratur.

² MARTYRIS] Græca vox, testem latinè significat. Et eius proprius apud Christianos usus de his, qui per tormenta examinati, fideles in perhibendo testimonio Iesu Christo persisterent.

Lib. 12. c. 76. Augustinus contra Faustum, Per quorum confessiones, passionis, & mortes hoc Deo placuit attestari, martyres appellantur, qui latinè testes interpretantur.

Tertull. & Cyprianus. Antiquitus martyres dicebantur, qui supplicia perpassi etiam non occubuerant. Postea consuetudo obtinuit, illis solum nomen gloriæ plenum tribuere, qui confessionem morte consignassent. Id interim semper observatum, ut hæretici, quamquam gravissimos cruciatus pro Christi nomine pertulissent, ad hunc honoris gradum non admitterentur. Tales, ait Cyprianus, etiamsi occisi in confessione nominis fuerint, macula ista nec sanguine abluitur. Inexpiables, & gravis culpa discordiæ, nec passione purgatur. Esse martyr non potest, qui in ecclesia non est. Ad regnum pervenire non poterit, qui eam, quæ regnatura est derelinquit.

³ APUD PROVINCIAM ETC. Publicis actis consules, & dies prænotari solebant; quæ hîc excidisse dolemus. Exemplum apud Augustinum contra Cresconium, de actis, quæ incipiebant, Diocletiano VIII. & Maximiano VII. Cons. XIV. Cal. Iunij. Iterum in collatione contra Donatistas, de martyrum gestis, quæ Consulibus facta sunt Diocletiano IX. & Maximiano VIII. Pridie Idus Febr. Ita apud Ammianum Marcellinum acta citantur, quorum initium, Consulatu Tauri, & Florentij. Verum hæc accurata temporis observatio à descriptoribus quandoque omittebatur. Quod docet Augustinus contra Donatistas, hi calumniabantur litteras a Catholicis sine die, & consule productas, Fieri potest ut in codicibus sit varietas, dum alij etiam dies, & consules diligentia maiore describunt, alij superfluum prætermittunt. Sicut etiam codex, de quo primum legimus iudicium Constantini, quo inter partes Cæcilianum innocentem, illos autem calumniosissimos pronuntiavit, diem, & consulem non habebat.

Et

Et minus mirum est talia in his nostris desiderari, cum actorum uerius epitome, quam integra acta sint. Si uero coniectura sedet, quam de Conuersionis tempore produximus, Passioni Consules ascribendi erunt Diocletianus VI II. Maximianus VII.

Cur quæ in exordio conuersionis de prouincia, urbe, & persecutione semel dicta sufficere poterant, hic rursus repetantur, causa uidetur, quod Conuersio, & passio non perpetua serie, sed distinctis diebus, quibus utraque celebratur, in ecclesia Augustana iam tunc legerentur.

PERSECUTIO] Diocletiani intellige, sub quo etiam conuersio. Nam qui primus deinde Christianos uexauit Iulianus, non nisi quinquaginta annos post Maxentium, cuius morte Diocletiani persecutio finita, imperium inijt. Est in errore manifesto Regino, qui Afram Anno Christi CCXLII. sub Diocletiano passam scripsit. Potior Hermannus Contractus, qui assignat annum CCCIV. Neque tamen pressè intelligendus, Nam in unum hunc annum omnes martyres, qui sub Diocletiano passi, conijcit. Baronius, qui ad annum CCCIII. rettulit, prorsus cum nostro calculo, cuius rationem reddidimus, conuenit. Verum id forte fortuna accidit, Cum martyres sub Diocletiano passos, quorum certum tempus assequi non potuit, hoc anno enumeret. Elapsi sunt a conuersione S. Afræ ad Passionis diem Mens. IX. Dies XII. Quidam integrum præterea annum adiiciunt, quod mihi nequaquam probatur, Neque nostræ chronographiæ congruit.

LUPANARIA] Meretrices olim lupæ dictæ. Tertullianus noster, Aspice lupas popularium libidinum nundinas. Hinc, Lupari ut scortari, uel prostitui, Nonius: hinc lupanar pro meretricum lustris: Atque ut à fornice fornicaria, à stabulo prostibulum, sic à Lupanari Lupanaria (quam tamen uocem alibi non legere memini) siue Lupanaris, ut aliqui codices habent. eadem forma Apulius Lupanarem infamiam dixit, Quæ suo pudore postposito, tori genialis calcato federe, lacem mariti lupanari maculasset infamia. Lupanarium obseruauit Rob. Constantinus ex Alex. Seueri Lampridij, in quo hæc uerba, Corpora omnium constituit uinariorum, Lupanariorum, Caligariorum, & omnino omnium artium. Sed mihi mendum subolet. Tiraquello Lupanariorum placet. Quid enim? laudatus princeps Lenonum corpora constituit, & lenocini-

⁵ De passio.

De Af. li. 7

In sup-
plemen.
ling. lat.

De nobil. c.
34. n. 44.

nocinium inter artes rettulit? At hac obiter.

6 IUDICI ORLATA] Prouincia Praesidem intellige. *Vide Iurif. conf. Dig. de iudic. l. estius reddere, Et de omnibus causis, de quibus vel praefectus urbi, uel praefectus praetorio, uel consules, & praetores Romae cognoscunt, notionem habere: Omnia denique quae Romae uarios iudices habent, ad eorum officium pertinent, cum uice omnium magistratuum Romae fungantur. Recte ergo iudices dicuntur.*

7 COGNOVISSET QVAE ESSET] Afra ad primam praesidis interrogationem, Nomen, & professionem Christianitatis edidit. Hoc est quod Tertullianus in Apologetico Christiani constantiam praedicat, Si denotatur, gloriatur: si accusatur, non defendit: interrogatus, uel ultro confitetur: damnatus, gratias agit. Quin multi se ipsos denuntiabant, inde Professores dicti. Talis fuit S. Gordius martyr, de quo extat Basilij sermo. Is in theatrum progressus, exclamauit: Inuentus sum me non quaerentibus, conspicuus factus sum me non interrogantibus.

8 SACRIFICA DIIS] Cōqueritur Tertullianus iudices gentiles duplici potissimum ratione in Christianos iniurios esse: quā utraque Christianorum conditio longè diuersissime sit a reis reliquis. Primo, cum Christianos omnium fere scelerum colluue nocentissimos esse dicerent, tamen neque defensio pro illis, neque inquisitio in illorum crimina admittebatur, quae de cetero reis omnibus competebant. Illud solum expectatur, quod odio publico necessarium est, confessio nominis, & non examinatio criminis. Quando, si de alio nocente cognoscitis, non statim confessio eo nomen homicidae, uel sacrilegi, uel incesti, uel publici hostis (ut de nostris elogijs loquar) contenti sitis ad pronuntiandum, nisi & consequentia exigatis: qualitatem facti, locum, tempus, conscios socios. De nobis nihil tale, cum aequè extorquere oporteret quodcumque falso iactatur. Ista calumnia egregiè in Afra iudicio eluxit. Mox enim ac index Cognouisset quae esset, Christiana, scilicet, nihil praterea moratus, Id unum contendit (quod rursus Tertullianus queritur) ut de eo nomine excluderetur. Exclusa enim fuisset, si fecisset quae faciunt non Christiani, hoc est si dijs sacrificasset. Alterum caput multo erat absurdius, Nec in illo

cx

ex forma malorum iudicandorum agitis erga nos, quod ceteris negantibus, adhibetis tormenta ad confitendum, solis Christianis ad negandum. *Et post pauca*, Cum præsumentis de sceleribus nostris ex nominis confessione, cogitis tormentis de confesso decedere, ut negantes nomen, pariter utique negemus & scelera, de quibus ex confessione nominis præsumpseratis. Sed opinor, non uultis nos perire, quos pessimos creditis (sic enim soletis dicere) homicidas. Negatis laniari iubere sacrilegum, si confiteri perseverauerit. Si non ita agitis circa nos nocentes, ergo nos innocentissimos iudicatis, cum quasi innocentissimos non uultis in ea confessione perseverare, quam necessitate, non iustitia à uobis damnandam sciatis. Vociferatur homo, Christianus sum; Quod est dicit, tu uis audire quod non est. Veritatis præsides, de nobis solis mendacium elaboratis audire. Hoc sum inquit, quod quæris an sim. Quid me torques in peruersum? Confiteor, & torques, quid faceres si negarem? Planè alijs negantibus non facile fidem accommodatis; nobis si negauerimus, statim creditis. *Iterum*, Debito pænæ nocens expungendus est, non eximendus. Denique illum nemo gessit absoluerè, non licet hoc uelle, ideo nec cogitur quisquam negare. Christianum hominem, omnium scelerum reum, Deorum, imperatorum, legum, morum, naturæ totius inimicum existimas, & cogis negare, ut absoluas: quem non poteris absolvere nisi negauerit. Præuaricaris in leges. Vis ergo neget se nocentem, ut facias eum innocentem, & quidem inuitum, iam nec de præterito reum? *Tandem concludit*, Ideo torquemur confidentes, & punimur perseverantes, & absoluihur negantes, quia nominis prælium est. *Eadem prorsus in nostra causa licet animaduertere. Index totus est, non in eruenda ueritate peccatorum scelerum, sed in eo, ut Afram à professione Christianitatis, siue argumentorum pondere, siue blanditijs, siue minis excidere faciat. Omnes persuasiones, & intentata sæpius tormenta, Expedit tibi magis uiuere, quam inter tormenta deficere: Cathomis te cædi iubeam: Si uerò nolueris, occideris: Torqueri te faciam, & postea uiuam incendi præcipiam: Ad illud toties repetitum Sacrifica referuntur. Quamquam tormen-*

M ta

ta festinatione capitalis supplicij exclusa sint. Neque uerò obscurum erat, Idolorum sacrificio fidem Christianam multo ualidius, quam nudi uoce negari. Porro idem argumentum probande Christiane innocentie, urget Tertullianus ad Scapulam, Quid amplius tibi mandatur quam nocentes confessos damnare, negantes autem ad tormenta reuocare? Videtis ergo, quomodo ipsi uos contra mandata faciatis, ut confessos negare cogatis. Adeo confitemini innocentes esse nos, quos damnare statim ex confessione non uultis. *Pluribus D. Cyprianus ad Demetrianum*, Elige tibi alterum de duobus: Christianum esse, aut est crimen, aut non est. Si crimen est, cur non interficis confitentem? Si crimen non est, quid persequeris innocentem? Torqueri enim debui si negarem: si pœnam tuā metuens, id quod prius fueram, & quod Deos tuos non coluerim, mendacio fallente celarem, tunc torquendus fuisset, tunc ad confessionem criminis vi doloris adigendus: sicut in ceteris quæstionibus torquentur rei, qui se negant crimine quo accusantur teneri, ut facinoris ueritas, quæ indice uoce non promitur, dolore corporis exprimatur. Nunc uerò, cum sponte confitear, & clamē, & crebris, ac repetitis idētidem uocibus, Christianum me esse contester, quid tormenta adiuues confitenti?

9 INTER TORMENTA DEFICERE] *Aliquando deliquium animæ: hoc loco Mori significat. Quod ex opposito intelligimus, Expedit tibi magis uiuere. Vlpianus, Nec ea qui dem pœna damnari quem oportet, ut uerberibus necetur, uel uirgis interimatur, nec tormentis; quamuis plerique dum torquentur deficere solent.*

10 SUFFICIUNT MIHI PECCATA MEA] *Verbum sufficere de ijs rectē dicitur, quorum ē diuerso egere possumus. At peccatorum nunquam egemus; Peccata ergo nobis propriē non sufficiunt. Impropriē illa sufficiunt, quibus omnino nihil addendum, id peccatis conuenit. Ita Deus per Ezechielem, Sufficiunt uobis omnia scelera uestra domus Israel.*

11 QVOD ME IVBES FACERE NVNQVAM FACIAM] *Ingenue dictum, & libere, ut Christianam decebat. Neque enim tergiversatio, aut simulatio in causa fidei ferenda. Acque rotundē Cyprianus, cum proconsul sacrificium im-*
peraf-

perasset, Non facio: Et cum proconsul instaret, Cyprianus de-
nuo, Fac quod tibi præceptum est. In re tam iusta nulla est
consultatio. Sic D. Ignatius, Non facturus sum aliquando
quod mihi consulitis.

GAIUS] Prænomen à gaudio parentum ductum, ait Vale- 12
rius Probus. Per G. proferri, & per C. scribi testatur Diomedes.
Non nemo in scriptione G. retinet. Neque aliter in pandectis Flo-
rentinis, quod Ant. Augustinus annotauit. At cur præterito præ-
sidis nomine, hic prænomen edatur, causam nullam nisi fortui-
tam subesse opinor. Itaque plerique auctores Iulium, & Caligulam
Cæs. Caïos tantum dixere. De nostro nihil præterea memoriæ pro-
ditum. Auentinus Carum Aquilinum uirum consularem, Ducem
Vindelici limitis retulit; nescio unde erutum. Fasti circa ea tempo-
ra Carum Aquilinum nullum, vnum Vettium Aquilinum consu-
lem habent. Neque mihi constat eum postea huius limitis ducem
fuisse. Quamquam probè scio permultos Consulares, qui nun-
quam Consules. Sed fuerit Carus Aquilinus dux limitis, longè
alius fuit à Præuinciae præside.

Emend. 16.
4. c. 3.

CAPITOLIVM MEVM CHRISTVS EST.] 13
Respicit ad etymologiam Capitolii, quæ est a capite, uti monuimus.
Christus enim, lapis ille, qui reprobatus ab ædificantibus, factus est
in caput anguli, sæpe dicitur caput ecclesiæ, hoc est fidelium. Pau-
lus, Ipsum dedit caput supra omnem ecclesiam, quæ est cor-
pus ipsius. Crescamus in illo per omnia, qui est caput
Christus. Christus caput est ecclesiæ, ipse saluator corpo-
ris eius. Ipse est caput corporis ecclesiæ. Quod uerò Caius
hortatur Afram ad Capitolium sacrificandi causa accedere, Id
vulgo consueuerat capi experimentum de Christianis ad paganis-
mum relabentibus. Vnde S. Cyprianus ad lapsos, Nonne quan-
do ad Capitolium sponte uentum est, quando ultro ad ob-
sequium diri facinoris accessum est, labauit gressus, caliga-
uit aspectus, tremuerunt uiscera, brachia conciderunt?
Et in epistolis, Compelluntur adhuc insuper lapsi, ut linguis
atque ore, quo in Capitolio ante deliquerat, sacerdotibus
conuiuium faciant &c.

Epist. 1. 4.
5. Colof. 1

Ep. 55.

QVOTIDIE CRIMINA, ET PECCATA MEA 14
CONFITEOR] Vt agnoscamus diligentem Christianitatis
discipulam, singulæ fere, quæ sequuntur responsiones ex sacris

M 2 litte-

litteris petita sunt Hæc primo Davidis illud respicit, aut aliquid simile, Laboravi in genitu meo lauabo per singulas noctes lectum meum, lacrymis meis stratum meum rigabo. Nam ut S. Hilarius ait, Penitentis uox est, lacrymis orare, lacrymis ingemiscere. Cur autem confessio peccati olim commissi, & iam desiti, recte iteretur, docet idem Hilarius, Confitendum semper est: non quod peccandum semper sit, ut semper sit confitendum, sed quod peccati ueteris, & antiqui, utilis sit indefessa confessio. Docet autem spiritus sanctus semper confitendum, cum ait per prophetam: Iustus ipse sibi accusator est, in primo sermone suo. Iustus non se ex presentibus, sed ex præteritis accusat. Cui enim adest presentium accusatio, iusti nomen auferitur. Et audiamus se Apostolum Paulum ex præteritis arguentem, cum ait: Quia non sum dignus uocari Apostolus, capropter quod persecutus sum ecclesiam Dei. Gratia autem Dei sum quod sum.

15 INDIGNA SVM IPSI SACRIFICIA OFFERRE] Corpus, & sanguis domini nostri Iesu Christi, unicum nomen legis sacrificium est, proprie sumptum. Cuius oblationem minus sibi licere recte innuit Afra, Cum ea sacerdotibus tantum conveniat.

ex Gul. ME IPSAM PRO NOMINE EIVS CUPIO SACRIFICARE] Sacrificij nomen translatè significat omne opus bonum, quod in Deum refertur. Exempla sunt ex psalms, de iustitia: Sacrificate sacrificium iustitiæ: Tunc acceptabis sacrificium iustitiæ. De laude: Circuiui, & immolaui in tabernaculo eius hostiam uociferationis: Immola Deo sacrificium laudis: Sacrificent sacrificium laudis: Tibi sacrificabo hostiam laudis. De penitentia: Sacrificium Deo spiritus contribulatus. Augustinus dixit, nos fidem, spem & charitatem sacrificare. Tertullianus sacrificia Deo grata appellauit, Ieiunia, & seras, & aridas escas. Deinde ait, Virginitas quoque, & uiduitas, & modesta in occulto matrimonio dissimulatio, & una notitia eius, de bonis carnis Deo adolentur. Et alio loco, Afflictatio carnis hostia domino placatoria, per humiliationis sacrificium. Chrysostomus humilitatem sacrificium maximum vocauit: Ita gratiarum actionem,

nem, mortificationem membrorum, orationem denique & elemosynam, Et Augustinus, Ipse homo Dei nomini consecratus, in quantum mundo moritur, ut Deo uiuat, sacrificium est. Idem corpus per se, cuius rectus usus ad Deum refertur, sacrificium vocat, multo autem magis animam: necnon totam congregationem sanctorum vniuersale sacrificium appellat, At quoniam uirtutes hominis Christiani, in bonis operibus singula, in martyrio omnes emicant, quod D. Augustinus expressit, cum dixit Christum martyres in se transfigurare, Ideo martyrium in hac translatione uerbi, excellenti quodam modo Sacrificium, Immolatio, Libatio: Martyres Hostiæ, Victimæ Holocausta dicti. Ita omnes ad vnum interpretati sunt Pauli uerba, Ego enim iam delibor, ubi alij legunt, immolor: Vtraque glossa, Hieronymus, Ambrosius, Chrysostomus, Theodoretus, Theophylactus, Oecumenius, Anselmus, Bruno, Carthus. Quod tamen unico illi & uero sacrificio nihil derogat. Immo Afra utrâq; nominis significationem satis distinxit, cum se indignam esse dixit, quæ sacrificia offerret, & mox adiunxit cupere se ipsam sacrificare. Cyprianus quoque duplicem sacrificij notionem coniunxit, ad Nemesianum, & reliquos martyres in metallo constitutos, Sed nec in illo, fratres dilectissimi, aliqua potest aut religionis aut fidei iactura sentiri, quod illic nunc sacerdotibus Dei facultas non datur offerendi & celebrandi sacrificia diuina: Hactenus sacrificium in proprio sensu mox in translato; Celebratis immo, & offertis sacrificium Deo, & pretiosum pariter & gloriosum, & plurimum uobis ad retributionem præmiorum celestium profuturum, Cum scriptura diuina loquatur, & dicat: Sacrificium Deo spiritus contribulatus, Cor contritum, & humiliatum Deus non despicit. Hoc uos sacrificium Deo offertis, hoc sacrificium sine intermissione die ac nocte celebratis, hostiæ facti Deo, & uosmet ipsos sanctas atque immaculatas uictimas exhibentes, sicut Apostolus adhortatur, & dicit. Oro ergo uos fratres, per misericordiam Dei, ut constituatis corpora uestra hostiam uiuam, sanctam, placentem Deo, nec configremini seculo huic, sed transformamini in renouatione sensus, ad probandum, quæ sit uoluntas Dei bona, & placens, & perfecta.

Porro

mi. 2. in ge.
hom. 9. &
60. i Mat.
hom. 16.
Aug. de
ciu. lib. 10.
cap. 6.

Ep. 120.

1. Tim. 4.

Ep. 77.

Torro uti hæc sacrificandi interpretatio passim est obuia, ita & illud observationem meretur, quod tyranni interfectores, aliquando martyrum sacerdotes dicti Haymo D. Paulum explicans, Si immolor. id est, Interficior à Nerone. Nero ipse fuit sacerdos Petri & Pauli, quia ipse mactauit eos: mactauit quidem, sed non obtulit, quia ipsi se ipsos obtulerunt. Et eadem planè ratione in alium Pauli locum, Ego enim iam delibor. Libare hic pro sacificatione & immolatione ponitur, ac si diceret: Ego enim iam immolor. Sacerdos Petri & Pauli extitit Nero, sed eius immolatio non est reputata ad gratiam, mors autem illorum gratissimum sacrificium fuit Deo.

17 *Apol. sub finem. In scorpiaco. C. p. ep. 52* VT CORPVS IN QVO PECCAVI DVMP OE-
NAS PERTVLERIT ABLVATVR] Nam om-
nia peccata uero martyrio eluuntur. Inde Tertullianus, Om-
nia huic operi delicta donantur. Rursus, Propriè marty-
ribus nihil iam reputari potest, quibus in lauacro ipso ui-
ta deponitur. Atque Cyprianus omnia peccata passione pur-
gari ait.

18 QVIA ALIENA ES A DEO CHRISTIANO-
RVM] Paulo post, Meretrix enim quæ est, Christiana di-
ci non potest. E Gregia testimonia puritatis Christianæ ab ho-
mine inimico. Nam priori commentario bis monui, Christianam
innocentiam gentilibus aduersarijs notam fuisse.

19 CHRISTVS DICIT SE PRO PECCATORI-
BVS DESCENDISSE DE COELO] *Mat. 9. Luc. 5.* Apud Mat-
thæum, & Lucam, Non veni uocare iustos, sed peccatores.

20 EVANGELIA EIVS TESTANTVR QVOD
MERERETRIX ETC.] *Cap. 7.* Ex Luca, Ecce mulier quæ
erat in ciuitate peccatrix, ut cognouit quod Iesus accu-
buit in domo Pharisei, attulit alabastrum unguenti, &
stans retro secus pedes eius, lacrymis cœpit rigare pedes
eius, & capillis capitis sui tergebat, & osculabatur pedes
eius, & unguento ungebat. Rectissime Afra Mariæ Magdale-
næ uitam tamquam aliquod speculum inspiciebat; Cum nullum ex-
tet illustrius exemplum uel peccatricis conuersæ, uel Dei conuer-
tentis, & peccata condonantis.

21 ET INDVLGENTIAM ACCEPERIT] Dixit
autem

autem ad illam: Remittuntur tibi peccata. *Rursus*, Dixit autem ad mulierem: Fides tua te saluam fecit: Vade in pace. *Antiqua est in ecclesia vox Indulgentiæ, absolute posita, pro peccatorum remissione. Quod Pammelius in Cypriano notauit.*

ET MERETRICES ET PVBLICANOS ETC.] 22

De meretrice uidimus. De publicanis crebra sunt testimonia, Erant autem appropinquantibus ei publicani & peccatores. Item, Multi publicani & peccatores simul discumbabant cum Iesu, & discipulis eius. Vnde calumniandi ansam nacti Pharisei, ut Christus ab illis audire cogeretur, Amicus publicanorum & peccatorum. Publicanorum uero nomen, cum ubique exosum esset; adeo ut Vlpianus prodiderit, quantæ audaciæ, & quantæ temeritatis eorum factiones sint neminem nescire, & Thersites interrogatus, quæ feræ scuisimæ, responderit, In montibus ursti, in ciuitatibus feneratorum, & publicani: maximè tamen infame habebatur apud Hebræos, Neque eius ulla est in sacris litteris memoria, nisi cum nota ignominie coniuncta. Nam cum nefas crederent si esset uel ligal pendens ex filiis Israel, necessario profani, & execrandi existimabantur, qui illud exigebant.

Luc. 15.

Mat. 2.

Luc. 5.

Mat. 9.

Luc. 5. 7.

15. Mat.

9. 11.

Mar. 2.

Dig. de pu-

blic. & ue-

dig. l. 12.

Hier. ep.

146.

VT DILIGARIS ETC. VT INFERANTVR 23

TIBI PECVNIAE MVLTAE] Index duplicem machinam adhibet, quarum utraque hominum mentes ualide concutit. Voluptatem nimirum, & lucri spem. Quod enim causæ diffidat, extra eam mixtim minis, & blanditijs agit. Antea tormenta & mortem intentauit, iam ad ueteres libidines, & quæstum reuocat. Frustra utrumque.

PECVNIAS EXECRABILES ETC. QVASI 24
SORDES ABIECI] Pecunias execrabiles appellat, quæ scelere quæsitæ, Neque illarum contemptum expressius quam sordium nomine ostendere potuit. Hieronymus gloriosas sordes uocauit.

QVIA NON ERANT DE BONA CON- 25
SCIENTIA] Hæc ex ora, ubi ab aliquo annotata, irrepsisse suspicio est. Quamuis utcumque ferri possunt.

NOLENTES ACCIPERE ALIQVOS FRA- 26
TRES ETC. Homines Christianos fratres uocat. Erat ea fre-

frequens in prima ecclesia appellatio, Adeo ut infamis haberetur apud gentiles, ideoque purgare coacti sint apologiarum scriptores, præcipue Tertullianus, qui in eo multus. At cur fratres pauperes Afræ pecuniam accipere abnuerint, quæri potest. Est in lege ueteri, non offeres mercedem prostibuli. Et Philo singularem libellum ea de re scripsit. Quæ postea Christianorum quovide glos. que moribus recepta. Videbatur enim rerum sacrarum maiestas in c. Obla- imminui, si meretricia oblatio ad altaria admitteretur. Verum nonos. dist. longè diuersa est eleemosynarum ratio. In eas rectè erogantur 90. et Sum. bona quantumuis illicitis, & inhonestis artibus parta, dum restitutioni non sint obnoxia: At meretricia pecuniæ redditioni nequaquam obnoxia, nisi extorta sint illis, quibus alienandi potestas non erat, aut alioquin fraus interuenerit: Tuto igitur eleemosynæ à meretricibus, etiam in peccando persistentibus, multo magis à penitentibus, accipiuntur. Tamen existimo Christianos anti quæ pietatis, qui ab omni specie mala abstinendum scirent, inuitos, & non nisi causâ diligenter persculatâ, animum induxisse huiuscemodi pecunijs sublenari. Ne illis scilicet propter alienum scelus temere melius esset. Plerisque creditum est Afram præterquam numeratâ pecuniâ, etiam prædijs urbanis, & rusticis locupletem fuisse, quibus diuenditis pretia pijs vsibus destinari. At ego quid certò asseuerem non habeo. Nec interest ad pietatis argumentum, scire quantum erogarit: satis illud est, omnia quæcumque possidebat erogasse, cum dicat, Quæ habui a me abieci. Mat. 19. Ad normam consilij euangelici, Si uis perfectus esse, uade, uende omnia, quæ habes, & habebis thesaurum in celo.

27 I AM TE CHRISTVS DIGNAM NON HABET. SINE CAUSA ETC.] Desperationis uenenum, Gaius antea clam instillauerat, Aliena es à Deo Christianorum, nunc palam effundit. Neque ignarus est ille, qui argumenta suppeditat genius, Plerosque quos non cruciatuum, & mortis terrores, non uoluptatum, & pecuniarum illecebræ, de statu deijcere potuere, Vnâ diuinæ gratiæ desperatione excidisse. Sed Afræ iam olim ualidis armis, contra omnes has inimici impressiones, à catechista Narcisso instructa fuit. Quod responsiones satis ostendunt. Nos, quoniam hæc mentio incidit, elegantem desperationis descriptionem, ex libro de uera, & falsa penitentia, qui inter Augustini opera legitur, promamus, Quid aliud est despe-

desperare quam Deum sibi comparare? Nam qui de Deo non præsūmit ueniam, non animaduertit, plus peccato suo posse Dei clementiam. Si enim sentiret Deum magis bonum, quam se malum, quidquid in se iustitiæ non inueniret, a Deo magis bono expectaret: & quidem diffidit, quia summi boni bonitatem maiorem sua nequitia non sentit. Ille enim solus diffidat, qui tantum peccare potest, quantum Deus bonus est. Cum sit autem nullus qui hoc possit, qui timet de se malo, præsumat de meliore.

CHRISTIANA QUIDEM EGO DICI NON
MEREOR ETC. SED MISERICORDIA ETC.] 28

Obiectum crimen non negat, non excusat, sed Dei misericordiam appellat. Videor D. Paulum audire, Ego enim sum minimus

1. Cor. 15.

Apostolorum: qui non sum dignus uocari Apostolus, quoniam persecutus sum ecclesiam Dei. Gratia autem Dei sum id quod sum. Et rursus, Prius blasphemus fui, & persecutor: sed & misericordiam Dei consecutus sum, quia

1. Tim. 1.

ignorans feci in incredulitate. Superabundauit autem gratia domini nostri, cum fide, & dilectione quæ est in Christo Iesu. *Afra etiam dicere poterat, Ignorans feci in incredulitate. Ita paulo antea, Sufficiunt mihi peccata mea, quæ ignorans Deum gessi. Quomodo autem misericordia Dei omne*

humanum meritum antecedit, ostendit S. Augustinus, Nemo enim credit, qui non uocatur, Misericors autem Deus uocat, nullis hoc uel fidei meritis largiens, quia merita fidei

*Ad Simpli.
lib. 1. q. 2.*

sequuntur uocationem, potius quam præcedant. Quomodo enim credent ei quem non audierunt? Et quomodo audient sine prædicante? Nisi ergo uocando præcedat misericordia Dei, nec credere quisquam potest, ut ex hoc incipiat iustificari, & accipiat facultatem bene operandi. Ergo ante omne meritum est gratia, Etenim Christus pro impijs mortuus est. Et quia Afra fatetur, se non mereri Christianam

dici, Audiamus nominis dignitatem ex Chrysostomo, Quemadmodum hi, qui in bello regia signa circumferunt, ut moris est, magnis laboribus indigent, & uiribus, maximaque pericula, uti ne id hostibus prodant: ita & qui Christi nomen portant, non in bello solum, uerum etiam in pace, summis uiribus indigent, ne id maledicis linguis exponant, sed id

*In ep. 1. ad
Tim. hom.*

3.

N strenuè

strenuè ferant vexillo crucis armati. Ingenti enim profecto opus est robore vt quis dignè portet Christi nomen. Nam qui indignum aliquid, uel dixerit, uel fecerit, aut etià cogitauerit, Christi nomen non legitimè portat, neque habet in semetipso Christum. Porro qui id congrue portat, is profecto triumphat, non in foro, sed in cælis, omnesque illi adstant angeli, circumdantes illum, atque admirantes. *Quin Afra hoc nomen dignè tulerit, minimè dubitandum, & locupletissimum testimonium hæc passionis historia dicit; Est ergo humilitatis, quod se indignam profitetur.*

29 IN HOC ME AGNOSCO ETC.] *Necessaria collectio. Nominis confessio, martyrium, siue testimonium est: testimonium nemo ab aduersario petit, sed ab amico: Deus ergo, qui me ad sui nominis confessionem admisit, à facie sua nuntiāquam proiecit.*

30 PER QVAM ME CREDO ETC.] *Dixi hæc de re. Cyprianus, ut ostenderet martyrium omnibus utile esse, inquit, Vidimus quippe ad hunc nominis titulum fide nobiles uenisse plerosque, ut deuotionis obsequium mors honestaret. Sed & alios frequenter aspeximus interritos stetisse, ut admissa peccata redimentes, cruore suo loti haberentur in sanguine, & reuiuiscerent interempti, qui uiuentes computabantur occisi. Mors quippe integriorem facit uitam. Mors amissam inuenit gloriam. Nam hac spes iam amissa percipitur, hac salus cuncta reparatur. Et quamquam Afra post baptismum ita uixerit, ut inter priores censenda esset, Christiana tamen animi demissione, quæ ubique elucet, se posterioribus adnumerare maluit. Cum bonarum sit mentium (ut Gregorius ait) ibi timere culpam, ubi nulla est. Et est Ecclesiastici sententia, De propitiato peccato, noli esse sine metu.*

31 SALVTEM CONSEQUERIS] *Spem uenia ostendit. Tertullianus, Ipsi denique præsides, cum cohortantur negationi, serua animam tuam dicunt, & Noli animam tuam perdere.*

32 SALVS MEA CHRISTVS EST, QUI PENDENS ETC.] *Virtus enim Dei est in salutem omni credenti. Ita Concordius presbyter ad Torquatum Tuscie comitē, qui illum itidem hortabatur, saluti sue consuleret, Salus mea Chri-*

Christus est, cui quotidie sacrifico sacrificium laudis. Et *Ado in*
martyres aliàs sape. Obserua Afram exempla peccatorum, *mart. 1.*
 qui misericordiam consequuti, in numero habere. Antea mere- *Ian.*
 trices, & publicanos, nunc latronem profert. Meritò, Cum ipsa
 in eodem stadio curreret.

QVI TECVM TURPITER VIXERVNT.] 33
 Mira gentium stupiditas. Deorum cultum ijs rebus constare cre-
 debant, quas ipsimet naturæ ductu, turpes esse fateri cogeban-
 tur. Sunt apud Ovidium versus in quibus Cupidini Pietatem,
 & Pudorem apertè opponit,

— ante oculos Rectum, Pietasque, Pudorque *Metam. 7.*
 Constiterant, & uicta dabat iam terga Cupido.
 Et profecto uerum est quod Seneca scripsit lib. 4. de Benef. c. 17.
 Maximum hoc habemus naturæ meritum, quod uirtus in
 omnium animos lumen suum permittit, etiam qui non se-
 quuntur illam, uident.

CATHOMIS] Catomis quidam habent. Quidam Cate- 34
 nis substituerunt, pro uoce non intellecta. At hæc frequentius in
 Christianis historijs obuia est, quam ut adulterina credi possit. Mo *In annot.*
 lanus hæret in explicando, & significat se nolle de ea doceri, quam *ad mart.*
 docere. Græcam enim etymologiam, quam producit à κατ' ὄψιν, *Vsuardi*
 quod est demissis armis, ut scilicet Catomus cædi dicatur, qui demis- *15. Iunij.*
 sis humeris, pedibus in altum suspensus uapulat, ipse improbat. *Editionis*
 Neque illa ullo pacto ad hunc locum pertinere potest, cum Caius *prioris*
 Afram non Catomam, sed Cathomis cadere minitetur. Pronior
 est existimare ex martyrum actis, quæ habent, Cathomo suspendi,
 In Cathomo leuari, Cathomum idem cum catasta, aut equuleo fuisse.
 Quod fortassis hætenus ferri queat; Sed quid ad alteram il-
 lam significationem, Cathomis cædi? Vbi de flagellis, plumbatis,
 fustibus, aut re quapiam simili sermonem esse, ille non negat. Ba-
 ronius aliquando de Latomia cogitauit. Nam Latomiam suppli- *In notat.*
 cii genus ad uerberandum aptum esse, ait Isidorus. At quo minus *ad mar. R.*
 huic sententiæ acquiesceret, obstabant probati auctores, qui Lato- *15. Iunij.*
 mias Latumias, & Lautumias eo sensu nunquam accepere. In po- *Vbi aut ple*
 steriore Plantiniana martyrologij editione, nouam opinionem pro- *rosque Isi-*
 fert, cuius D. Latinium auctorem laudat. Ea est huiusmodi. Idem *dori codi-*
 uideri, Catomis cadere, quod solent ludimagistri pueros ad hume- *ces habere*
 ros alicuius appendere, & eorum natibus uerbera infligere: Ideo *Laurum -*
 ego lego. *nas. Vti &*

N 2 cum

cum Vitum tum Barulam, quod pueri essent, puerorum more uir-
gis uerberatos. Apud Victorem de persecut. Vandal. lib. 1. habe-
ri de Thoma sanctissimo episcopo, Quodam tempore uenera-
bilem senem in publica facie catomis cæciderunt. Id uide-
ri factum maioris ignominie irrogandæ causa, ut senex puerorum
more uerberaretur. Confirmari coniecturam, quod apud Hippo-
cratem lib. 1. de Articulis est κατωπιζειν, in humeros aliquem leua-
re: Apud Iosephum Antiq. lib. 5. c. 10. κατωμαδεν, pro eo quod
latinus interpres, humeris impositas Gaze portas à Sampsonē,
uti obseruat Suidas in uerbo κατωμαδεν. Hæc quantumuis inge-
niosè excogitata (dicam pace uiri magni, & docti) animum mi-
nus explent. Non quod nesciam Barulam eo fere modo cæsum, As-
clepiades enim apud Prudentium,

De S. Ro-
mano.

— — — — — pusionem præcipit
Sublime tollant, & manu pulsant nates.
Mox, & remota ueste uirgis uerberent,
Tenerumque duris ictibus tergum secent,
Plus unde lactis quam cruoris defluat.

Sed præterquam quod idem de Thoma, Afra, & Eulalia mini-
me uerisimile: obstat illud ualidisimè, quod martyres nequaquam
Cathomæ aut Cathomi cæsi dicuntur, quod conueniens erat, si no-
men à corporis positu; sicuti ad Molani erymon diximus: Verum
historiæ narrant, Cathomo aut Cathomis cæsos. Quæ loquendi for-
mula, nisi ualde fallor, ea est quam grammatici, Verbum cū abla-
tino instrumenti uocant. Et Cathomus siue Cathomi, eadem pror-
sus ratione instrumentum cædendi significant, quæ gladius, pugni,
lora, uirgæ, Cum aliquem gladio, pugnis, loris, uirgis cæsum dici-
mus. Neque Hippocratis, & Iosephi auctoritas magnopere huc
facit. Quando ergo lis adhuc sub iudice, nostras quoque cogitatio-
nes proferamus.

In primis Cathomi duplicem usum fuisse uidimus: Cogitandū
an res ipse distinctæ. Vinculorum, exēpli causa, uariis est usus,
res una. Seruiunt enim uinciendis, suspendendis, uerberandis no-
tis. Contra plumbatæ tum usu, tum re differunt. Et cum Iuriscon-
sulti illas in uerbera, & pondera distinguunt, intelligunt primo lo-
co flagella, quibus glandes plumbeæ in summitatibus impactæ, se-
cundo masas plumbeas, quæ reorum pedibus alligantur, ut totius

cor-

corporis iunctura, magno doloris sensu luxentur. Similiratione opinor Cathomos non minus re quam usu differre. Nec enim uideo quam uiam ineam, ut Molani exempla de uno eodē torsionis instrumeto intelligam. Cathomo eū suspēdi, & uerberari fecit. Iussit ministris infantem in cathomo leuari, & cedere. A Valeriano iudice cathomis cāsus. Iussit eā flagellari, & cathomis cēdi, per officium curatoris: cumq; cathomaretur corpus eius &c. Priora duo profecto ad machinam pertinent, in qua rei suspēsi torquebantur. Quam Ado in S. Romano ab equuleo fecernit: *Vt verear me Molano assentiri non posse. Malo iudicium suspendere. Posterioribus duobus, ut etiam illo ex Vitore, quod antea attulimus, atque isto S. Afrā, quod prae manibus, non est ambigendum uerberis genus denotari. Videndum quodnā illud. In re dubia licebit explicationem ab auctoribus quantumuis obscuris mutuari. Quorum unus ait, Cathomum esse flagellum ex uirgis ferreis factum, uel flagellum ex uirgis, in modum scopae, quo utuntur religiosi in capitulis. Et mihi de uirgis ferreis fidem facit. Nam obseruaui illis aliquando in Christianos sauitum. Testantur acta SS. Callinici, Quiriaci, Chrystopori, Lycarionis. Item Phileas apud Eusebium de martyribus Alexandrinis. Subscribunt Mammotreptus, & Luciani uocabularius. Quos ego in ista litterarum luce laudatores non darem, si hec alium de haurire potuissē. Etymologiam nullus horum exposuit. Si hariolari libet, ducemus à particula καθά siue καθὼ & ὄνος, quod durum, sauum, crudelem, immanem, uti ὄνος crudeliter significat. Idque ad utrumque Cathomi supplicium quadrabit. Non dissimulo Turnebum in Cicerone, & Laberio Catomum agnoscere: Atq; ex ueteri Iuuenalis scholio, Vinculū & catenam explicare. Sed Victorius & Lambinus in Cicerone Catonium, Manutius Catonem ex ms. habent. Neque se dubitare ait Victorius, quin inferi, & sedes mortuorum, ea dictione intelligantur, fortassis a greco aduerbio καθῶ. Idem ostendit se in prisco, & valde probato Gelij exemplari (extat Laberij uersus apud Gellium) Catonium legere. Henr. Stephanus Charonium edidit, Iollet bona fide uos Orcus nudas in Charonium.*

Video tamen Lipsium Catomum in Cicerone probare. Nam allusit in Saturnalibus. Sed quaecumque harum lectionum uera, Ciceronis & Laberij loca nihil ad nostros Cathomos pertinent. V-

Molanus habet in primo extremo exempli, quod est ex S. Eulalia passione, Cathomis, & Cathomaretur. Sed uidetur erratum typographi

Vocabul. qui inscribitur. Breuiologus.

Eus. lib. 8. c. 11. Mammotreptus. & Luc. Vocab. interpretatur Cathomos uirgas ferreas.

Cic. ep. fa. li. 7. ep. 25. Si libido ridendi est, vide quid Amerbae. & Rutil. de Catonio commentii. De piet. fa. cris 6. 70.

Aduers. li. 1. cap. 32.

rus

vid. i. prio. & post. Ci- ce. castig. Gel. lib. 16 cap. 7. nus Iuuenalis scholastes, Catenarum & uinculorum nomine, flagella ferrea significare potuit, quæ reliqui uirgas dixere. Et quæ scio an quandoque uariatum? Vincula autem uerberandis reis etiam fuisse, iam notauimus.

Steph. in fragm. poet. net. Lips. Saturn. lib. 2. cap. 6. 35 TE CAEDI IUREAM] Pia antiquitas credidit Afram ante summam ignium pœnam, ut Tertullianus loquitur, more Romano ad palum deligatam uerberatam fuisse. Quod neq; ex hoc loco, in quo iudex tantum minis agit, neque ex hac omni historia constare potest. Non tamen reluctor. Cum sciam Christianis nihil de solitis suppliciorum accessionibus remitti, quin plurimum adijci consueuisse. Et fortassis huc facit quod Molanus inquit, dum pictores imagines ex imaginibus depingunt, tradunt aliquando posteritati, quod historia scriptor omisit. Flagellis autem humiles tantum personas, & seruos uerberari consueuisse ex pluribus iurisperitorum locis intelligimus, præsertim ex lib. 10. tit. 19. lib. 48. Digest.

Luc. 9. 36 CONFUSIO MIHI NULLA EST ETC.] Al- tère inbiberat, nihil turpe esse præter peccatum. Confusio, Pudor & uerecundia quia erubescimus. S. Cyprianus locum ex Luca, Qui me erubuerit, & meos sermones, hunc filius hominis erubescet, sic reddidit, Qui confusus me fuerit, confundetur cum filius hominis.

37 HOC EST QVOD OPTO, SI TAMEN ME REAR] Quam cupide martyrium amplexura sit, ostendit. Circumspectè tamen condicionem adijcit: Cum non ignoret, quod priori commentario ex Cypriano adduximus, Coronam de Dei dignatione descendere, neque posse accipi, nisi fuerit hora sumendi. Simile est illud S. Ignatii, Eligo enim pati, sed nescio an dignus sum.

Ad Trall. Vide Du- ar. titul. de quæst. c. 2. Cuiac. obseru. li. 14. ca. 34. Rescripti Ha- 38 TORQVERI TE FACIAM, ET POSTEA VIVAM INCENDI PRAECIPIAM] Peccat in leges Romanas, Per quas non licet quemquam pœna infligendæ causa torqueri. Quod Iurisperiti ex Adriani rescripto colligunt. Proinde Tertullianus ait, Apud tyrannos enim tormenta pro pœna adhibentur, in apologetico. Verum nullæ ipsam leges Christianis patrocinabantur.

dr. memori- 39 CORPVS IN QVO PECCAUI ACCIPIAT DIVERSA TORMENTA ETC.] Ut constanter, & infra-

infractè omnia contemnit, quo uitam æternam lucrifaciat. Verè
B. Ephrem, de extremo iudicio uerba faciens, inquit, Hanc quo-
 que diem mente uolentes sancti Dei martyres, non sunt
 miserati sua corpora, sed omne tormenti genus subierunt, *ni Dig. de*
 spe coronarum gaudentes. *Et est locus in ignitis illis Ignatij*
epistolis, Nulli æmulor uisibilibus & inuisibilibus, ut Iesum
 Christum merear adipisci Ignis, crux, bestiarumque con-
 stantia, abscissio; separatio, contractio, dissipatioque mem-
 brorum, interitus totius corporis, & flagella diaboli om-
 nia in me ueniant, ut Iesum Christum merear adipisci.

DICTAVIT SENTENTIAM] *Erat iudicis munus, 40*
 sententiam siue sua, siue aliena manu scribere. *Ado de S. Sabi-*
na, Præfectus dictauit sententiam. S. Cyprianus apud Pon-
tium enarrans uisionem, qua illi martyrium prædictum, Videbar
mihi tribunali sedentis tum proconsulis admoueri. Is ut
in me respexit, annotare statim in tabula cœpit sententiam.
Sententia deinde à iudice recitabatur, quod nos etiam Pontius
docet, Legit itaque de tabula iam sententiam iudex. Et in
Cypriani passione, His dictis decretum ex tabella recitauit.
Nisi placet præconem subintelligere. Augustinus inquit, Cum
 uerba iudicis præco pronuntiat, non scribitur in gestis, Ille
 præco dixit, sed, Ille Iudex. *Nam lex Valentis Valentin. &*
Gratiani, qua cauetur qui iudices sententias ipsi legere debeant,
qui per officium recitare possint, nondum erat lata. Morem quo in
dex sententiam recitabat, ponunt ob oculos Apuleij uerba, Præ-
co cum procōsule & ipse tribunal ascendit, & ipse togatus
 illic uidetur, & quidem per diu stat, aut ambulat, aut ple-
 rumque contentissimè clamat. Enimvero ipse proconsul
 inmoderata uoce rarenter, & sedens loquitur, & plerumque
 de tabella legit. Quippe præconis uox garrula ministerium
 est, proconsulis autem tabella sententia est, quæ semel lecta
 neque augeri littera una, neque autem minui potest, sed ut
 cumque recitata est, ita prouinciæ instrumento refertur.

A FRAM PVBLICAM MERETRICEM] *Vertit 41*
 in inuidiam meretricium nomen, quod ante conuersionem religio-
 ni tribuebatur. *Causam autem damnationis nullam comminisci*
 potest, præter unam Christianitatis professionem. *Idcirco Tertul-*
 lianus, *Quid de tabella recitatis illum Christianum? Cur*
 non

ni Dig. de
quæst. l. 21.
De uar.
crimen. in
ferno. l. 1.
Ep. ad
Rom.

De trin. l.
3. cap. 11.
Cod. de
sent. ex li.
recit. l. 2.

Florid. l. 1.

non & homicidam? Sed homicida Christianus. Cur non & incestus, uel quodcunque aliud nos esse creditis? In nobis solis pudet aut piget ipsis nominibus scelerum pronuntiare? Christianus si nullius criminis nomine reus est, ualde infestum si solius nominis crimen est.

42 *VIVAM INCENDI PRAECIPIMVS*] Christianos crebro hac poena affectos acta loquuntur. Et habemus testimonium ex Tertulliano. Cuius nomen identidem appellare libet, cū Christiana antiquitas ex nullo auctore uberius, & rectius hauriri possit, Vt ego quidē sentio. Pro tanta innocentia, pro tanta probitate, pro iustitia, pro pudicitia, pro fide, pro ueritate, pro Deo uiuo, Cremamur: Quod nec sacrilegi, nec hostes publici ueri, nec tot maiestatis rei pati solēt. Inde caquilādi occasionem nacti gentiles, uti mox uidebimus. Porro grauissimum, praereliquis omnibus, existimatum est ignis supplicium. Quod P. Faber ex Pauli I. C. uerbis colligit, quibus Magica artis conscios summo supplicio affici placuisse, id est bestiis obijci, aut cruci suffigi: ipsos autem magos uiuos exuri tradit. Et magno pere probabile est quod Baronius conyicit: Quia Christiani magicis artibus imbuti credebantur, ideo potissimum igni traditos. Quamquam ad o uarijs praeterea supplicijs in eos seuitum, Vt illa ad certas leges nequaquam reuocari possint. Nam extra ordinem de Christianis cognoscebatur. Et iudici extra ordinem cognoscenti, quam uult sententiam ferre licet, uel grauiorem, uel leuiorem (ait Vlpianus) ita tamen, ut in utroq; modum non excedat. Neque uerò periculum subesse uerebantur, ne modum excederent in illis, quos omnium scelerum reos, inmania exempla meritos existimabant.

43 *RAPTA EST A MINISTRIS, ET DVCTA*] Dammati, in quos ultimo supplicio animaduertendum, extra portam urbis, cum Roma, tum in prouincijs ducebantur. Quod pluribus exemplis, etiam domini nostri Iesu Christi, docet P. Faber. De iectos e saxo Tarpeio, & obiectos bestiis excipit. Adiungendi sunt reliqui populo in theatris, & circis exhibiti.

44 *IN INSVLAM*] Locus est ultra Licum, Cui religionem haecenus seruauit, condita postmodum ecclesia. Et quamquam hac aetate solum continens, tamen olim insulam fuisse neque situs depressior, neque fluminis conditio credere prohibet. Sine quod

Lici

Lici alueus illac quondam fluxerit, relicta in medio insula, quod plerique existimant: Seu quod emissus ex Lico riuus, spatium illud, priusquam flumini rursus coniungeretur, circumfluxerit. Nam huius generis riuos cursum saepe mutare, quotidie experimur. Et est hic primus ex triplici insularum modo apud Pomponium. Ait etiam Proculus, Intellego enim, cum ex altera parte insulae alueus fluminis exaruerit, defuisse insulam esse, sed quo facilius res intelligeretur, etiam agrum, qui insula fuerat, insulam appellant. Parum itaque errabit, qui hoc argumento, locum istum etiamnum insulam dicet. De ecclesiis dedicatis inuestigis passionis martyrum, exemplum in Victore Vticensi. Narrat Carthaginem à Geiserico captam, & ecclesias occupatas, Quae foras muros erant, quascumque uoluit occupauit, & praecipue duas egregias, & amplas, Sancti martyris Cypriani, unam ubi sanguinem fudit, aliam ubi eius sepultum est corpus.

Dig. de acquir. rer. dom. l. 30. § 56.

De Vand. pers. lib. 1.

LYCI FLUMINIS] *Licus aliquibus, Lyciam graeci Ptolemaei codices praefereunt, monet Ortelius. Nobile flumen, quod in alpidibus oritur, Augustam ab oriente praeterfluit, & in Danubium exit. P. de Natalibus Lethaeum habet, Sed male, Ad Cretam respexit, in qua Lethaeus.*

45 In thes geo gr.

EAM EXPOLIANTES] *A Iurisconsultis dicuntur Spolia, quibus indutus est cum quis ad supplicium ducitur. Illis spoliabantur damnati, Et pecuniae ex uenditione corrasae, ad utilitatem officij deferuebant.*

46 Dig. de bonis damn. l. 2. 6.

AD STIPITEM LIGAUERUNT] *Cremandi quoadque clauis affixi. Eusebius de Polycarpo, Cum illum clauis uellent affigere, dixit: Sinite me hoc modo; nam qui mihi patientiam ad ignis flammam sustinendas, pro sua clementia largitur, largietur etiam, ut sine commissuris clauorum, quibus me affigere statuitis, constans absque ulla corporis commotione rogo adhærescam. Idcirco illum non clauis, sed uinculis solum colligarunt. Item de Pionio martyre, Quam acerbos clauorum confixus pertulerit, quantam in rogo animi magnitudinem ostenderit. Sed uinculorum usus puto frequentior. Tertullianus in Apologetico. Licet nunc sarmentitios, & semaxios appelletis, quia ad stipitem dimidij axis reuincti, sarmentorum ambitu exurimur. Vbi Pā-*

47 Hist. li. 4. c. 14.

O melius

PASS. S. AFRAE ET SOC.

*melius annotauit ms. codices omnes ita habere, pro eo quod excu-
si, semisfios, & dimidij assis. In Scorpiaco alius est axis sensus.
At in libro de Penitentia eadem notione hunc stipitem axem di-
xit, In axe iam incendio adstrictio, in ipsa dico securitate,
& possessione martyrij.*

48 DOMINE DEVS ETC.] Sanctę martyris humilitatē
eximiam agnoscimus, Quę cum metu, & tremore salutem suam
operari didicerat. Nihil sibi arrogat, nusquam se attollit, sed eni-
xę deprecatur, & ad penitentię aram confugit. Sententię quam
antea iudici obiecit, Non ueni nocere iustos, sed peccatores
ad penitentiam, tamquam fundamento innititur.

49 QVA HORA CONVERSVS FVERIT PEC-
Cap. 18. CATOR ETC.] Multę extant huius generis diuinę promissio-
nes; Pręcipuę apud Ezechielem, Si autem impius egerit peni-
tentiam ab omnibus peccatis suis, quę operatus est, & cu-
stodierit omnia pręcepta mea, & fecerit iudicium, & iusti-
tiam: uita uiuet, & non morietur. Omnium iniquitatum
eius, quas operatus est, non recordabor; in iustitia sua, quā
operatus est, uiuet. Alio loco idem propheta, Impietas impij
Cap. 33. non nocebit ei, in quacumque die conuersus fuerit ab im-
pietate sua. Et post pauca, Si autem dixero impio, Morte
morieris: & egerit penitentiam a peccato suo, fecerit quę
iudicium, & iustitiam, & pignus restituerit ille impius, rap-
inam quę reddiderit, in mandatis uitę ambulauerit, nec
fecerit quidquam iniustum: uita uiuet, & non morietur.
Omnia peccata eius, quę peccauit, non imputabuntur ei:
Iudicium, & iustitiam fecit, Vita uiuet.

50 CIRCVM DATA SARMENTIS] En sarmento-
rum ambitus, propter quem Christiani sarmentitij dicti. Vbi etiā
paganica crudelitas elucet. Nam sarmenta languidum ignem cō-
Lib. 8. c. 13 cipiunt, quo assabantur martyres, extracta morte diutius per du-
Et c. 21. rissimos cruciatus, Cum ualidis flammis multo celerius pręfoca-
Frudent. ri, & extingui potuissent. Eusebius hanc scēitię speciem nota-
hęc crude- uit in Urbano Palestinę pręside, qui S. Timotheum: & in Fir-
mitate mul- miliano eius successore, qui martyres Porphyrium, & Iulianum,
tis uersib⁹ executur, lento, & remisso igni cremandos tradidere.
in S. Laur.

51 GRATIAS TIBI AGO DOMINE] Afra tan-
tam priore orationē profecit, ut iam in securitate, & possessione
mar-

martyrii constituta (sic Tertullianus loquitur) plena fiducia, non quasi in incertum currens, neque de diuina gratia quidquam addubitans, semet hostiam Deo offerre audeat. Cuiusmodi exempla, permulta ex martyrum historijs liceret adducere, Sed uno contenti sumus, illoque maximè illustri. S. Polycarpus itidem in rogo constitutus, sese hostiam offerens, pluribus hisce uerbis Deo gratias egit, Pater dilecti, & benedicti filij tui Iesu Christi, per quem tui cognitionem accepimus, Deus angelorum, & potestatum, Deus totius creaturæ, & iustorum cuiusque generis, qui uiuunt in conspectu tuo, Tibi gratias ago, quod me huius diei, & horæ celebritate donasti, in qua cum in martyrum numero, tum in calice passionis Christi tui, tormentorum particeps fiam, in resurrectionem uitæ æternæ, tam animæ quam corporis, per immortalem spiritus sancti uirtutem. Inter quos quæso martyres, hodie in conspectu tuo, pro hostia pingui, & accepta admittar: sicut præparasti, præ significasti, & iam tandem compleuisti, qui Deus uerus es, & omnis mendacij expers. Ac propterea præ ceteris omnibus te laudo, te benedico, te glorifico, per Iesum Christum dilectum tuum filium, pontificem æternum, per quem tibi, cū eo, in spiritu sancto gloria, nunc & in futura secula seculorum Amen. *Et si uerba euariant, tamen sensus cum Afræ oratione coincidit.*

*Ex f. hist. li.
4. c. 14.*

QVI PRO TOTO MVNDO SOLVS HOSTIA
OBLATVS ES IN CRVCE] *Hæc, & quæ sequuntur,*
fere in centonis modum ex sacris litteris collecta sunt. Christus
semel oblatus est, Vnam pro peccatis offerens hostiam, Nō
pro nostris autem tantum, sed etiam pro totius mundi.

*Ad Hebr.
9. 10.
1. Ioan. 2.*

IUSTVS PRO INIUSTIS] Mortuus est iustus
pro iniustis, ut nos offerret Deo.

*53
1. Pet. 3.*

MVNDVS A PECCATO, PRO PECCATO-
RIBVS VNIVERSIS] Qui peccatum non fecit, ne-
que inuentus est dolus in ore eius. Qui non nouerat pecca-
tum, Peccata nostra ipse pertulit, in corpore suo super li-
gnum.

*54
1. Pet. 2.
2. Cor. 5
1. Pet. 2*

SECVLA SECVLORVM, AMEN] *Ita preces*
concludi solere, monuimus ex Chrysostomo: Et proximè in poly-

O 2 carpi

carpi oratione uidimus. Aeternitatem per secula seculorum significari non est dubium. Rationem habes apud Albinum Flaccum, Dicuntur Secula Seculorum, tamquam secula in sapientia Dei firma stabilitate manentia, istorum, quæ cum tempore transeunt, efficientia secula seculorum. Aut certe simpliciter accipienda sunt Secula Seculorum, uelut consequentia præcedentium, ut continuata sibi connexionē copulentur, quæ dicuntur Secula Seculorum, donec præsens, quod ex diuersis temporum seculis contextitur, perueniat ad finem, & succedat futurum Seculum, quod non habet finem, Vbi Deus uidebitur, & laudabitur sine fine.

56 **EMISIT SPIRITVM]** Corpore illæso. Quod postea puellis repertum, hodie quoque integrum colitur: nisi quod exiguæ particulæ ab Embricone, & Hermanno Augustanorum episcopis ablata. Huius generis miracula aliquot prodita sunt. Iulitta martyris Cappadox, de qua S. Basilij oratio, In ignem coniecta spiritum Deo reddidit, corpus autem à flamma mansit illæsum. Agape, & Chronia uirgines, In ignem missæ, sed à flammis intactæ, ibi oratione ad dominum fusa, animas reddiderunt. Flauia Domitilla, Euphrosyna, & Theodora uirgines, incenso cubiculo mortem oppetiere: Postera die Cæsarius inuenit corpora sanctarum uirginum illæsa. In facies enim suas prostratæ, orantes dominum recesserant. Eustachius, Theopistes, Agapius, & Theopistus, in boue æneo candenti examinati sunt, quo post tres dies aperto, corpora nullum ignis ostenderunt uestigium. Qui enim pueros in Babylone ex camino ardenti uiuos educere, idem facile flammarum iniuriam ab eorum corporibus prohibere potuit, quorum animas per martyrium ad se euocare uoluit.

Mari. R. 30. Iulij.
Mart. R. 3. Apr.
Mart. Ad. 7. Maij.
Metaph. 2. Non.
Ex. de ob. seru. Ier. iun. Consilium.

Dies passionis S. Afræ colitur Augustæ VII. Id. Aug. Consistentibus Beda, & Vandelberto: Roma Non. Aug. Suffragantibus Vsuaro, Adone, & Maurolyco. Differentia hinc orta uidetur, quod Augustæ Nonis de S. Afro patruo agatur. Ceterum recte faciet qui hac in re suæ regionis consuetudinem sequitur. Quod Innocentius III. Pont. Max. in S. Bartholomæi festinitate faciendum rescripsit.

57 **ET SOCIORVM]** Hæc inscriptioni adiecta sunt, ab eo qui S. Quiriacum, & reliquos XLV. capite cæsos historie subiun-

inaxit. Nam manifestum est Hilarie, & puellarum passionem
consue non pertingere.

MARTYRII PALMAM] Figurata uictoriam qua Afra 58
moriendo consecuta est significat. Palma enim semper uictoriae
hieroglyphicum fuit. Hinc ecclesia martyrum mortes uti coronas,
ita palmas nominare consuevit. Et in imaginibus peculiare mar-
tyrum insigne Palmæ ramus est. Ambrosius, Præmium quod- 59
dam est palma martyrij: quæ confitenti lingue dulcem fru-
ctum tribuit, & uictrici dexteræ gloriosum præbet ornatu.
Est planè palma martyribus suavis ad cibum, umbrosa ad
requiem, honorabilis ad triumphum, Semper uiuens, sem-
per uestita folijs, semper parata uictoriæ. Atque ideo non
marcescit palma, quia martyrum uictoria non marcescit.

STABANT IUXTA RIPAM FLUMINIS] In 59
citeriori Lyci ripa, stabant puellæ, supplicium dominæ eminus spe-
ctantes, quod fortasse propius accedere prohiberentur.

ROGAVERUNT DESCENDENTES DE BAR 60
CA] Intelligimus Lycum tunc ponte non fuisse iunctum, sed na-
uiculas traieciui inseruisse. Est barca minoris nauigij genus, cuius
meminit Isidorus, & Paulinus his uersibus, 61

Vt mox salubri barca perfugio foret
Puppi superstes obruta.

Paul.
Cyther.

Plura de Barcis ex Ethico, Histro, & Herodoto collegit Gyr-
aldus de re nautica. In Notitia est, Præfect. classis Barcariorum.

INVENIERVNT SANCTAE AFRAE INTE- 61
GRVM CORPVS] Diocletianus, & Maximianus A.A.
rescripsere, Obnoxios criminum, digno supplicio subiectos,
sepulture tradi non uetamus. Id multo ante Augustus obser-
uauit. Et quamquam postea obtinuit damnatorum corpora non ali-
ter quam petita, & permissa sepeliri, permittebantur tamen qui
buslibet petentibus: excepto si qui maiestatis rei damnati. Cre-
matorum Vlpianus nominatim meminit, Eorum quoque cor-
pora qui exurendi damnantur, peti possunt: scilicet ut ossa
& cineres collecta, sepulture tradi possint. Verum enimuero
ut in rebus ceteris, sic in hac etiam Christiani longè deterrima, &
iniquissima condicione uiuebant. Martyrum corpora nullis preci-
bus

Cod. de re
lig. & sum-
pt. fun. l. ii
Dig. de ca-
dan. punit.
l. i. & 3-

Acta apud bus donabantur: Immo clementia species uidebatur, pretio quan-
Sur. 5. lun. tumuis magno concedere. Truncus, & caput S. Bonifacii in Ci-
 licia passi, quingentis aureis redempta sunt. Sæpius feris lani-
 da obiciebantur, quandoque in cineres soluebantur: uel eam ob-
Hist. lib 4. causam, ne sanctis reliquijs meritis honor a Christianis deferre-
c. 14. tur. Mortuo S. Polycarpo, inquit Eusebius, Certi homines
 patrem Herodis, Dalce fratrem submonebant, ut præsidem
 exoraret, ne corpus eius cuiquam daret, ne Christiani, in-
 quiunt, Crucifixo illo derelicto, hunc uenerari incipiât.
 Centurio igitur gentili more conburendum curauit: Christiani ta-
 men ossa eius, potiora lapillis pretiosis, auroque puriora (uerba
 sunt ecclesiæ Smyrnenfis) ex cineribus selegere, & eo loco repo-
 suere, qui illis erat consentaneus. Ita quoque martyrum Lugdunen-
 sium & Viennensium corpora sub Vero cum sex dies sub dio iacuis-
 sent, diligentissime obseruata, ne à fidelibus surriperentur, neque
 precibus, neque magna pecunia vi obtineri possent, tandem ab im-
Eus. li. 5. c. pijs illis & facinorosis carnificibus exusta, inq; cineres re-
1. Eundem dacta, in Rhodanum fluuium, qui illic in proxima defluit,
more agno spargebantur, quo nullæ quidem illorum reliquiæ super ter-
sce apud ram amplius extarent. Subijciam egregium locum huius argu-
Ammian. menti, ex actis S. Hadriani & sociorum martyrum, qui simul ape-
Marc. libr. riet quantopere sanctorum reliquijs fideles antiquitus inhiarint,
22. in caus Maximianus autem iussit corpora eorum flammis exuri,
ja Georgij, dicens; Ne forte ueniant Galilæi, & tollant ea. At beatissi-
Dracontij, ma Natalia abscondit manum S. Hadriani in sinu suo, ne
& Diodori ignibus absumeretur. Itaque carnifices ad tyranni uolun-
Arrianorū tatem asportabant corpora martyrum, ut ea concremarent
 in fornace ardenti, quæ iam parata erat. Sequebatur autem
 eos beata Natalia, excipiens stillantem à martyrum cor-
 poribus sanguinem, atque eo suum corpus liniens. Seque-
 batur etiam aliæ mulieres religiosæ, & honesto loco natæ,
 martyrum sanguinem in lintheamina, & purpuram suscipiē-
 tes, atque aliæ in sinu suo sanguinem illum abscondebant.
 Ipsas quoque carnificum uestes, quæ sanctorum martyrum
 sanguine infusæ erant, clarissimæ feminae multo auro, &
 gemmis, pretiosisque ornamentis sibi comparauerunt.
Orat. in Hæc illi fidei innituntur, quam Gregorius Nazianzenus de mar-
Iul. 1. tyribus profitetur, Quorum, inquit, uel sola corpora idem
 possunt

possunt quod animæ sanctæ, siue manibus contredentur, siue honorentur: quorum vel solæ sanguinis guttæ, atque exigua passionis signa, idem possunt quod corpora. Et cum se res ita haberet, nihil mirum est corpora martyrum inhumata, feris anibusque obiecta, si quando minus accuratè custodirentur; à Christianis, etiam capitis periculo surrepta fuisse. Quod hic accidit. Et referta sunt martyrum acta laudatissimis huius generis furtis. Quibus nox præcipue erat accommoda, quod per tenebras facilius laterent. Vnde magnopere queruntur ecclesie Gallicæ apud Eusebium, in epistola quam citauimus, ob assiduam custodum diligentiam nullam in nocte reliquam spem esse. Grauis enim sententia est cleri Romani apud S. Cyprianum, Corpora Ep. 3. martyrum, aut ceterorum, si non sepeliantur, grande periculum imminet eis, quibus incumbit hoc opus.

VENIT NOCTE] *Et si temporum ratio minus exactè 62 distinguatur, tamen colligimus hæc proxima nocte post supplicium non contigisse. Nam cum inferius narrètur, Hilariam, & puellas ea ipsa die qua Afra sepulta, passas esse, harum autem martyrium Prid. Idus Aug. celebretur, Profecto consentaneum est hic de nocte, quæ Prid. Idus proximè antecedit sermonem ferri. Neque absurdum, Afræ corpus per aliquot dies insepultum iacuisse; quod non nisi summa cautione, & captata occasione sepeliri posset. Simile est quod Luciano presbytero in ecclasiâ raptò, Gamaliel de S. Stephano narrauit, Die ac nocte iacuit proiectus, ut sepulturæ non daretur, secundum mandatum impiorum principum, ut a feris consumaretur corpus eius. Ex domini autem uoluntate non tetigit eum unum ex his, nō fera, non auis, non canis. Ego Gamaliel compatiens Christi ministro, & festinans habere mercedem à domino, & partem cum sancto uiro fidei, misi per noctem quantos poteram religiosos Christianos, & in Christo Iesu fideliter credentes, habitantes Hierusalem in medio Iudaorum; & hortatus sum eos, & necessarias substantias ministraui, ac persuasi illis ire occultè, ut portarent corpus eius meo uehiculo in uillam meam, hoc est in Caphargamalam, quod interpretatur uilla Gamalielis, uiginti millia habens à ciuitate. Et ibi feci illi planctum fieri diebus septuaginta, & ponere eum in meo monumento nouo, in orientali theca, & præcepi*

Sur. 3.
Aug. habet
Luciani
epistolam.

Bar. in no-
tat. mart.
3. Aug.

cepi meis, ut quaecumque necessaria erant pro eius plan-
ctu, de meo darent. *Quae ex ueteri historia, quam omnis ecclesia
approbat, ut pluribus docet Baronius, describere placuit, quod me-
ram pietatem spirare, & ad res nostras proximè accedere uisa.*
*Sin cui haec temporum digestio minus arridet, is existimet licet,
Hilariam corpus prima nocte abstulisse, funus usque in diem ante
Idus extractum fuisse.*

Eccles. hie.
cap. 7.

Apud Euf.
lib. 7. c. 17.

Eu. c. 19.

Dial. lib.
4. cap. 36.

1. Reg. 31.

Cap. 34.

Misce. lib.
2. cap. 11.

CVM SACERDOTIBVS DEI, ET TVLIT
CORPVS EIVS] *Ex Dionysio Areopagita constat, iam
inde ab Apostolorum etate, certos apud Christianos ritus extitisse,
quibus homines ecclesiastici defunctorum cadauera sepulchro
committerent. Eos cum enumerasset, & causas explicasset, sub-
iungit, Ita si uiderint profani, latè puto ridebunt, nostrum
que miserebuntur errorem. Neque est sanè cur miremur;
nisi enim crediderint (iuxta scripturae fidem) non intelli-
gent. Notat ille quidem profano nomine gentiles, sed qui prae-
rea has easdem caeremonias irrideant, palam est. Quomodo ipsa
cadauera curarentur, discimus ex Dionysio Alexandrino, Sancto-
rum corpora manibus erectis supinisque excipere, gremio
suo reponere, occludere oculos, ora obturare, gestare hume-
ris cadauera, decenter ornare, illis adherescere, amicè com-
plecti, lauare accuratè, & linteo funebri inuoluere, non gra-
uati sunt. Ornatus nomine, condituram complectitur. Nā Chri-
stiani, Iudeos imitati (quibus cum aromatibus sepelire mos erat,
auctore S. Ioanne, praeter ceteros) mortuorum cadauera condire
soliti. Hinc Gregorius Romanus, Pigmentarij, & medici in fu-
nere meminit. Quamquam de Iudeis scrupulum inicit, quod duo
in sacris litteris loca sunt, ex quibus facilius cadauerum ustio,
quam conditura probari uideatur. Vnus de Saulo, Tulerunt
cadauer Saul, & cadauera filiorum eius, de muro Bethsan:
ueneruntque Iabes Galaad, & combusserunt ea igni: & tu-
lerunt ossa eorum, & sepelierunt in nemore Iabes. Alter
apud Hieremiam, Audi verbum domini Sedecia Rex Iuda,
Hæc dicit dominus ad te, Non morieris in gladio, sed in
pace morieris: & secundum combustiones patrum tuo-
rum, regum priorum qui fuerunt ante te, sic comburent te.
At Hieron. Magius ostendit ex Rabbinorum commentarijs, San-
lum ideo contra consuetudinem exustum, quia cadauer iam putri-
dum,*

dum, & vermibus scaturiens, ad condiendum erat ineptum. Cremationem quæ Sedecie promittitur, non de ipso cadauere, sed de aromatibus, quæ supra cadauer urebantur, accipiendam. Ideo dictum, Secundum combustiones patrum tuorum. Huius combustionis extare exemplum in Rege Asa, Posueruntque cum super lectum suum, plenum aromatibus, & unguentis meretricijs, quæ erant pigmentariorum arte confecta, & combusserunt super eum ambitione nimia. Quin, & supellestiliæ regiam quandoque simul comburi consueuisse. Sed hæc obiter. Quibus unum adijciam, Tacitum vtut rerum Iudaicarum imperitum, in eo non fallere, quod scriptum reliquit, Iudeos corpora condere quam cremare, e more Aegypto. Primus enim Iacob in Aegypto conditus aromatibus, ab Aegyptijs medicis, Iosephi seruis. Ad Christianos redeo. Illis condiendi rationem non vnā fuisse liquet. Tertullianus ait, Sabæas merces carius profligari Christianis sepeliendis, quam alijs suffumigandis. Et alibi de aromatibus loquens, etiam hominibus ad pigmenta medicinalia, nobis quoque insuper ad solatia sepulturæ usui sunt. Ita apud alios, sæpe aromatum, & unguentorum mentio fit in hac causa. At Eunnapius salita martyrum capita irridet. Atque uerisimile est pro locorum condicione, facultatum copia aut inopia, variatum esse. Quod etiam apud alios contigit. Aegyptij quāuis aromatibus, & odoribus affluerent, tamen ex Herodoto discimus, eos triplici conditura usos. Quarum prima constabat uino Phœnicio, farctura myrrhæ puræ, casia, ceterorumque odorum (excepto thure) & gummi illitu. Secunda (cuius Plinius paulo aliter meminit) nitro, & vnguine cedrino. Postrema, quæ minimi sumptus, ablutionibus, & exsiccatione. Omnibus interim salutura septuaginta dierum adhibebatur. Strabo lib. 16. Aegyptios bitumine quoque ad mortuorum condituras usos significat. Babylo nij melle condiebant. Aethiopes mortuos arefactos gypso inducebant. Scythæ Regum corpora cerâ; Quod Cicero de Persis perhibet. In lapide quem exscripsit Morales antiquit. Hispanic. lib. 7. c. 3. legitur de C. Lælio, MATER. AD. LVCTVM. ET. GEMITVM. RELICTA. EVM. LACHRIMIS. ET. OPOBALSAMO. VDVM. HOC. SEPVLCHRO. CONDIDIT. S. Afræ corpus, ab Embricone episcopo repertum, quodam candidissimo cæmento obductum

P fuisse

2. PAR. 16.

Hist. lib. 3.
Gen. 50.

Apol. c. 42

De Idolol.

De uitis
Philos.
Aedefio.

Hist. lib. 2.

Plin. li. 16.
c. 11. & li.
24. c. 5.Herod. de
Eabyl. lib.
1. de Aethiop. 3. de
Scyth. 4.
Cic. Tuscul.
9. lib. 1.

fuisse proditum est. Cogitani aliquando an id ad conditurā perti-
 neret. Magnus enim calcis in medicina usus, ut Plinius annotavit:
Plin. li. 36. c. 24. Neque fortassis ineptus huic fini. Siue caro tabefacienda (quod
Aegyptios in nitro spectasse Herodotus innuit) Calcis uiuæ mor-
Diosc. lib. 5. cap. 91. dax, & caustica uis est, ex Dioscoride: Siue cadauera alioquin
Gal. de sim. pl. med. fac. lib. 9. exiccanda, Galenus tradit calcem sæpius aqua lotam, ualde sicca-
Hist. lib. 8. re, absque ulla mordacitate. Accedit, quod apud temperatam, &
 illitam, aeris iniurias nihilo minus quam gummi, cedrii, bitumē,
 mel, gypsum, aut ceram prohibere crediderim. Verum hæc ad re-
 rum naturalium quasitores rejicio. Illud tamen memorandum,
 quod Maffei in Indicis prodidit, Sub Ioanne III. Lusitanie
 Rege, corpus D. Thomæ Apostoli fere eodem modo conditum, Me-
 liapore in Coromandelio littore inuentum esse. Scilicet immista
 calci, & arene, candidissima specie ossa: appositā lanceæ cuspi-
 de, & uiatorij baculi frusto, atque uase fictili. Linteam funebre,
 quod Dionysius Alexandrinus appellat, est etiam ex Iudeorum
 moribus petiitum. Sindonis, qua sanctissimum Christi mortui cor-
 pus inuolutum est, meminere omnes euangelistæ. Christiani inter-
 dum maioris pretij pannos adijciebant, Apud Gregorium Nyse-
 num in funere Meletij episcopi Antiocheni, habentur sindones
Ex Marty. Damasc. Pont. c. 28. munda, & panni serici. Et S. Eutychianus Pontifex, Qui per
 diuersa loca CCCXLII. martyres manu sua sepeliuit,
 Ante hæc tempora constituerat, Vt quicumque fidelium mar-
 tyrem sepeliret; sine dalmatica, aut colobio purpurato nul-
 latenus sepeliret; dum tamen huius constitutionis ad il-
 lum peruenisset notitia. Est autem Dalmatica, ut explicat Isi-
 dorus, tunica sacerdotalis candida, cum clauis, & purpura,
Orig. li. 19. c. 22. Am- mal. de eccl. off. li. 2. c. 21. Al- bin. de diu. off. Rab. de instit. cler. lib. 1. c. 20. Cuiac. obseru. li. 12. c. 39. siue cum duabus lineis ut Ammaliarius, Albinus, Rabanus; quæ
 quod manicata sit, crucis speciem aliquo modo referre uidetur,
 hisdem auctoribus. Colobiū uestem sine manicis esse Albinus ait,
 idem Isidorus significat. Cuiacius annotauit, Acronem Horatii
 interpretem Latum clauum, Purpuram, quæ in senatorum pe-
 ctore extenditur, & colobium pro re una eadem accipere. Atque
 alterutra istarum uestium, potissimum colobio, Afræ corpus orna-
 tum fuisse, persuadet cum Pontificia constitutio, quæ multis an-
 nis præcesserat, tum quod S. Dignæ corpus, inuentum sub eo, quæ
 nominati Embricone episcopo, optima purpura (ita in litteras
 relatum) inuolutum fuerit: Eam ego colobium purpuratum in-
 terpre-

interpretor, Et idem de S. Afra credere par esse opinor. Romani etiam mortuos in honestissima ueste efferre soliti. *Vulgus* civium in vulgari toga, magistratus in prætexta, Censores in purpura; Quod Lipsius ex Iuvenali Martiali, Plutarcho, Artemidoro, Polybio, Linio, Apuleio observavit. Et nescio an Eutybianus eum morem respexerit. Porro illud etiam ad observationes de cadauerum conditura pertinet, Mulierum studium in hoc pietatis officio præcipue enituisse. Deuotus sexus (est ab ecclesia elogium) qui iam olim ad ungendum Christum in splendido positum properavit, Christi quoque membra hoc uenerationis genere prosequi uoluit. Hinc in Actis SS. Tharaci, Probi, & Andronici, quæ Baronius in secundo Annalium tomo edidit, Maximus Preses dixit, Putas quia mulierculæ aliquæ corpus tuum habent aromatibus, uel unguentis condire iniquissime? nam de hoc est cogitatio, ut reliquias tuas perdam. Paucis interiectis, Nonne sic te perdam, & sicut antea prædixi, & reliquias tuas, ne mulierculæ in linteamine corpus tuum inuoluât, & unguentis, & odoribus adornent? Sed scelestè iubebo te comburi, & cineres tuos in uentum dispergam.

POSUIT SECUNDO MILLIARIO DE CIVITATE AVGVSTA] Notum est Romanos itinera per milliaria mensos. Hæc mille passibus, siue ut Vitruvius ait, quinque millibus pedum constabant. Nam Plinius quoque passui quinque pedes tribuit, Et errant qui eum sex pedum statuere. In Italia plerique uic originem sumebant ab urbe Roma; Erat ei rei statuta columna in foro, quam Milliarium aureum dicebant. In prouincijs à præcipua colonia, siue municipio. Supersunt tres lapides Viri, & unus haud procul Oeniponte, Vithaimi, uiarum indices ab Augusta M. P. XXXXI. M. P. XXXXII. M. P. XXXXIII. & MIL. PASS. CX. A Ioanne Pistorio Nidano V. G. accepti inscriptione Sen. Alexandri, in agro Badensi effossâ, in qua milliarium loco, Leucæ, siue Leugæ posita, A. B. A. Q. LEVG. IIII. Cuiusmodi nullum præterea exemplum obseruare memini. Videntur in re præsentem, an quattuor Leucæ, spatium sex millium passuum ab Aquis) Badenas interpretantur) conficiant. Nam Ammianus Marcellinus XIV. leucas XXI. M. P. explicat.

IN MEMORIAM QVAM SIBI SVISQVE CONSTRVXERAT] Memoria est (Cicerone defini-

De inuent.
li. 2.
In actis S.
Saturnini.
Quorū me-
minit Au-
gust. in bre-
uic.
Smetius f.
121. n. 9. et
f. 132. n. 2.
Aug. de cu-
ra p. mort.
6. 4.

te) per quam repetit animus ea quæ fuerunt. Quæ hanc in-
 uant, & excitant adminicula externa, figurata locutione interdū
 memoriæ dictæ. Ita reperias Memoriam, pro eo quod Memoriale
 vulgo. Hinc etiam apud Christianos, sepulchris Memoriam nomen
 inditum. Quamquam idem nomen in inscriptionibus non Chri-
 stianis legere est, SERVILIUS. TROIIVS. SE.
 VIVO. COMPARAVIT. MEMORIAM. SI-
 BI. ET SVIS. Item COMPARAVERVNT. SI-
 BI. MEMORIAS. II. Augustinus his uerbis rationem
 reddit, Non ob aliud uel Memoriam, uel monumenta dicen-
 tur, ea quæ insignita sunt sepulchra mortuorum, nisi quia,
 eos qui uiuentium oculis morte subtracti sunt, ne obliuio-
 ne etiam cordibus subtrahantur, in memoriā reuocant, &
 admonendo faciunt cogitari: nam & Memoriam nomen id
 apertissime ostendit, & Monumentum eo quod moneat
 mentem, id est admonet, nuncupatur. Propter quod & græ-
 ci *μνησίων* uocant, quod nos monumentum seu memo-
 riam appellamus, quoniam lingua eorum memoria ipsa
 qua meminimus *μνήμη* dicitur. Atque ubi de martyrum
 Memoriam sermo est, nonnunquam ita accipiendæ sunt. Non-
 nunquam reliquæ ipse, ex eadem causa, memorie nuncupatæ,
 Neque aliter capies apud Augustinum Memoriam S. St. pha-
 ni, quam Lucillus episcopus manu portauit, At memoria, quam
 Afra. SIBI. SVIS QVE (obserua solennem epitaphio-
 rum formulam) construxerat, sepulchrum aperte significat. Id-
 quæ grandiusculum fuisse, ex illis, quæ sequuntur cognoscimus.
 Fortassis in edicule formam, quales permultas uia Appia, &
 alijs vijs prope Romā extitisse, ruinæ ostendunt: In quibus singulo-
 rum cadauerum loculi distincti, quod hic quoque suspicor. Aut
 cella subterranea fuerit (quod mihi probabilius) Petronio Ar-
 bitro Conditorium & hypogæum, Non contenta uulgari mo-
 re funus passis prosequi crinibus, aut nudatum pectus in
 conspectu frequentia plangere, in Conditorium etiam pro-
 sequuta est: positum in hypogæo græco more corpus custo-
 dire, ac flere totis noctibus, diebusque cepit. Et martyrum
 corpora frequentissime in his cryptis condita. Locum, quantum-
 uis diligenti inuestigatione, hætenus assequi, non potui, neque spes
 est in posterum. Nam cum sanctæ martyris corpus, per diu igno-
 ratum,

De cin.
Dei li. 22.
1. 8.

ratur, ante annos amplius DC. in ea qua hodie colitur ecclesia à S. Valrico episcopo inuentum fuerit, neceſſe eſt fateamur, translationem ex primo ſepulchro, multo prius, priſcis retro temporibus contigiſſe: Et ex eo Memoriam negligi cœpiſſe. Quam dudum uetulaſte collapsam, & quidquid eius ſupra ſolum extabat, ſi quid extabat, hoſtium incurſione (pleraque ager Auguſtanus expertus eſt) deiectam crediderim. Profectò ſi ullius antiqui exemplaris lectione iuuarer, lubens pro his uerbis, Poſuit ſecundo milliario de ciuitate Auguſta, ſubſtituerem, Poſuit ſecundo milliario prope ciuitatem Auguſtam, uel aliquid ſimile. Et intelligeremus prope ciuitatem Auguſtam, ſecundo milliario à paſſionis loco. Id conueniret ſolo eccleſiæ, in qua hodie Afra condita, Quin ipſi cryptæ, quæ in eccleſia, religione celebris. Hæc enim loca extra urbem illo ſeculo. Sed cum libri manuſcripti omnes uulgatam editionem tueantur, correctio nimis fortasſe aulæ. Cogitandum tamen.

N V N C I A T V M A V T E M E S T G A I O I V D I - 66
C I] Nuntiatum eſt Afram ſecus, quam ille iuſſerat, ſepulchro à familiaribus conditam: Et matrem cū ancillis in ſepulchro latere. Pro latibulo enim Chriſtianis ſepulchra erant. Chryſoſtomus, deſcribens perſecutionis tempora, Hi quidem in monu- Hom. 40.
ad pop. mentis, & ſepulchris, hi uerò in deſertis latitabant. Mulieres teneræ & delicatæ, continua fame detinebantur. Itaque conſidera ſi qua tunc pretioſi ſumptus, ſi qua deliciarium erat delectatio. Subijt ne concupiſcentia unquam mulierem in ſepulchro latentem, & expectantem ancillulam, ut ueniat prandium afferens, & ne forte deprehenſa ſit trepidantem, Et in timore tãquam in fornace iacentē?

I T E E T T E N E T E E A S] Iſta credam occaſionem 67
præbuiſſe P. de Natalibus, cur ſcriberet Hilariam cum puellis catenis fuiſſe uinctas, quod ex hac hiſtoria cæteroquin non liquet. Vnde uerò hauſerit Memoriam ſiue Monumentum ligneum fuiſſe, clam me eſt. Facilius perſuadear de lapideo, uel lateritio, quod ætque conſeruandæ memoriæ aptius. Neque aliàs facile ſepulchra ex ligno.

C V M H O N O R E E A S A D D V C I T E A D M E, 68
V T R E M V N E R E M I L L A S C E N S V D I G N I S -
S I M O] Perpauperes has mulieres fuiſſe, ex eo conſequitur,
quod

Dig. de
bo. damn.
l. i.

Orat. de S.
Theod.

quod Afra bona sua egenis donauerat, & si qua superassent, fisc o-
cessissent eâ lege, quâ bona publicantur, cû aut uita adimitur,
aut ciuitas, aut seruilis conditio irrogatur. Ideo spes facta
iudici, posse illarum animos pecunia corrumpi. Quamquam etiam
aliâs honorum & pecuniarum pollicitationibus martyrum con-
stantia tentata. Gregorius Nyssenus auctor est iudices ita ad S.
Theodorum loquutos, Scito, quod si consilium nostrum obe-
dienter admittere uolueris, protinus te ex obscuro nobi-
lem, ex humili, despecto quæ, & inglorio, honoratum effici-
mus: ac tibi Pontificatus dignitatem promittimus. De
X^{LI} martyribus D. Basilius, Ad hæc pecunias polliceba-
tur (præfectus) partim quæ dabat: honores item à Rege, &
dignitatum distributiones: & innumeris ipsos uersutius de
bellare conabatur.

Hom. de
Iuliana.

69 IMplete MEMORIAm CREMIIS ETC.]
Ista neque lege, neque more iussa. Quis ferat damnari absen-
tes, causa non cognita; Immo cognitionem, & executionem si-
mul militibus demandari? Quæ apertè tyrannica. Sed hæc erat
tunc temporis Christianorum conditio, ut iam monuimus. Inde
Basilius narrat, S. Iuliana litiganti propositionem prætentam, Ne
gantem quidem Christum, legibus fruituram esse, & utili-
tate ex ipsis; amplectentem uero fidem, neque foro iudi-
ciario, neque legibus, neque reliquæ Reipublicæ partici-
pem fore.

70 CLAUDITE ETC. VT NVLLA EX EIS
EVADAT] Cautio minus necessaria, si catenis colligatæ e-
rant. Vt uel hinc ea opinio uacillet.

De S. Ro-
mano, Me-
mento ma-
tris, iam
patrone ex
filio.

Mat. 3.
Dec.

71 EVNTES AVTEM AD EAS] Martyrologia habet,
Hilariam ad sepulchrum filic excubantem, igni traditam. At piæ
huius generis excubie, non nisi orationis causa fiebant. Et si uer-
sum ex Prudentio paululum immutamus,
Memento matris, iam patrona ex filia,
Videri poterit compendium eorum, quæ Hilaria precata. Altera
Hilaria Claudij tribuni uxor, eundem prope nitæ exitum sortita
est Romæ, Cum filiorum corpora sepelisset, ad eorum sepul-
chrum orans, paulo post à paganis tentâ, migravit ad do-
minum.

72 MILITES] Erant ex militum numero Spiculatores, seu
uerius

uerius Speculatores: bi gladio tantum in damnatos animaduerte-
bant. Iulius Firmicus, Speculatores faciet, qui nudato gla-
dio hominum amputent ceruices. *Graviora, & scdiora sup-
plicia Romæ carnis ex irrogasse creditur, Quem ea de causa adeo
auerfabantur, ut neque ciuitatis ius, neque domicilium in urbe
permitterent. At in prouincijs hoc etiam munere milites sanctos
certum est. Idque non tam ex Hilaria supplicio, in quo multis mo-
dis à Romanarum legum constitutionibus discessum, quam quod
Euangelistæ prodiderunt, dominum nostrum Iesum Christum à mi-
litibus cruci suffixum.*

*Lib. 3. cap.
26.*

*Vide Polle-
um fori
Rom. l. 6. §.
c. 14.*

VBI VIDEBANT OMNES SIMVL CON- 73
TEMNERE SACRIFICIA] Non multum aberrabi-
mus, si sanctas scēinas tali o- rione usas credamus, qualem D.
Basilius LX. martyribus tribuit, aduersus tyrannum. Hæc qui-
dem longiuscula, tamen eo pietatis succo condita est, ut æqui lecto-
ris fastidium facile effugiat, Quid, inquiunt, inescas nos o-
hostis Dei, ut a Deo uiuentes discedamus, & perniciosus
dæmonibus inferuiamus, bona tua nobis offerens? Quid
tantum dederis quantum auferre conaris? Odi dona pæ-
nas largientia, non suscipio honorem ignominia matrem.
Pecunias das remanentes, gloriam deflorentem. Notum fa-
cis Regi, uerum à uero Rege abalienas. Quid parcè pauca
ex mundanis rebus offers? totus nobis mundus contem-
ptus est. Non sunt cum nostra spe comparanda omnia, quæ
oculis uideri possunt. Vides cælum hoc quam pulchrum
aspectu est, quam magnum, & terra quanta, & quæ sunt in
ipsa admiranda? Nihil ex his adæquari potest beatitudini
iustorum: hæc enim prætereunt, nostra autem manent.
Vnum concupisco donum, Iustitiæ coronam. Circa unius
gloriæ admirationem stupeo, Eius uidelicet, quæ est in re-
gno cælorum. Ambitiosus sum ad supernum honorem. Sup-
plicia metuo in gehenna, ille mihi ignis horrendus est:
Quem uero uos intentatis, conseruus est, nouit reuereri i-
dolorum contemptores. Spiculum puerorum reputo ue-
stras plagas: Corpus enim uerberas, quod si quidem diu-
tius restiterit, ac durauerit, splendidius coronatur: si uero
citius renuntiarit, perit à tam uiolentis iudicijs libera-
tum: Qui cum corporum ministerium accipiat, amplius
etiam

etiam animis imperare contenditis : qui sanè nisi etiam Deo nostro præferamini, quasi extrema ignominia a nobis affecti, scuitis, & horrenda hæc supplicia intentatis, crimē nobis producentes pietatem. At enim non timidis, neque uitæ amantibus, neque qui facile perterrescant pro dilectione ad Deum, congregiemini. Nos uerò, & rotari, ac torqueri, & comburi, & omne tormentorum genus perpeti parati sumus. *Hactenus ille Christianæ eloquentiæ magister.*

74 SUPPOSITO IGNE ABIERVNT] *Accidit beatis martyribus quod de S. Afra retulimus: Ut corpora nimirum incolumia remanerent, quorum hodie etiam reliquias colimus. Fit uerisimile fumo præfocatas fuisse, incensis cremijs sarmentis, & spinis, in loco angusto, undique clauso.*

75 EADEM DIE QUANDO SEPULTA EST AFRA ETC.] *Quomodo hæc cohereant, & quomodo temporum ratio cum traditione ecclesiæ Augustinæ collimet, iam explicavi. Galesinius non rectè interpretatus est, has martyres eadem die qua Afra mortem obinuit, passas. Qui præterea monet, extare epistolam Nicolai T. Pont. ad Tadonem Archiepiscopum Mediolanensem, de S. Afræ, & sociarum reliquijs. Mihi accuratè inuestiganti eam uidere non contigit, neque hactenus editam existimo. Gratianus quidem rescriptum Nicolai ad Tadonem retulit Causa 17. q. 4. De presbyterorum flagellatoribus.*

*In marty.
Non. Aug.
Et ibi in
Notat.*

76 CVM PALMA MARTYRII PERVENIRENT] *Vicely exemplar historiam his uerbis concludit, Qui regnat cum patre, & spiritu sancto in secula seculorū, Amen. Ea ego lubens recipiam. Siue quod in nostro inferius est, Cui est honor, & gloria in secula seculorum, Amen. Hisce enim, aut similibus formulis martyrum passionēs finire solent. Neque mihi dubium est, ueterem narrationem huc usque tantum pertingere: quæ sequuntur de S. Afro, & S. Dionysio, aliū esse auctoris, aliū ætatis. Reliqua illa, de XXV. martyribus ferro obtruncatis, si quid iudico, antiquitatis opinionem melius tuen-
tur: sed hæc quoque extra Afræ, & Hilarie acta. In libro, quem sequutus sum (ne quid fallam) omnia perpetua serie, sine distinctionis nota perscripta erant. Primus seiunxi. Non temerè, opinor.*

77 BEATVS AVTEM A FER] *Vides præter sancti ui*
ri

ri nomen, reliqua omnia incerta esse. Credendus ad exemplum
prapunitus: Non abindico coniecturam, Sed tamen coniectura,
ideoque necessario dubia, incerta est.

PRIDIE QVAM IPSIVS MARTYRIS 78
AFRAE COLITVR] Immo nudius tertius. Nam Non.
Aug. de S. Afro agitur. Et uereor ignoratione latinitatis Pridie
Scriptum.

QVAMVIS SPECIALITER SCRIPTIS NON 79
EXPRIMITVR ETC.] Bonum uirum egit, quisquis hæc
de Afro, & Dionysio capita ascripsit. Fatetur se ea, quæ ipse
collegerit, & excogitarit, nullibi lecta proferre. Coniecturis au-
tem quisque ex ingenio fidem demet, aut addet. Ego inuitus addu-
cor illa assenerare, quæ antiquitatis testimonio destituta. Verissi-
mile profecto est S. Dionysium exequijs interfuisse, nam Hilaria
uenit nocte cum sacerdotibus Dei, Sed quid prohibet eum
peracto funere abiisse, Mulieres solas siue latitantes, siue oratio-
ni uacantes remansisse? Si supplicium una luisset, Credibile ne-
est, auctor compassionis, sacerdotis nomen tacitum transmissurum
fuisse, cum ancillarum exitum tam diligenter rettulerit? Vt sit,
non frustra monebo, illos in errore manifesto uersari, qui hunc
cum Dionysio Areopagita confundunt: Quod ab ijs fit, qui eum
specie episcopi, abscissum caput manibus gerentis, delineant. De
nostro, agitur in breuiario Augustano IV. Cal. Martij: est dies
translationis, concessis ab Alexandro IV. Pontif. indulgentijs, ce-
lebris. Sacras eius reliquias Carolus IV. Imp. donario argenteo
inaurato coluit, Insculptis uersibus parum elegantibus, quos
tamen testanda imperatorie pietatis exscribere placuit,

M.C. ter numerato, cum L. uno simul anno
Carolus est quartus regnans hoc nomine dictus:
Qui dedit ornatum, sanctis petit hunc fore gratum.
Huic est inclusus terre Dionysius huius
Præful deuotus, uita quam nomine notus.

IPSA QVOQUE DIE] Scilicet Prid. Id. Aug. Con- 80
sentiunt martyrologia Bedæ, Vsuardi, Maurolyci, Galestinij, Ro-
manum. Sed Galestinus de die consentit, de anno longè dissentit.
Aut hos martyres sub Domitiano passos. Neque tamen nouæ opi-

Q nionis

nionis causam in Notationibus, prodit: Hinc suspicor Diocletiani nomen nequaquam consulto mutasse, sed memoria lapsum. Nisi error à typographo, quod credere fortassis humanius. Baronius etiam, in priori editione primi tomi *Annalium ecclesiasticorum*, Anno Chr. 93. *Galesinij fidem sequutus, sacram hanc cohortem sub Domitiano posuit: Sed re melius perpensa, expunxit iterum in altera Plantiniana editione. Sanè, lectorem non peruicacem, loquendi ratio satis mouet. Quis enim res diuersissimis annis actas, eadem die con-*

81 APVD EANDEM VRBEM] *Augustam Vindelico-*
 rum. Suffragantur auctores, quos iam citari. P. de Natalibus uti
 Li. 7. c. 55. *per omnem historiam, ita hoc loco perperam, eandem ciuitatem*
Augultam in Creta habet. Falsus est, uir alioquin non indili-
gens, similitudine, quæ inter Cretæ, & Rætiae nomina. Vicelium,
quoque affinitas nominum in errorem traxit, sed aliã uia. Ascri-
bit post finem passionis S. Hilarie, Eodem die passi sunt etiã,
non longe ab urbe Roma Cyriacus, Largus, Smaragdus,
Memnia, Iulia, & multi alij pro nomine Christi decollati
sunt. Quibus uerbis nostros sanctos confundit cum Cyriaco dia-
cono, Largo, Smaragdo, & alijs viginti, passis Romæ sub Maxi-
miano XVIII. Cal. April. Quorum commemoratio fit VI Id.
Aug. quod eo die corpora à Marcello Papa in prædium Lucinæ
translata. Sed hi nihil cum nostris commune habent. Nisi quod
Largionis nomen ad Largum alludit, Et Quiriacus prorsus idem
 Prisc. li. 1. *cum Cyriaco, sono tenus: si Priscianus uerè scripsit K. Q. & C.*
 Mur. Var. *et si figura differant, eiusdem potestatis esse. Ad quam rationem*
 lib. 4. c. 14. *annotauit Muretus antiquè Acam, Locì, Coad, Cotidie, pro A-*
 82 *quam, Loqui, Quoad, Quotidie scripta.*

82 PASSI SVNT ALII XXV. PRO NOMINE
 CHRISTI CAPITIS OBTRUNCATIONE]
 De numero, & obtruncatione omnes conueniunt. Qua uero occa-
 sione hac ipsa die damnati, à nullo proditum. Memini legere de
 Li. 7. c. 3. *Diocletiani persecutione in Nicephoro, Animaduertere uerò*
 erat in hominibus nostris alacritatem, & fidei in Christum
 ardorem uiuidum: Cum enim uix contra priores senten-
 tia condemnationis à iudice prolata esset, alij aliunde cõ-
 fluentes, Christianos se esse confitebantur, pro tribunali ip-
 so exultantes, neque tormentorum acerbicatem respicien-
 tes;

tes: sed interrita prorsus libertate pro Christo decertantes, cum magna animorum lætitia libentissimè supremam excipiebant sententiam: usque adeo ut cum gratiarum actione ad finem usque perquam decenter hymnos, laudesque Deo canerent. Cogito an idem hic usu venerit. Sed affirmare, & fidem facere quis possit? Credidere aliqui martyres istos ex Hilarie amicis fuisse, quos una cum Asra baptizatos sub conuersionis finem uidimus. Alij in famulitium etiam ascripsere. Mihi neutri persuadent. Persuasissimum enim habeo, utrumuis fuisset, nequaquam praterisset passionis Hilarie scriptor. Quin ex eius silentio conijcio, Amicos quorum in conuersione mentio est, Aut naturali, & sua morte sanctos; fortassis iam redditæ ecclesiis pace per Constantinum: Aut si martyrio affecti, id diuerso tempore ab Asra, & Hilarie nece contigisse. A seruitutis opinione uendicat, præter reliqua, supplicij genus. Quomodo enim credibile, in eodem crimine heras igni traditas, seruos capite cæsos? Contrarium est apud Eusebium, de Pamphilo domino securi percusso, Porphyrio famulo flammis exusto. Cui aslipulatur Vlpianus, Maiores nostri in omni supplicio, seuerius seruos quam liberos: famosos, quam integræ famæ homines punierunt. Neque absurdè opinamur, iudicem hunc morem spectasse in cremanda Asra. Nam idem Vlpianus significat, liberos non, nisi plebeios, & humiles personas comburi. Gaius ut hoc innueret, in sententia, Asram publicam meretricem nocare uoluit: Cum exploratum sit, infames haberi meretrices, nisi quæ in seruitute quæsum fecere, quas Seuerus notâ exemit. Atque hæc nos quasi manu ducunt, ut intelligamus XXV. martyres non extremæ sortis homines fuisse, quibus præses ignium pœnam remisit. Immo quod in colonijs honestissimus quisque vel Decurio, uel Decurionis filius, simile quid de his suspicari nihil uetat. Magis est ut pœnarum ista diuersitas confirmet. Nam Vlpianus Decuriones, & eorum liberos ignibus neminatim eximit, Sed enim sciendum est discrimina esse pœnarum, neque omnes eadē pœna affici posse. Nam in primis Decuriones in metallum damnari non possunt, nec in opus metalli, nec furcæ subijci, nec uiui exuri. Et post pauca, Parentes quoque, & liberi Decurionum, in eadem causâ sunt. Liberos non tantum filios accipere debemus, uerum omnes liberos. Sed

Lil. 8. c. 21
Dig. de iur.
nis l. 28.

Eadem l.

Dig. de his
qui not. in-
famia l. 24

Dig. de pœ-
nis l. 9.

Dig. de ue-
teran.¹. 3.

Spart. in
Geta Xi-
phil. in Ca-
rac.
Dig. de pe-
nis l. 8.

Lib. 5. c. 1.

utrum hi soli qui post Decurionatum suscepti sunt, his pæ-
nis non afficiantur: an uerò omnes omnino liberi, etiam
in plebeia familia suscepti, uidendum est. Et magis puto
omnibus prodesse debere. Quod si non omnes ex Decurioni-
bus, fortassis ex ueteranis aliqui. Ait Marcianus, Veteranis,
& liberis ueteranorum, idem honor habetur, qui, & Decu-
rionibus. Igitur nec in metallum dānabuntur, nec in opus
publicum, uel ad bestias, nec fustibus cæduntur. Quæ ego
non certa, indubia, sed uerisimilia uideri uelim. Neque obstat quod
antea diximus, in Christianorum causa leges multis modis contem-
ptui habitas. Est enim tyrannicum inter prima, in maximis scele-
ribus, quæ aduersus humanas, diuināsque leges, per summam iniu-
riam designantur, iuris, & æquitatis obseruantiam nihilominus
prætere. Quale Caracallæ illud: Iusserat in Papinianum gladio
animaduvertere, Miles securi percussit: Imperator iussionis negle-
ctum ægrè tulit, quod Iurisconsultorum sit sententia, si quis dam-
natur, ut gladio in eum animaduertatur, animaduerti gladio oport-
tere, non securi, uel t. lo, uel fusti, uel laqueo, uel quo alio modo.
Quasi uerò nihil tristius in funesto facinore isto uno neglectu acci-
disset. Sed nostra uideamus. Primus ex imperatoribus Nero in
Christianos immanissimè sæuijt, tamen in supplicijs principum A-
postolorum, conditiones distinxit. Petrum, quod humilior persona
haberetur, cruci affixit; Paulum, ciuem Romanum gladio percus-
sit. Ita in epistola Viennensis, & Lugdunensis ecclesiæ, apud Eu-
sebiū, præses sententiam tulit, Vt qui municipes Romani
essent, securi percuterentur: reliqui autem amandarentur
ad bestias. Nullus hunc locum planius executus est, quam Pru-
dentius in Romano,

Incensus hic Asclepiades, iusserat
Euiscerandum corpus equuleo eminus
Pendere, & uncis, ungulisque crescere.
Apparitores sed furenti suggerunt,
Illum uetusta nobilem prosapia,
Meritisque multis esse primum ciuium.
Iubet amoueri noxialē stipitem,
Plebeia claram pæna ne damnet uirum.
Tundantur, inquit, terga crebris ictibus,

Plum-

Plumboque cernix uerberata extaberet.
 Persona quæque cōmpetenter plectitur,
 Magnique refert uilis sit, an nobilis:
 Gradu reorum forma tormentis datur.

Atque hæc quidem personarum distinctio, in torquendis, & dam-
 nandis Christianis sæpe obseruata, non semper. Et ubi diligentissi-
 me obseruata, tamē leges, & omnis æqui ratio in eo pessum ibāt,
 quod solo nominis odio, nullius criminis conuicti, quouis modo
 torquebantur, damnabantur.

QVIRIACVS, LARGIO, CRESCENTIA-⁸³
 NVS ETC.] In his nominibus ualde uariatum. Ego illa reti-
 nui, quæ maxime genuina credidi. Pleraque martyrologia, Romā-
 num, Bedæ, Vsuardi, & Galestinj, quinque tantum expressere:
 Quiriacum, Largionem, Crescentianum, Nimmiam, & Iulianā.
 P. de Natalibus duodecim habet; Quiriacum, Largum, Crescen-
 tianum, Meminiam, Iulianam, Leonidem, Eutychianum, Diome-
 dam, Charitonem, Philadelphum, Agapem, Petrum. Et sunt ea-
 dem cum nostris, quamquam alio ordine, præter Largum, & Me-
 miniam. Totidem præfert Maurolycus; Sed pro Quiriaco, Memi-
 nia, & Diomeda; Cypriacum, Memmiam, & Diomedeam. Qui-
 dam pro Philadelpho, & Nimmia, siue Memmia, siue Meminia;
 Fidalsum, & Niminiam. Nonnulli tres adhuc adiiciunt, Embla-
 sum, Eyriam, & Faustam. Ut editis XV. nominibus, X. tan-
 tum ignorentur. Nam de numero XXV. omnes consentiunt.

Hæc tria
 nomina ex
 Meister.
 chron. p. 4.
 c. 4.

IULIANA] Monco extare Augustæ inscriptionem anti-⁸⁴
 quam C. Iulianj Iulij Decurionis, & Quatuoruiralis, in qua non
 nulli Iulianum legant: Ex eius familia Iulianam genitam uti
 non assuero, ita non uideo cur minus suspicari liceat. Cum præ-
 fertim coniecturā, quam de penarum discrimine attulimus, in-
 uenimur.

Habes a-
 pud Sm-
 tium fol.
 170. n. 2.
 Item Aug.
 inscrip-
 tione 1. nu-
 m. 22.

ET ALII XIII. QVORVM NOMINA DEVS
 SCIT] Quod horum nomina interierint, nemo Augustanam
 ecclesiam incuriæ accuset: Cum in Romana, quæ martyrum memo-
 riam omnium accuratissime conseruauit, pleraque desiderantur:
 Multi solo numero, nullo nomine reliquo noti; Aliquibus ex eue-
 tu noua excogitata sint. Exemplum est Adauctus. Ducebatur
 sub Diocletiano Felix presbyter ad supplicium, factus quidam
 obui-

Mart. 30.
 Aug.

Ad 3.
Nou.

Scalig. de
emend.
temp. li. 5.

obuius, se Christianum confessus, pariter casus est. Fideles nomē noui martyris ignorantes, Adauctum appellauere, quod Felici ad coronam auctus. Sic ex constitutione Melchiadis Pont. Quatuor Coronati dicti, ob propriorum nominum ignorationem. Et qui incredibilem martyrum multitudinem, quæ sub Diocletiano passa, animo æstimat, satis intelligit nullius diligentiam illis describendis sufficere potuisse. Refert Ignatius Patriarcha Antiochenus, apud Iosephum Scaligerum, ex edicto decimioni Diocletiani anni, martyrio coronata esse fidelium terræ Aegyptiacę centum quadraginta quatuor millia, septingenta autē in exilium acta. Ut etiam hinc fidem mereatur Genebrardi calculus, de XXX. millibus martyrum in singulos anni dies. Cur enim non uerisimile uideatur, centies centena millia, & quod excurrit, à Christo nato in hunc diem, uniuerso terrarum orbe occubuisse, si sola Aegyptus, una persecutione CXLIV. mille palmas meruit? Verum profecto est, multo minus millesima parte de martyrum nominibus in nostris martyrologijs superesse. Cuius rei causa una, numerus ipse ferè innumerus: Altera quam dudū diximus, quod Diocletianus æquē internecinas inimicitias Christianorum scriptis, ac eorum corporibus indixit. Eoque horribili naufragio multa martyrum acta perierunt. Neque sat scio an idem his nostris contigerit: Quorum saltem tenuem memoriam, & nonnullorum nuda nomina, tamquam in tabula enataſſe gratulamur.

Hanc porro inscientiam rerum à beatis martyribus gestarum, causam iudico, cur in ecclesia Augustana, statō die, annuē de illis non agatur.

Sepulti sunt in Basilica, quæ postea S. Afra, hodie S. S. Valrico, & Afra dicata: Cum plerisque alijs illa persecutione occisis, ut ueteris fama traditur. Quod horum omnium nulla unquam translatio facta (cuius quidem memoria extet) ideoque aliunde non illati, sed primitus ibi conditi fuisse uideantur, In eam descendendo cogitationem, ut existimem aream basilicæ, iam tunc temporis, Christianis pro cameterio fuisse. Conuenit, quod maiorum ambitu non continebatur, ut antea attigimus. Nam cameteria extra urbes constituta. Siue quod nefas mortuos in urbe sepeliri, ex XII. tabulis, & recenti lege Dioclet. & Maxim. quæ in Codice relatæ: Siue quod Christiani extra facilius laterent, cum cuncta religio-

Cod. de re-
lig. & sum
2. fun. laz

ligionis officia in illis peragerent. Panuinius, Galefinius, Baro-
nius copiosè de Christianis cæmeterijs scripsere, & doctè, quos
non exscribo. *Afra* memoria, quam sibi quisque construxerat, si
extra hanc arcam, nostram sententiam nihil labefactat. Neque
enim mihi dubium, præter publica cæmeteria, cuique priuata
sepulchra habere licuisse: Sive in ipsis cæmeterijs, siue etiam ex-
tra cæmeteria.

Panuini. de
ritu sep.
Christ. ca.
11. 12. 13.
Galef. in
notat. 20.
Ian.
Baron. in
notat. 3.
Ian.

Atque hæc quidem habui, quæ ad istius historiæ explicationem
conferrem. Cui finem imponam, si D. Ambrosij uerbis receden-
tem lectorem, de sanctorum martyrum inuocatione, & interces-
sione, prius admonuero. Aegri enim, nisi ad eos aliorum præ-
cibus medicus fuerit inuitatus, pro se rogare non possunt.
Infirma est caro, mens ægra est, & peccatorum uinculis im-
pedita, ad medici illius sedem debile non potest explica-
re uestigium: Obsecrandi sunt angeli pro nobis, qui nobis
ad præsidium dati sunt: martyres obsecrandi, quorum ui-
demur nobis quoddam corporis pignore patrocini-
um uendicare. Possunt pro peccatis rogare nostris, qui proprio
sanguine, etiam si qua habuerunt peccata, lauerunt. Isti
enim sunt Dei martyres, nostri præsules, speculatores ui-
tæ, actuumque nostrorum. Non erubescamus eos interces-
sores nostræ infirmitatis adhibere; quia ipsi infirmitatem
corporis, etiam cum uincerent, cognouerunt.

De uidiis.

Felices animæ, fortunatæque laborum,
Queis morte assertas celi Deus annuit arces,
Tu Christo plena ante alias, generosa uirago,
O & præsidium, & præsens tutela precantis
Afra urbis, Si templa pijs, si ponimus aras,
Dicite, Queis intus caluistis pectora flammis,
Quæ uires animis, quis mentibus additus ardor,
Cum belli sonuere tubæ, Cum turbine moto,
Horridus incubuit Libertino duce nimbus?
Non uos degeneres, fidei, & constantie egenas,
Impia sacrilegi fregerunt iussa tyranni.
Quamquam hinc, pollicitis diues, male suada Voluptas,
Pellaces fucata genas, Hinc tela, ficesque,
Et minæ, & exanguis flaret metus, Omnia contra

Dioclesia-
nus Anuli
ni senato-
ris liberti-
nus. Victor

Ere-

PASS. S. AFRAE ET SOC.

*Erecta, Et triplici munita robore corda,
 Enastis pelagi scopulos, portumque sequuta,
 Illustri aternas peperistis funere palmas.
 Felices, quæis parva quies, bellataque bella,
 Et quibus in tuta puppis statione locata est.
 At nos uimineis male nixi cratibus, Acti
 Per medias hyemes miseris erroribus, Alto
 Namus, & immensum restat maris aquor arandum.
 Respicite huc (hominum nec amor, nec cura recessit)
 Quam dubius, quam non nostris impellimur austris,
 Conuulsis animis uitia in contraria uersi,
 Et monstrate uiam, tantos euadere casus,
 Spumantes scopulos inter, uentosque, salumque
 Quâ licet, & salua terram tetigisse carina.*

MEMI-

Meminimus inuentionis corporum S. Afræ, &
puellarum aliquoties; Ideo visum,
illas narrationes ex antiquis
codicibus hic de-
scribere.

DE INVENTIONE
Corporis Sanctæ Afræ.



LEGIMUS in libro, qui de uita, & uir-
tutibus Sancti Vdalrici confessoris Chri-
sti, est conscriptus, quod idem Dei famu-
lus in ieiunijs & precibus, cum cordis cō-
tritione, alijs quoque uiris religiosijs secū
assumptis, se Deo mactare cepit, suppli-
cans deuotè, quatenus omnipotens Deus,
per suam misericordiam, dignaretur sibi
manifestare locum, ubi sanctissimæ martyris suæ Afræ corpus
esset reconditum. Ergo ut dominus uerum comprobaret, quod per
os sancti Dauid dixit, Ecce oculi domini super iustos, et aures eius
in preces eorum: & in alio loco, voluntatem timentium se faciet,
& deprecationem eorum exaudiet: Quadam nocte in uisu ei san-
cta Afræ apparuit, & locum collocationis sui corporis in ecclesia
demonstrauit. Cryptam etiam in illo loco fieri prohibuit, propter
reliquias sanctorum, illic in pace quiescentes, & aduentum iusti
iudicis expectantes.

Post hæc anno Dominicæ incarnationis **MLXIV**. Embrico
episcopus Augustensis, datis ab antecessore suo quinquaginta ta-
lentis, ecclesiam beatæ Afræ à fundamentis destruxit, & inuen-
tum est corpus eius in lapideo sarcophago, de quadro miræ magni-
tudinis, et locatum est in ea, ubi adhuc ueneratur, loco. Anno autē
felicis memoriæ Coloniensis Archiepiscopus, prælibatum antisti-
tem supplex rogauerat, ut munus aliquod de cineribus tantæ
martyris, sibi dignaretur impertiri, felicē fore credēs suam ciuita-

R tem

S. Vdalri-
cus nixis
sub Henri-
co Aucupe,
& Osbone
Magno O-
bijt Ann.
973.

Pf. 33.

Pf. 14.

Ann. Chr.
1060. Mis-
na a Reine
ro præs-
le, D. Afræ
monastie-
rium con-
ditum. &
dicatū, Fa-
bric. An-

INVENT. C. S. AFRAE ET SOC.

nal. Mis-
sens. lib. 1.
Anno Co-
lon. episc.
Obijt An.
1075. pe-
stea in san-
ctos rela-
tus.

Henricus
quē nostri
IV. atque
etiam Se-
niorē, suū
Patrem di-
cūt, Cendi-
dit Spira
basilicam
magni ope-
ris, B. Ma-
riae uirgini
sacra: Cu-
ius memi-
nit incer-
tū nūc scri-
ptor in pre-
amio, fr. J.
ng. in Fr.
der libr. 1.
c. 10. Got-
frid. Viter-
b. Chrō. p.
17. Verum
hic de eccle-
sia S. Afrae
sermo est.
Istius signi-
ficari facel-
lū S. Afrae,
i quo cada-
uer H. mi-
ci aliquo-
annis inhu-
matum ia-
cuit. Got-
fridus; A-
fra capella
fuit, quā
paris of-

tē, si talibus ditaretur reliquijs. Cuius precibus annuit episcopus.
Et ueniens Augustam conuocat praelatos ecclesiarum, & fratres
cenobij sanctae Afrae, absque illorum consilio, & uoluntate quid-
quam agere, inconsultum fore decernens. Igitur cum magno timo-
re, aperto sarcophago Christi martyris, Corpus eius integrum re-
pertum est, et quodam candidissimo camento obduclum. Auferens
ergo solum articulum pollicis in pede, uenerandus Pontifex, teste
clero, et populo Coloniam cum summa direxit reuerentia. Nec mo-
ra, clauditur sarcophagus, & in loco ubi nunc ueneratur, ut prae-
diximus, decenter erigitur.

Euolutis post haec aliquot annorum curriculis, Henricus Imp.
ecclesiam Spirae construxit, quam in honore beatę Afrę dedicari
fecit. Agebat ergo apud Augustanum episcopum Hermannum
multis precibus, ut aliquid reliquiarum sanctę Afrę illo mittere-
tur. Pro qua re, licet episcopus pauore nimio angeretur, tamē Ab-
batē cenobij sanctae Afrae, & clerum conuocauit, Rogans ut quid
agendum esset decernerent. Qui dixerunt, Imperatoriā quidem ma-
iestati non contradicendum; Sed priusquam sibi magna portio
corporis beatę Afrę tollatur, mortem se uelle subire in commune
profidentur. Ventum est denique ad sepulchrum martyris: Et mi-
lites quidem ciuitatis fores ecclesię armati custodiunt, & in eccle-
sia circumquaque consistentes, diligenter attēdunt, ne magna pars
corporis tantę martyris, ab episcopo, vel a sacerdotibus aufera-
tur. Audiens autem episcopus a senioribus cenobij, iam pridem
unum articulum pollicis in pede ab antecessore suo sublatū, decer-
nit alterum articulum in eadem pedis parte auferendum. Modi-
cum itaque reuoluto lapide, quo sarcophagus clauditur, alter ar-
ticulus pollicis in pede aufertur, & ex templo lapis reponitur, fer-
reisque ligaminibus compaginatur. Ascendens itaque episcopus
eminentio rem locum, uniuersis ostendit particulam, sublatam de
corpore Christi martyris. Et ita omnes a quo animo redierunt ad
propria. Cuius pars maior transmissa est Spiram Imperatori, al-
tera remansit ibi.

A die autem inuentionis corporis beatę Afrę, quę est VI.
Cal. Aug. duabus tantum uicibus reueratus est sarcophagus: Et
nihil amplius inde est sublatum, nisi quantum hic commemorau-
mus. Hinc uetustatem huius scriptionis colligo. Testes laudat mo-
nachos, qui rei gestę sub Henrico IV. interfuerunt. Henricus autem

anno

anno 1106. mortuus est. Dodech Sigeb. Addit. Lamb. Quod no-
stra memoriae tradiderunt seniores huius canobij, qui & rei gesta
interfuerunt.

sa tulit. Es
Eisengrein
Chrō. Spir.
li. 12. in eā
dem sent.

DE INVENTIONE sanctarum Dignæ, Eunomiæ, & Eutropiæ.

IN P S O quoque tempore in prædicta ecclesia stru-
ctura, Prid. Id. Aug. inuenta sunt sanctarum
Dignæ, Eunomiæ, & Eutropiæ corpora. Lapis
autem superpositus tumulo sanctæ Eunomiæ,
dum forte à latronibus cad-retur, miri odoris fra-
grantiam emisit. Corpusculum uero sanctæ
Eutropiæ in sarcophago plumbeo est repertum. Cuius pars ma-
xima data est ad monasterium sancti Stephani protomartyris,
quod beatus Vdalricus non longè à ciuitate construxit. Altera
uero pars cum reliquijs sancti Pauli Apostoli, in altari sacelli
eiusdem Apostoli, à nobilibus comitibus illic sepultis constructi,
& multis uillarum redditibus dotati, in dedicatione ipsius est re-
condita. Corpora autem sanctarum Dignæ & Eunomiæ, in singu-
lis locellis de ligno factis, pro tempore sunt locata.

Post hæc, euolutis plusquam sexaginta annis, temporibus epi-
scopi Embriconis, his omnibus, per incuriam tunc uiuentium, pæ-
ne in obliuionem uersis, dum huic loco in regimine præesset piæ me-
moriæ Vdalscalcus abbas, ipsa martyre Christi Digna uolente, &
dignante manifestari, inuenta est. Id. Iulij in arca lignea, quæ
adhuc superposita est tumbæ sancti Dionysij, in purpura peropti-
ma, & rara, quæ postmodum limbo circumposito, super postes ec-
clesiæ ad introitum in festis suspenditur. Inuenta est autem sine
alicuius scripturæ indicio. Vnde dum nimia tristitia abbas, con-
uentusque percelleretur, conuersus quidam nomine Gerungus,
bonæ conuersationis & famæ, diligenter in ipsa arca perscru-
tans rimas & iuncturas, repperit tandem inter parietem arcæ, &
pannum qui interiorius extentus fuit, laminam plumbeam, in qua
in sculptum erat,

Principiū
abruptum,
sed appa-
ret hæc cir-
ca An. Mil-
lesimū cōti-
nisse. Nam
ait postea
plusquam
60. annos
ad Embrico-
nem flu-
xisse. Em-
brico inijt
An. 1064.
Ex Lam-
berto.
S. Stepha-
monast. de
inde in ur-
bē recepit
Prolatio po-
mario.

INVENT. C. S. AFRAE ET SOC.

CORPVS SANCTAE DIGNAE MARTYRIS.

*Quam cum magno gaudio detulit ad dominum Abbatem Vdal-
scalcum. Quam ille deosculans, et cum magna fide molaribus suis
apponens, liberatus est à dolore dentium, quo multo tempore labo-
rauit. Post hæc, præparato sarcophago lapideo, eam retro princi-
pale altare cum magno honore, & deuotione relocauit. Et cum ea
multas alias & pretiosas sanctorum reliquias recondidit. Et prin-
cipale altare arcubus illis & tabulis deauratis, ut adhuc cerni-
tur, decorauit.*

P R A E T E R M I S S A.

Folio 21. pagina a. uersu 12. post verbum, abijsse. Adde,

*De Afra si verum, Eam in suburbio habitasse dicamus neces-
se est: neque enim illud spatium pomerio antiquitus comprehen-
debatur. Idem de S. Martini xde quibusdam uidetur. Mihi non ad
modum liquet.*

Folio 23. pag. a. u. 36. post uocem, prodita. Adde,

*Immo si vlla unquam coniectura probabilis existimata, nihil
omnino probabilius, quam quod hinc coniectio Hilariam & A-
fram Augustæ natas esse; siue ambas, siue certè alteram, Afram
scilicet. Id à nemine hætenus obseruatum miror, cum ad huius
urbis splendorem magnopere faciat. At Hilaria parentes ex Cy-
pro venisse, neque quo uenerint exprimit. Cui dubium erit illum
locum subintelligi in quo sermo enuntiatur? Quis enim alius
sensus esse possit? Sed demus ipsam infantem Cypro à parentibus
exportatam, Et hanc causam esse cur illos potius quam se cum il-
lis venisse dicat, Vel demus etiam in itinere natam: Idem equi-
dem in Afram filiam nullo modo quadrabit. Sed hanc Augustæ
nata prorsus fateamur oportet. Et si quid nideo, hinc apertissi-
mè refelluntur prologi ineptiæ, tum de hisce quæ Roma, tum multo
magis de his quæ in Cypro circa eas contigisse narrat.*

pag.

pag. b. u. 23. post verbum, prætexissent? Adde,

Et si diademata regum reginarumque propria, coronæ non item, Diademata autem fascia tantum consistunt. Quod ex plerisque historiis planum. Lysimacho frontis vulnus diademate ab Alexandro est obligatum, futuri regni omine. Pompeio vitio versum, quod crus ulcere affectum fascia circumligatum ferret, quasi parum interesset qua corporis parte diadema gestaret. Egregie Seneca, Vides illam Scythiæ Sarmatiæque regem, insigni capitis decorum? Si vis illam æstimare, totumque scire qualis sit, fasciam solve, multum mali sub illa latet. Et Monima Mithridatis mori iussa, cum se proprio diademate suspendisset, illo disrupto. O execrandum, inquit, diadema, neque in tam tristi mihi ministerio profuisti. Si tamen hanc causam nostri prætulissent,

*Epist. 80.
vel 81.*

Plut. Lucullo.

Folio 24. pag. a. u. 9. post uocem, aureorum. Adde.

Annon etiam aureæ coronæ inter mulierum ornamenta? Certe Pollux numerat. Et Lampridius in Alexandro, Matronas autem regias contentas esse debere uno reticulo, atque inauribus, & baccato monili, & corona cum qua sacrificium facerent. Quin nec meretrices his abstinuisse ex Cicerone cognoscimus, Ut in hac lege (nihil enim prohibet fictam exempli loco ponere, quo facilius res intelligatur) Meretrix coronam auream ne habeto. Si habuerit publica esto.

*Po' lib. 5.
c. 16.*

De inuict. lib. 2.

Folio 62. pag. a. u. 6. post verbum, possit? Adde,

Fere simile est, quod in actis Stephani Pape apud Baronium legi, Tunc accidit ut duodecim ex clero Romano tenerentur, nempe Bonus, Faustus, Maurus, Primogenitus, Calumniosus, Ioannes, Exuperantius, Cyrillus, Theodorus, Basilus, Castulus, & Honoratus, qui absque audientia (idem nostris accidisse suspicor) statim capitibus truncari iubentur.

F I N I S.

Libri di stampa d'Aldo, che si trouano al presente.

Antiquæ inscriptiones Marci Velseri . 4. noua	L	1	f.
Armandi Belouisij Declaratio difficilium terminorum Theologiae, Philosoph. atque Log.	L	1	f. 10
Asconij Pediani Comment. in Orat. M. T. C. 8.	L		f. 15
Aminta fauola Boscareccia di Torquato Tasso con figure, 12.	L		f. 6
Detta in 4. con figure.	L	1	f.
Andrea Bacci, dell'uso, & bontà dell'acque, & modo di beuer fresco, 4.	L	2	f. 10
Agricoltura noua, & Casa di Villa di Carlo Stefano. 4. noua.	L	4	f.
Aggiunta alle Rime, & Prose del Tasso, con il suo ritratto, 12.	L		f. 8
Breuiarium Romanum, in 8. Roma.	L	3	f. 10
Conuersio, & passio Sanctæ Afræ, & aliarum Martyrum: cum commentario Marci Velseri Matthæi F. Augustæ Vinde. in 4. noua.	L	1	f. 4
Comedia Straccioni del Commendator Annibal Caro, 12.	L		f. 6
Agnela di Carlo Turchi, 8.	L		f. 8
Catechismus Latinus cum figuris, 8.	L	2	f.
Detto Volgare figurato, in 8.	L	2	f.
Comment. Cæsaris cum scholijs, & additionibus Aldi Iunioris, 8. nouo.	L	3	f. 10
Censorinus de die Natali, ab Aldo Manutio Iuniore emendatus, 8.	L		f. 12
Concilium Tridentinum cum figuris 8.	L	1	f. 10
De perfectione hominum. Philippi Mocenici, fol.	L	7	f.
De Fascino Leonardi Vairi Beneuen. in 8. nouo.	L	1	f. 4
De natura Dæmonum, Io. Laurentij Anania. 8. nouo.	L		f. 15
De quæstis per Epistolam, Aldi Iunioris, 8.	L	1	f. 4
De Senatu, & Antiquitatum Romanarum, Pauli Manutij, in 4.	L	1	f. 4
Discorsi della Penitenza sopra i Sette Salmi di Nicolò Vito di Gozze figurato, in 8. nouo.	L	2	f.
Discorso di Cosmografia, 8.	L		f. 4
Epitome orthographiæ, Aldi Iunioris, 8.	L	1	f.
Epitome Innouationis Anni, Pauli Clarantis, 4.	L		f. 8
Epistolæ Pauli Manutij. 8. nuoue.	L	2	f.
Epist. M. T. C. Fam. cum P. Manutij Comment. fol. nuoue	L	10	f. 10
Idem ad T. Pomponium Atticum, cum P. Manutij Commen. fol.	L	9	f. 6
Detto Volgari in 8.	L	2	f. 10
Familiar Latine con tauole nuoue.	L	2	f. 10
Essame dell'ingegno dell'huomo per apprendere le Scienze, con tauola 8.	L	1	f. 10
Eleganze insieme con la copia della lingua Toscana & Latina, d'Aldo Giouane. 16.	L	1	f. 4
			Fregmen-

Fregmenta Tabule antique in quibus aliquot per Rom. pro- uincias itinera. Edente, & explicante Marco Velfero Mat- thei fol. in 4. nouo.	L	1	f. 10
Forno, ouero trattato della Nobiltà, di Torquato Tasso, 12.	L	1	f. 10
Germani Audberti Venetix, 4	L	2	f. 10
Gouerno della famiglia di Nicolò Vito di Gozze, 8. nouo.	L	1	f. 10
Herculis Ciofani Commen. in Ouidij Metamor. 8.	L	1	f. 10
Luce Petri de Mensuris, & Ponderibus in fol. con figuris.	L	1	f. 10
Locutioni dell'Epil. Fam. scielte da Aldo Giouane, 16	L	1	f. 4
Lettere Facete, & piaceuoli di diuersi Autori primo, & secon- do libro, 8	L	3	f. 10
Modi famigliari di dire, scielti da Aldo Giouane, 8	L	1	f. 4
Noua Disciplina, & uera arte militare del Brancaccio, fol.	L	3	f. 10
Orthographia magna, Aldi Manutij Iunioris, 8. noua.	L	4	f. 10
Opera Cardinalis Contareni, fol.	L	9	f. 10
Orationes M. T. C. cum Pauli Manutij Comment. primo, se- condo, & terzo tomo, fol.	L	18	f. 12
Orthografia Manutiana in tauole, noua.	L	1	f. 6
Officio Romano con 45. Imagini in rame, in 12.	L	7	f. 10
Offertatione intorno alle bellezze della lingua Latina, in 8. noue.	L	1	f. 10
Oracoli Politici, 8. noui	L	1	f. 15
Opera Ciceronis cum nouis Manutiorum Comment. X. uolu- mi. fol.	L	62	f. 10
Orationes M. Antonij Mureti, 8	L	1	f. 4
Off. M. T. C. cum Aldi Manutij Iunioris Comment. fol.	L	4	f. 10
Progymnasmatum Latinitatis Iacobi Pontani de societate Ie- su, 8. nouo	L	1	f. 4
Padre di Famiglia, di Torquato Tasso, 12.	L	1	f. 6
Philosophia M. T. C. cum Aldi Manutij Iun. Comment. fol.	L	9	f. 6
Questiones Grammaticales, Nicodemo Frischlino, 8.	L	1	f. 10
Rinaldo Inamorato di Torquato Tasso con figure, & tauo- le, 12.	L	1	f. 15
Rhetorica M. T. C. cum Aldi Manutij Iun. comment. fol.	L	18	f. 12
Idem in 8.	L	3	f. 10
Rime, & prose di Torquato Tasso, con figure, prima, & secon- da parte, 12.	L	3	f. 10
Rime Amoroze di Sauino Bobali fordo, 4. noue,	L	1	f. 10
Strigilis Grammatica Nicodemo Frischlino, 8.	L	1	f. 10
Stato delle Republiche, secondo la mente d'Aristotele con essempi moderni di M. Nicolò Vito di Gozze in 4. nouo.	L	3	f. 10
Repubblica Venetorum Gasparis Contareni in 4. noua.	L	1	f. 10
Repubblica Venetiana del Contarini, & del Gianetti, insieme con i Discorsi delle Rep. del Caualcanti, & del Erizzo in 8. noua.	L	1	f. 10
Trattato della Demonomania, ouero Streghe, di Io. Bodino in 4. noua.	L	4	f. 10
Tragedia Calestri di Carlo Turchi, 8.	L	1	f. 8

Viciu-

Viciſſitudine , ò Mutabile Varietà delle coſe nell'univerſo
volgar. 4.

L 2 f. 10

Virgilio con Annotationi, & Tauole, 8.

L 3 f. 10

Vitæ Sanctorum, Surijs, & Lippomani, fol. compite. VI. vol.

L 49 f. 12

Vanità del mondo, Laurentio Giuſtiniano. 4.

L 1 f. 15

Vita di Coſimo Medici, ſcritta da Aldo Giouane, fol.

L 6 f. 4

Viaggio ſpirituale , nel quale facendoli paſſaggio da queſta
vita mortale , ſi aſcende alla Celeſte di M. Cornelio Bel-
landa 4. nouo.

L 1 f.

CORRECTIONES.


*Paginarum tituli ita concipiendi à folio 4. uſque ad fol. 9. CONVER-
SIO S. AFRAE ET PVELLARVM EIVS. à fol. 9. ad fol. 38.
AD CONVERS. S. AFRAE COMMENTARIVS. à f. 43. ad
f. 64. AD PASS. S. AFRAE ET SOC. COMMENTARIVS.*


*Folio 9. pagina a. inter verſus 12. & 13. nonnihil ſpatij puri relinquendum.
Ita etiam f. 42. p. a. inter uerſum 2. & 3. p. eadem inter u. 7. & 8. Item inter u.
17. & 18. Quo appareat hac capita à reliqua hiſtoria diſtincta eſſe.*

*Folio 4. pag. b. u. 7. lege claritatem. u. 14. claritate. f. 7. p. b. u. 10. gratiam. f. 12.
p. a. u. 8. Illi. f. 15. p. b. u. 3. Hippolytos. u. 34. Monegundes. f. 16. p. a. u. 16. factu. p.
b. u. 30. Dorotheus. f. 17. p. b. u. 6. ſumma uenerationis. f. 18. p. b. u. 22. SALVA.
f. 19. p. a. u. 21. Ac. f. 20. p. b. u. 16. Copus. f. 21. p. a. u. 26. innui. p. b. u. 30. Neceſ-
ſaria. f. 22. p. a. u. 12. publicis. f. 25. p. a. u. 29. Philetarus apud Athenaeum. f. 29.
p. a. u. 34. plaſmationis. f. 32. p. a. u. 27. legendum. u. 30. Veneris. p. b. u. 3. Id pro-
fecto. f. 33. p. b. u. 38. habitu. f. 36. p. a. u. 9. SACRAVIT. u. 30. Damafus. f.
37. p. b. u. 12. inſcios. f. 38. p. a. u. 17. VII. Imp. f. 39. p. b. u. 2. Capitulum. f. 44.
p. b. u. 21. diuerſiſſima. f. 46. p. b. u. 2. gemitu. f. 47. p. b. u. 25. DIXIT. f. 51. p. b.
u. 11. conſueuiſſe. u. 15. ex lege 10. f. 52. p. a. u. 26. ipſe. f. 53. p. a. u. 27. affixi. u. 37.
ſtipitem. f. 54. p. b. u. 18. Chionia. f. 55. p. b. u. 16. pecunia. f. 57. p. a. u. 16. quam
dijs. f. 58. p. a. u. 30. V. C. p. b. u. 21. reliquia. f. 61. p. a. u. 27. pretati. f. 63. p. a. u. 20.
Cyriacum. f. 64. p. a. u. 3. ſuiſq.*

*Quæ ad paginarum oras aſcripta, non ſemper ſuis locis poſita, quod diligens
lector facile animaduertet. In illis lege. f. 10. p. b. proph. rel. f. 15. p. a. Cucuſatem.
f. 16. p. a. clar. mul. f. 32. p. a. in ſec. ſent. p. eadem. in comment. de Alpibus. f. 43. p.
a. in breuic. coll. f. 44. p. b. lege 10. f. 45. p. b. lege 8. f. 51. p. b. Cic. ep. ſa. lib. 7. ep. 25.
Coniunge illis qua pagina precedenti ad oram notata. f. 59. p. b. Mari. 3. Dec.*

*Sunt quædam orthographia errata, Vt ſæpe AE pro OE, Ypsilon pro I, & uice
uerſa. Item littera ſemere geminata, & alia huius generis; Sunt etiam diſtin-
ctionum peccata, qua peritus lector leui opera emendabit. Vtique Cinyras, Vin-
do, Lyeus ſcribendum.*





48647381